
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>







P. gall. 1578^d - 2

Nouvelles

B. L. franc. p. 469.

16.3048

RECUEIL
D E
C O N T E S.

LES CENT
NOUVELLES


NOUVELLES.

TOME SECOND.



A LONDRES.

M. DCC. XLIV.





LES CENT
NOUVELLES
NOUVELLES.


XLVI. NOUVELLE.

LES POIRES PATÉES.



EN est pas chose estrange ne peu accoustumée que Moines hantent & frequentent volontiers les Nonnains. A ce propos il aduint n'aguerres que vng maître Jacopin tant hanta & frequenta une bonne maison de Dames de Religion de ce Royaulme qu'il paruint a son intencion, laquelle étoit de couchier avec vne des Dames de leans, & puis qu'il eut ce

Tome II.



bien s'il étoit diligent & songneux de soy trouver vers celle qu'il aimoit plus que tout le demourant du monde, & tant y continua & hanta que l'Abbesse de leans & plusieurs des Relligieuses s'en apperceurent de ce que étoit, dont elles furent bien mal contentes : mais toutefois affin des esuiter eselandre elles n'en dirent mot voire au Relligieux, mais trop bien chanterent la leçon a la Nonnain, laquelle se sceut bien excuser ; mais l'Abbesse qui veoit cler & étoit bien aperceuvante congneut tantost a ses réponses & excusances, aux manieres qu'elle tenoit, & aux apparences qu'elle auoit veu, qu'elle étoit coupable du fait, si voulut pourueoir de remede, car elle fit tenir bien court accause de cette Relligieuse, toutes les aultres fermer les huis des cloîtres, & des aultres lieux de leans, & tellement fit que le pource Jacopin ne pouuoit plus venir veoir sa Dame. Si lui en desplaisoit & a elle aussi il ne le faut demander, & vous dis bien qu'ils pensoient & nuit & jour par quelle façon & moyen ils se pourroient rencontrer, mais ils n'y sçauoient engin trouuer. Tant faisoit faire sus eux le guet Madame l'Abbesse. Or aduint ung jour que vne des niepces de Madame l'Abbesse se marioit & faisoit sa feste en l'Abbaye & y auoit grosse assemblée des gens du pays, & étoit Madame l'Abbesse fort empeschée de festoier les gens de bien que étoient venus a la feste faire honneur a sa niepce. Si s'aduifa bon Jacopin de venir veoir sa Dame, & que a l'adventure il pouroit être si heu-

reux, que de la trouuer en belle & il y vint comme il proposa, & de fait trouua ce qu'il queroit & ac- cause de la grosse assemblée, & de l'empeschement que l'Abbesse & ses guettes auoient, il eut bien loisir de dire ses doleances & regretter le bon temps passé & elle que beaucoup le aimoit le vit très voutentiers, & se en elle eut été aultre chiere lui eut fait, & outre aultres parolles il lui dit: *helas ma mye vous sçauiez qu'il y a ja long temps que point ne sceusmes deuiser ainsi que nous faouillions, ie vous prie s'il est possible tandis que l'hostel de ceans est fort donné a aultre chose que nous guetter, que vous me diez ou ie pouray parler a vous a part; ainsi m'est Dieu dit elle mon amy ie ne le desire pas mains que vous, mais ie ne sçay penser lieu ne place ou je le puisse faire, car tout le monde est tant par ceans qu'il ne seroit pas en moy d'entrer en ma chambre, tant y a d'estrangers que sont venus a cette feste, mais ie vous diray que vous ferez. Vous sçauiez bien ou est le grant jardin de ceans, ne faites pas? Saint Jehan! oui, dit-il, ie sçay bien ou il est: vous sçauiez que au coing de ce jardin dit-elle y a vng très beau preau bien enclos de belles hayes fortes & espesses, & au milieu vng grant poirier que rendent le lieu vmbrageux & couuert, vous vous en yrez la & me attendrez, & tantost que ie pouray eschapper ie feray diligence d'y moy trouuer vers vous, elle fut beaucoup merciée & dit maître Jacopin qu'il sy en-alloit tout droit. Or adueez vous sça-*

A ij

uoir que vng jeune galand venu a la feste n'étoit gueres loing de ces deux amans ; sy ouit & entendit toute leur conclusion & pource qu'il sçavoit bien le lieu ou étoit ledit preau il s'aduifa & proposa en soy de s'en aller embuscher pour veoir le desduit & les armes qu'ils auoient entrepris de faire. Il se mit hors de la presse , & tant que piez le peurent porter il s'en court vers ce preau , & fit tant qu'il se trouua avant le Jacopin , & lui la venu il monte sus le beau poirier qui étoit large & ramu , & très bien vestu de feuilles & de poires , & si embuscha si bien qu'il n'étoit pas aisé a veoir. Il n'y eut gueres été que vecy bon Jacopin qui attrote en regardant derriere lui se ame le suiuoit , & Dieu qu'il fut bien joyeux de soy trouuer en ce beau lieu , il se garda bien de leuer les yeulx contre mont , car jamais ne se fut douté qu'il y eut eu quelqu'un . mais tousjours auoit l'œil vers le chemin qu'il étoit venu , tant regarda qu'il vit sa Dame venir le grant pas , laquelle fut tost emprès lui si firent grant feste & bon Jacopin d'oster son manteau & son capulaire , & commença a baiser & accoler bien secrettement la belle , si voulurent faire ce pourquoy ils étoient venus , & se met chascun en point , & ce faisant commença a dire la Nonnain. Pardieu mon amy frere Aubery , je vueille bien que vous sachez que vous auez aujourd'hui a Dame & en votre beau commandement l'vng des beaux corps de notre Relligion , je vous en fais juge vous le voyez , regardez quel tetin , quel ventre ,

Quelles cuiffes & du furplus il ny a que dire, Par ma foy dit frere Aubery, ſeur Jehanne ma mye, ie con-
gnois ce que vous diſtes, mais auſſi vous pouuez
dire que vous avez pour ſeruiteur, vng des beaulx
Religieux de notre ordre auſſi bien fourny de ce
que vn homme doit auoir que nul aultre, & a ces
mots mit la main au baton dont il vouloit faire ſes
armes & le brandiſoit voyant ſa Dame en lui diſant :
qu'en dites vous, que vous en ſemble, n'eſt il pas
beau, ne vault il pas bien vne belle fille, certes oui
dit-elle & auſſi l'aurez vous dit le Jacopin. Et vous
aurez dit lors cellui qui étoit dans le poirier deſſus
eulx des meilleures poires du poirier, lors prent a
ſes deux mains les branches du poirier, & fait tom-
ber en bas ſus eux des poires très largement dont
frere Aubery fut tant effroyé qu'a peu qu'il n'eut le
ſens de reprendre ſon manteau. Si s'en picque tant
qu'il peult ſans arreſter, & ne fut aſſeuré tant qu'il
fut hors de leans.

Et la Nonnain qui fut autant effroyée que lui ne
ſe ſceut ſi toſt mettre en chemin que le galant du
poirier ne feuſt deſcendu, lequel la print par la main
& lui deffendit le partir & lui dit : Ma mye, il vous
fault payer le fruitier. Elle qui étoit prinſe & ſur-
prinſe voit bien que reſſus n'étoit pas de ſaiſon ; ſi fut
contente que le fruitier fit ce que frere Aubery auoit
laiffé en train.

XLVII. NOUVELLE.

LES DEUX MULES
NOYÉES.

EN Prouence auoit naguerrres vng President de haute & bien heureuse renommée que très grant clerc & prudent étoit, vaillant aux armes, discret en conseil, & au brief dire, en lui étoient tous les biens dequoi on pouroit jamais louer homme. D'une chose tant seulement étoit noté dont il n'étoit pas cause, mais étoit celui a que plus en desplaisoit, aussi la raison y étoit, & pour dire la note que de lui étoit, c'étoit qu'il étoit coulx par faulte d'auoir femme aultre que bonne. Le bon Seigneur veoit & congnoissoit la desloyauté de sa femme & la trouuoit encline, & étoit de tous points a sa pitié, & quelque sans que Dieu lui eut donné, il ne sçauoit remede a son cas, fors de soi taire & faire du mort, car il n'auoit pas si peu len en son temps qu'il ne sçeut vrayment que correction na point de lieu a femme de tel état. Toutefois vous pouuez penser que ung homme de couraige vertueux comme cestuy étoit ne viuoit pas bien a son aise, mais fault dire & conclure que son dolent cueur portoit la paste au four de ceste mauldite infortune, & par dehors

quoit semblant & maniere de rien seavoir & appercevoir le gouvernement de sa femme. Vng de ses seruiteurs le vint trouuer ung jour en sa chambre a part , & lui va dire par grant sans : Monseigneur ie suis celui qui vouldroye aduertir comme ie dois de tout ce qui vous peut toucher de votre honneur , ie me suis prins & donné garde du gouvernement de votre femme , mais ie vous assure quelle vous garde très malloyaulté quelle vous a promise , car assurement vng tel qu'il lui nomma tient votre lieu bien souuent. Le bon President saichant bien l'état de sa femme lui respondit très fierement : Ha ribault ie sçai bien que vous mentez de tout ce que me distes. Je congnois trop ma femme ; elle n'est pas telle non , & vous ay ie nourri si longuement pour me rapporter une telle bourde , voire de celle que tant est honneste, bonne & loyalle , & vrayment vous ne m'en ferez plus , distes que ie vous dois , & vous en allez bientost , & ne vous trouuez jamais deuant moy si chiér que vous aimez votre vie. Le pource seruiteur qui cuidoit faire grant plaisir a son maître de son aduertance dit ce qu'il lui debuoit , le President lui baille & il le reçeut & s'en alla. Notre bon President voyant encore de plus en plus resfreschir la desloyauté de sa femme étoit tant mal content & si très fort troublé que on ne pouroit plus. Si ne sçauoit que penser ne ymaginer par quelle façon il en pouroit honnestement déscharger , si aduisa que sa femme deuoit aller a vne nopce. Il vint a vng varlet

A iiii

8 LES DEUX MULES

que la garde de ses chevaux auoit , & aussi d'une belle mulle qu'il auoit & lui dit : garde bien que tu ne baillies a boire a ma mulle de nuit ne de jour , tant que je le dirai , & a chascune fois que tu lui donneras son auoine si lui mets parmi une bonne pongnie de sel & gardés que tu n'en sonnes mot , non ferai ie dit le varlet. Quant le jour des nopces de la Cousine de Madame la Presidente approucha elle dit au bon President : Monseigneur si c'étoit votre plaisir , & ie me trouueroye volentiers aux nopces de ma Cousine qui se feront Dimanche prochain en vng tel lieu , vrayment ma mye dit-il j'en suis très bien content. Allez Dieu vous conduie. Je vous mercie Monseigneur dit elle , mais ie ne sçai bonnement comment y aller , ie ny menasse point volentiers mon chariot pour le tant peu que ie y ay a être , votre haquenée aussi , est tant desfroyé que par ma foy ie n'oseroye pas bien entreprendre le chemin sus elle , & bien prenez ma mulle. Le jour de partir vint & s'apprestèrent les seruiteurs de Madame la Presidente & ses femmes , que la deuoient seruir , & accompagner pareillement vont venir a cheval deux ou trois gorgias que la deuoient accompagner , que demandent se Madame est preste , & elle leur fait sçavoir quelle viendroit maintenant elle fut preste & vint en bas en la compagnie de ces gentils gorgias avecques ses femmes & ses seruiteurs passa Madame la Presidente par la ville , & se vint trouuer aux champs , & tant alla qu'elle vint arriuer en vng

très mauuais destroit auprès duquel passe la grosse riuere du Rosne , & comme ceste mulle qui n'auoit beu de huit jours aperceut la riuere courant sans demander pont ne passage elle de plain vol faillit dedans a tout sa charge qui étoit du precieux corps de Madame , ceux que le veirent la regardent très bien , mais aultre secours ne lui firent , car aussi il n'étoit pas en eulx , si fut Madame noyée dont ce fut grant dommaige , & la mulle quant elle eut beu son saoulnagea tant par le Rosne qu'elle trouua lissuë & faillit dehors. La compaignie fut beaucoup troublée , si s'en retourna a la ville , & vint l'vng des seruiteurs de Monseigneur le President le trouver en sa chambre qui n'attendoit aultre chose que les nouuelles que lui va dire tout pleurant la piteuse adventure de Madame sa Maitresse. Le bon President plus joyeux en cuer que oncques ne fut se monstra très desplaisant , & de fait se laissa cheoir a terre du hault de lui ménnant très piteux dueil en regrettant sa bonne femme. Il maudissoit sa mulle , les belles nopces que firent sa femme partir ce jour , & Dieu dit-il ce vous est grant reprouche que êtes tant de gens & n'avez sceu rescoure la pource femme que tant vous aimoit : vous êtes lasches & meschans , & l'avez bien monstre. Le seruiteur & les aultres aussi s'excuserent le mains mal qu'ils sçurent & laisserent Monseigneur le President que loüa Dieu a jointes mains de ce qu'il est si honnestement quitte de sa femme.

XLVIII. NOUVELLE.

LA BOUCHE HONNÊTE.

VN gentil Compaignon deuint amoureux d'une jeune Damoiselle que nagueres étoit mariée , & le moins mal qu'il sceut aprez qu'il eut trouué façon d'auoir vers elle accointance , il lui compra son cas , au raport qu'il fit il étoit fort malade , & a la vérité dire aussi étoit il bien en pique , elle fut si douce & gracieuse quelle lui bailla bonne audience & pour la premiere fois il se partit très content de la responce qu'il eut. S'il étoit bien feru auparavant encores fut-il plus touché au vif quant il eut dit son fait si ne dort ne nuit ne jour de force de penser a sa Dame , & de trouuer la façon & maniere de paruenir a sa grace il retourna a sa queste quant il vit son point , & Dieu sçait s'il auoit bien parlé la premiere fois que onques fit-il mieulx son personnaige a la deuesiesme , & si trouua de son heur sa Dame assez encline a passer sa requeste dont il ne fut pas moyennement joyeux , & pource qu'il n'auoit pas tousjours le temps ne le loisir de soy tenir vers elle , il dit a cette fois la bonne volenté qu'il auoit de lui faire seruice & en quelle façon. Il fut mercié de celle qui étoit tant gracieuse qu'on ne pouroit plus. Brief il trouua en elle tant de courtoisie en maintient

& parler qu'il n'en sceut plus demander si se cuida aduancer de la baïser, mais il en fut reffusé de tous points; mêmes quant vint au partir il ne peult onques finer dont il étoit très esbahy. Et quant il fut dehors de elle, il se doubta beaucoup de non point paruenir a son intencion, veu qu'il ne pouuoit obtenir d'elle vng seul baïser. Il se conforte d'autre costé des gracieuses parolles qu'il auoit eu au dire adieu, & de l'espoir qu'elle lui auoit baillé, il reuint comme les aultres fois de rechief a sa queste & pour abreger tant y alla, & tant y vint qu'il eut heure assignée de dire le surplus a sa Dame a part, de ce que ne vouldroit déclarer entre eux deux, & pource que temps étoit il print congé d'elle si l'embrassa bien doucement & la voulut baïser & elle s'en defendit très bien & lui dit assez rudement: ostez, ostez laissez moy, ie nay cure d'être baïsee. Il s'excusa & le plus gracieusement que onques & sur ce partit, & quest ce dit-il en soy mêmes jamais ie ne veis cette maniere en femme, elle me fait la meilleure chere du monde & si ma desja accordé tout ce que ie lui ay osé requerre, mais encores n'ay peu finer d'vng poure baïser. Quant il fut heure il vint ou sa Dame lui auoit dit, & fit ce pourquoy il y vint tout a son beau loisir; car il coucha entre ses bras toute la belle nuit, & fit tout ce qu'il voulut excepté seulement le baïser pour laquelle cause il fesmuerueilloit moult en soy même, & ie n'entens point cette manie de faire disoit-il en son pardedens, cette femme veut bien

72 LA BOUCHE

que ie couche avecques elle & faire tout ce qu'il me me plaist , mais du baïser ie n'en fineroye n'en plus que de la vraye croix. Par la mort bieu ie ne sçay entendre cecy , il fault qu'il y ait aucun mystere , il est force que ie le saiche. Vng jour entre les aultres qu'il étoit avec la Dame a goguettes & qu'ils étoient beaucoup de hait tous deux , il lui dit , ma mye ie vous requiers dites-moy que vous meut de me tenir si grant rigueur quant ie vous veil baïser , vous m'avez baillé la joyssance de votre gracieux & beau corps tout entierement , & d'vng petit baïser vous me faites reffus ? mon amy dit elle vous dictes vray , le baïser vous ay ie voirement reffusé & ne vous y attendez point vous n'en finerez jamais & la raison y est bonne se la vous diray : il est vray quant jespousay mon mary que je lui promis de la bouche tant seulement beaucoup de moult belles choses , & pource que ma bouche lui a promis de lui être loyalle ie suis celle que lui veuille bonne entretenir , & ne souffreroye pour mourir qu'autre que lui y toucha , elle est sienne & a nul autre , & ne vous attendez de riens y auoir , mais mon derriere ne lui a rien promis ne juré , faites de lui , du surplus , ma bouche hors , ce qu'il vous plaira ie le vous abandonne , l'autre commença ariere très fort , & dit ma mye ie vous mercie , vous dictes très bien , & si vous sçay grant gré que vous avez la franchise de bien garder votre promesse , a Dieu ne vueille dit-elle que ie lui face faulte , en la façon qu'avez oui

Fut cette femme obstinée. Le mary auoit la bouche seulement, & son amy le surplus, & se daduenture le mary se seruoit aucune fois des aultres membres ce n'étoit que par maniere d'emprunt, car ils étoient a son amy par le bon delle, mais il veoit cet auantage que sa femme étoit contente qu'il en prenist sur ce quelle auoit donné, mais pour riens n'eut souffert que l'amy eut joui de ce qu'a son mary auoit donné.

X L I X. N O U V E L L E.

L E C U L D' E C A R L A T E.

N A G U E R E S qu'en la ville d'Arras auoit ung bon marchand auquel il mescheut d'auoir femme espousée qui n'étoit pas des meilleures du monde, car elle ne tenoit ferre, quelle put veoir son coup, & quelle trouua a qui, non plus que vne vieille arbalestre. Ce bon marchand se donna garde du gouuernement de sa femme, il en fut aussi aduertit par aucuns ses plus priuez amis & voisins si se bouta en vne grant frenesie & bien parfonde melancolie dont il ne vault pas mieulx, puis s'aduifa qu'il esprouueroit s'il scauoit par aucune bonne façon se nullement il pouroit veoir ce qu'il scait que bien lui plaira, c'étoit de veoir venir en son hostel & en son domicile deuers sa femme vng ou plusieurs de ceulx

14 LE CUL D'ECARLATE.

que on dit que sont lieutenans ; notre marchant seignit vng jour d'aller dehors & s'embuscha en vne chambre de son hostel dont lui seul auoit la clef , & veoit ladite chambre sur la cour. Et par aucuns secrets pertuis & plusieurs treilles regardoit en plusieurs aultres lieux & chambres de leans. Tantoist que la bonne femme pensa que son mary étoit dehors elle fit prestement sçavoir a vng de ses amis qu'il venist vers elle , & il obeit comme il deuoit. Car il suiuit pié a pié la meschine que l'étoit allé querir. Le mary que comme dit est étoit caché en sa chambre , vit très bien entrer celui qui venoit tenir son lieu , mais il ne dit mot , car il veult veoir plus auant s'il peut. Quant l'amoureux fut leans la Dame le mena par la main tout diuisant en sa chambre & serra lhuis & se commencerent a baïser & accoller , & faire la plus grant chiere de jamais , & la bonne Damoiselle de despouiller sa robbe , & soy mettre en cotte simple , & bon Compaignon de la prendre a bons bras de corps , & faire ce pourquoy il étoit venu , & tout ce veoit a l'œil le pource mary par une petite treille , pensés s'il étoit a son aise , mais il étoit si prest deulx qu'il entendoit pleinement tout ce qu'ils disoient.

Quant les armes d'entre la bonne femme & son seruiteur furent acheuées , ils se misdrent sus vne couche qui étoit en la chambre & se commencerent a deuïser de plusieurs choses , & comme le seruiteur regardoit la Dame que tant belle étoit que mer-

veilles, il la recommence a rebaiser & dit en cela faisant : Ma mye a qui est cette belle bouche , c'est a vous mon amy dit-elle , & ie vous en mercie dit-il, & ces beaulx yeux a vous aussi dit-elle , & ce beau tetin , qui est si bien troussé n'est il pas de mon compte dit il , oui par ma foy mon amy dit elle , & non autre. Il met aprez la main au ventre a son deuant , ou il ny auoit que redire , si lui demanda a que est ceci ma mye. Il ne le faut ja demander dit-elle on sçait bien que tout est vôtre. Il vint après jetter la main sur le gros derriere d'elle , & lui demanda en soubzriant a que est cecy. Il est a mon mary dit elle c'est sa part , mais tout le demourant est vôtre , & vrayment , dit-il , ie vous en remercie beaucoup. Je ne me dois pas plaindre , vous m'avez très bien parti, & aussi d'autre costé par ma foy pensez que ie suis tout entier vostre. Je le sçay bien dit-elle , & après ces beaux dons & offres qu'ils firent l'vng a l'autre , ils recommencerent leurs armes de plus belle & ce fait le gentil seruiteur partit de leans , & le pource mary que tout auoit veu & ouï tant couroucé qu'il n'en pouuoit plus enrageoit tout vif , toutesfois pour mieulx faire il auala cette premiere & a lendemain fit très bien son personnage faisant semblant qu'il venoit de dehors , & quant vint sur le point du dîner il dit a sa femme qu'il vouloit auoir Dimanche prouchain son pere, sa mere, telz & telz de ses parens & cousins & quelle face garnison de viures , & qu'ils soient bien aises a cè

16 LE CUL D'ESCARLATE.

Jour, elle se chargea de ce faire & lui de les inviter. Le dimanche vint & le dîner fut prest & tous ceux qui mandez y furent comparurent & print chascun place comme leur hôte l'ordonnoit, que étoit debout, & sa femme aussi lesquels servirent le premier metz, fut assis, l'hôte que auoit secrettement fait faire vne robe pour sa femme de gros bureau de gris, & a l'endroit du derriere auoit fait mettre une bonne piece d'escarlate en maniere d'vng taseau. Si dit a sa femme venez jusqu'en la chambre il se met deuant & elle le suit, quant ils furent, il lui fit depouiller sa robe, & va prendre celle du bureau dessusdit & lui dit : Or vestez cette robe, elle la regarde & veoit quelle est de gros bureau si en est toute esbahie & ne sçait penser qu'il faut a son mary, ne pourquoy il la veut ainsi habiller, & a quel propos me voulez vous ainsi houffer dit-elle, ne vous chaille, dit-il, ie vueil que la vestez, ma foy dit-elle, ie nen tiens compte, ie ne la vestirez jamais faictes vous du fol, vous voulez bien faire farcer les gens de vous & de moy encores deuant tout le monde. Il ny a ne fol ne saige dit-il, vous la vestirez, au mains dit-elle que ie saiche pourquoy vous le faictes; vous le sçavez cy aprez. Pour abregier force fut quelle endossa cette robe qui étoit bien étrange a regarder & en ce point fut amenée a la table ou la pluspart de ses parens & amis étoient, mais pensez qu'ils furent bien esbahys de la veoir ainsi habillée, & croyez quelle étoit bien honteuse, & se la force

cui

eut été sienne elle ne fut pas la venue ; droit la auoit assez que demandoient que signifioit cet habillement , & le mary respondit qu'ils pensassent tous de faire bonne chiere , & qu'après disner ils le sçau- roient ; mais vous debuez sçauoir que la pource fem- me houeée du bureau ne mangea chose que bien lui fit , & le jugeoit le cueur que le mystere de sa houeure lui seroit ennuy. Et encores eut elle été trop plus troublée s'elle eut sceu du taseau d'escarla- te , mais nenny. Le disner se passa , & fut la table ostée , les graces dictes & tout chescun debout. Lors le mary se met auant & commence a dire vous telz & telz que cy êtes s'il vous plaist ie vous dirai en brief la cause pourquoy ie vous ay ici assemblez , & pourquoy j'ay vestu ma femme de cet habillement. Il est vray que ja pieça j'ay été aduertty que votre parente que cy est me gardoit très mal la loyauté quelle me promet en la main du Prestre , toutefois quelque chose que l'on m'ait dit ie ne lay pas creu de legier , mais moy même lay voulu esprouuer & qu'il soit vray il n'y a que six jours que je saigny d'aller dehors , & membuchay en ma chambre la hault. Je n'y eu gueres été que veci venir vng tel que ma femme mena tantost en sa chambre ou ils firent ce que mieulx leurs pleut & entre les aultres deuises l'homme lui demanda de sa bouche , de ses yeulx , de ses mains , de son tetin , de son ventre , de son deuant , de ses cuisses a qui tout ce bagaige étoit , & elle respondit a vous mon amy. Et quant

18 *LE CUL D'ECARLATE.*

vint a son derriere il lui dit , & a qui est cecy mame , a mon mary dit-elle. Lors pource que je l'ay trouuée telle je lay ainsi habillée , elle a dit que delle il ny a mien que le derriere , si lay houffée comme il appartient a mon état , le desfinourant ay je houffé de vesture qui est deuë a femme desloyalle & deshonnourée car elle est telle , pource ie l'a vous rens ; la compaignie fut bien esbahie d'ouir ce propos , & la pource femme bien honteuse , mais toutesfois quoy que fut , oncques puis avec son mary ne se trouua ainsi deshonnourée & reprouchée entre ses amis depuis demoura.

L. NOUVELLE.

CHANGE POUR CHANGE.

COMME jeunes gens se mettent volentiers a voyager , & prennent plaisir a veoir & chercher les aduentures du monde , il y eut nagueres au païs de Lannois vng filz de Laboureur , qui fut depuis l'aage de dix ans jusqu'a l'aage de vint & six ans tousjours hors du païs , & depuis son partement jusqu'a son retour onques son pere ne sa mere n'en eurent onques vne seule nouvelle , si penserent plusieurs fois qu'il fut mort il reuint toutesfois & Dieu sçait la joye que fut en l'hostel , & comment il fut festoyé a son retour de tant peu de biens que Dieu

Leurs auoit donné, mais que le vit volentiers, & en fist grant feste ce fust sa grant mere, la mere de son pere, que lui faisoit plus grant chiere & étoit la plus joyeuse de son retour que nulle des autres, elle le baïsa plus de cinquante fois, & ne cessoit de louer Dieu qui leur auoit rendu leur beau filz, & retourné en si beau point. Apres cette grant chiere lheure vint de dormir, mais il n'y auoit a l'hostel que deux lits, l'vng étoit pour le pere & la mere & l'autre pour la grant mere, si fut ordonné que leur dit filz, coucheroit avec sa grant mere, dont elle fut bien joyeuse, mais il s'en fut bien passé, combien que pour obeir il fut content de prendre patience pour cette nuit. Comme il étoit couchié avecques elle, ne sçai de quoi il lui souuint car il monta dessus, & que veux tu faire? dit-elle, ne vous chaille dit-il ne dictes mot. Quant elle vit qu'il vouloit besongner a bon escient, elle commence de crier tant qu'elle peut apres son filz que dormoit en la chambre au plus prez, si se leua de son lit & s'en alla plaindre a lui de son filz en pleurant tendrement, quant l'autre ouït la plainte de sa mere, & la inhumanité de son filz il se leua sur piedz très couroucé & mal meu & dit qu'il l'occira, le filz ouït cette menace, & fault sus & s'enfuit par derriere. Son pere le suit mais c'est pour neant, il n'étoit pas si legier du pied, il vit qu'il perdoit sa peine, si reuint a l'hostel, & trouua sa mere lamentant accaue de l'offense que son filz lui auoit faite: ne vous chaille ma mere, dit il, je vous en vengerai

20 *CHANGE POUR CHANG.*

bién , ne sçai quans jours aprez ce pere vint trouuer son filz que jouïoit a la paulme & tantost qu'il le vit il tira bonne dague , & marche vers lui & l'en cuida ferir. Le filz se detourna & son pere fut tenu , aucuns qui la étoient sceurent bien que c'étoit le pere & le filz ; si dit l'vng au filz , & viens ca qu'as tu meffait a ton pere que te veult tuer , ma foy dit-il rien. Il a le plus grant tort de jamais , il me veult tout le mal du monde pour vne pource fois que j'ai voulu ronciner sa mere , & il a bien ronciné la mienne plus de cinq cens fois , & je n'en parlai onques vng seul mot. Tous ceux qui ouyrent cette responce commencent a rire du grant cueur si s'emploierent a cette occasion d'y mettre paix , & fut tout pardonné d'vng costé & d'autre.

LI. NOUVELLE.

LES VRAYS PERES.

A PARIS n'agueres viuoit vne femme qui fut mariée a vng bon simple homme qui tout son temps fut de nos amis si très bien qu'on ne pouuoit plus. Cette femme qui belle & gente & gracieuse étoit au temps qu'elle fut neufue pource quelle auoit l'œil au vent , fut requise d'amours de plusieurs gens , & pour la grant courtaise que nature n'auoit pas oublié en elle , elle passa legierement les requestes de

LES VRAYS PERES. 21

ceulx que mieulx lui pleurent , & eut en son temps tant deux comme de son mary sept ou huit enfans : aduint quelle fut malade & au lit de la mort accouchée , si eut tant de grace quelle eut temps & loisir de soi confesser , penser de ses pechez , disposer de sa conscience , & elle veoit durant sa maladie ses enfans trotter deuant elle qui lui bailloient au cueur très grant regret de les laisser , si se pensa quelle feroit mal de laisser son mary chargé de la pluspart ; car il n'en étoit pas le pere combien qu'il le cuydast , & la tenoit aussi bonne femme que nulle de Paris , elle fist tant par le moyen d'une femme qui la gardoit que vers elle vinrent deux hommes qui au temps passé l'auoient en amours très bien seruie , & vindrent de si bonne heure que son mary étoit allé deuers les Medecins Apotiquaires pour auoir aucun bon remede pour elle & pour sa santé. Quant elle vit ces deux hommes elle fit tantost venir deuant elle tous ses enfans , si commença a dire , vous êtes vng tel vous sçavez ce qui a été entre vous & moy ou temps passé , dont il me desplaist a cette heure amerement. Et se nest la misericorde de notre Seigneur a qui je me recommande , il me sera en l'autre monde bien cherement vendu , toutesfois se j'ay fait vne folie je la congnois , mais de faire la seconde ce seroit trop mal fait , vecy telz & telz de mes enfans ils sont vôtres & mon mary cuide a la verité qu'ilz soient siens , si feray je conscience de les laisser en sa charge pourquoy je vous prie tant que je puis que

22 LES VRAYS PERES.

après ma mort que sera brefue que vous les prenez avec vous & les entretenez , nourrissez & esleuez , & en faictes comme bon pere doit faire , car ils sont vôtres. Pareillement dit a l'autre , & lui monstroït ses autres enfans , telz & telz sont a vous je vous assure , si les vous recommande en vous priant que vous en acquittez & se ainsi me le voulez promettre je mouray plus aise , & comme elle faisoit ce partaige , son mary va venir a l'hostel & fut aperceu par vng petit de ses filz que n'auoit enuiron que cinq ou six ans qui vîstement descendit en bas encontre lui effrayement , se hâsta tant de deualer la montée qu'il étoit prest dehors de alaine comme il vit son pere a quelque meschief que ce fut il dit : Helas mon pere, auancez voustost pour Dieu , quelle chose y a til de nouveau dit le pere ta mere est elle morte ? Nenny dit l'enfant : mais auancez vous d'aller en hault ou il ne vous demourera vng seul enfant , ils sont venus vers ma mere deux hommes , mais elle leur donne tous mes freres , se vous n'y allez bien tost elle donnera tout. Le bon homme ne sçait que son filz veut dire , si monta en hault & trouua sa femme sa garde & deux de ses voisins & ses enfans si demanda que signifie ce que vng tel de ses filz lui a dit ; vous scaurez cy aprez dit elle. Il n'en enquist plus pour l'heure , car il ne se doubta de rien. Ses voisins sen allerent & commanderent la malade a Dieu & lui promidrent de faire ce qu'elle leurs auoit requis dont elle les mercia. Comme aprouchast le

Pas de la mort cria mercy a son mary , & lui dit la faulte quelle lui a faite durant qu'elle a esté aliée avec lui & comment telz & telz de ses enfans étoient a tel & a tel & telz a vng tel , c'est a sçauoir ceux dont dessus est touché , & que aprez sa mort ilz les prendront & n'en aura jamais charge. Il fut bien esbahy d'ouïr cette nouuelle , neantmoins il lui pardonna tout & puis elle mourut , & il enuoya ses enfans a ceux qu'elle auoit ordonné qui les retindrent , & par tel point il fut quitte de sa femme & de ses enfans , & si eut beaucoup mains de regret de la perte de sa femme que de celle de ses enfans.

LII. NOUVELLE.

LES TROIS MONUMENS.

ADUINT n'agueres que vng grant gentil homme faige , prudent & beaucoup vertueux comme il étoit au lit de la mort , & eut fait ses ordonnances & disposé de sa conscience au mieulx qu'il peult , il appella vng seul fils qu'il auoit auquel il laissoit foison de biens temporels , & aprez lui eut recommandé son ame , celle de sa mere que nagueres auoit terminé vie par mort , & generalement tout le Colliege de Purgatoire , il aduisa trois choses pour la derniere doctrine que jamais lui vouloit bailler , en disant : mon très cher filz , je vous aduertis que jamais

24 LES TROIS MONUMENS.

vous ne hantez tant en l'hostel de votre voisin que l'en vous y serue de pain bis. Secondement je vous enjoins que vous gardez de jamais courir votre cheval en la vallée. Tiercement que vous ne prenez jamais femme d'étrange nation. Or vous souuenez de ces trois points, je ne doubte point que bien ne vous en vienne. Mais se vous faites le contraire, soyez seur que vous trouuerez que la doctrine de votre pere vous vaulsist mieux auoir tenuë. Le bon fils mercia son pere de son bon aduertissement, & lui promist escrire ses enseignemens au plus parfond de son cuer, & les mettre si très bien en son entendement & en sa memoire que jamais n'yra au contraire. Tantost aprez son pere mourut, & furent faites ses funerailles comme a son état & a homme de tel lieu qu'il étoit appartenoit. Car son filz s'en voulut bien acquitter comme celuy qui bien auoit dequoy. Vng certain temps aprez comme on prent accointance plus en vng lieu que en vng aultre ce bon gentil homme qui étoit orphelin de pere & de mere & a marier, & ne sçauoit que c'étoit de mesnaige s'accointa d'vng voisin qu'il auoit & de fait la pluspart de ses jours beuuoit & mangeoit leans, son voisin qui marié étoit, & auoit vne très belle femme se bouta en la douce raige de jalousie & lui vindrent faire raport ses yeulx, que notre gentil homme ne venoit en son hostel fors a l'occasion de sa femme, & que vrayement il étoit amoureux, & que a la longue il la pouroit emporter d'assault. Si n'étoit pas bien

LES TROIS MONUMENS. 25

bien a son aise , & ne sçavoit penser comment il se pouroit honnestement de lui desarmer , car lui dire la chose comme il la pense ne vaudroit rien , si conclud de lui tenir telz termes petit a petit qu'il se pourra assez appercevoir s'il n'est trop beste que sa hantise continuelle ne lui plaist pas. Et pour executer sa conclusion en lieu qu'on le souloit servir de pain blanc il fit mettre le bis. Et apres je ne sçay quans repas nostre gentil homme s'en donna garde & lui souuint de la doctrine de son pere si congneut qu'il auoit erré , si batit sa coupe & bouta en sa manche tout secrettement vng pain bis & l'aporta en son hostel , & en remembrance le pendit en vne corde en sa grant sale , & ne retourna plus en la maison de son voisin comme il auoit fait paravant ; pareillement vng jour entre les aultres lui qui étoit homme de desduit comme il étoit aux champs, & que ses leuriers eussent mis vng lieure a chasse , il pique son cheual , tant qu'il peut apres , & vint rataindre le lieure & leuriers en vne grant vallée , ou son cheual qui venoit de toute sa force faillit des quatre piedz & tomba , & ledit cheual se rompit le col dont il fut bien esbahi & fut bien heureux ledit gentil homme quant il se vit ainsi gardé de mort & d'affolure. Il eut toutesfois pour recompense le lieure , & comme il le tint il regarda son cheual que tant il aimoit , si lui souuenoit du second enseignement que son pere lui auoit baillé , & que s'il en eut eu bien memoire , il ne eut pas cette perte ne passé le dangier qu'il a eu

Tome II.

C

26 LES TROIS MONUMENS

bien grant. Quant il fut en sa maison il mit auprès du pain bis a vne corde en la sale la peau du cheual afin qu'il eut memoire & remembrance du second aduisement que son pere jadis lui bailla. Vng certain temps après il lui print vouldenté d'aller voyager & veoir pais, si disposa ses besongnes a ce, & print de la finance dont il auoit largement & chercha maintes contrées, & se trouua en diuerses regions & places dont en la fin il fist residence en l'hostel d'un grant Seigneur, d'une loingtaine & bien étrange marche & se gouerna si haultement & si bien leans que le Seigneur fut bien content de lui bailler sa fille en mariage, jasoit qu'il n'eut seulement congnoissance de lui fors ses louables mœurs & vertus. Pour abregier il fiança la fille de ce Seigneur, & vint le jour des nopces. Et quant il cuida la nuit couchier avecques elle, on lui dit que la coutume du pais étoit de ne point couchier la premiere nuit avec sa femme, & qu'il eut patience jusques a lendemain. Puis que c'est la coutume, dit il, je ne quers ja qu'on la rompe pour moy, son espousée fut menée couchier en vne chambre, & lui en vne aultre, apres les dances, & de bien venir il n'y auoit que vne paroy entre ces deux chambres, qui n'étoit que de terre. Si s'aduisa pour veoir la contenance, de faire ung perthuis de son épée par dedans la paroy, & vit très bien a son aise son espouse se boutter au lit, & vit aussi, ne demoura gueres après le Chapelain de leans qui se vint boutter auprès d'elle pour lui faire

LES TROIS MONUMENS. 27

compagnie , afin qu'elle n'eut paour , ou comme j'espoire pour faire lessay ou prendre la disme des Cordeliers comme dessus est touché. Notre bon gentil homme quant il vit venir cet appareil , pensés qu'il eut bien des estoupes en sa quenaille , lui vint santost en memoire le troisieme aduiselement que son pere lui donna auant le trespas lequel il auoit mal retenu , toutesfois il se reconforta & print couraige & dit bien en soy même que la chose n'est pas si auant qu'il n'en faille bien. A lendemain le bon Chapelain son Lieutenant de la nuit & son predecesseur se leua de bon matin , & d'aduenture il oubliâ ses brayes sous le cheuet du lit a l'espousée & notre bon gentil homme sans faire semblant de rien , vint au lit d'elle & la salua gracieusement comme il scauoit bien faire , & trouua façon de prendre les brayes du prestre sans qu'il fut aperçû d'ame. On fist grant chiere tout ce jour. Et quant vint au soir , le lit de l'espousée fut paré & ordonné tant richement qu'a merueilles , & elle y fut couchiée. Si dit on au sire des nopces que meshuy quant il lui plaira , il pourra bien couchier avec sa femme. Il étoitourny de responce, & dit au pere & a la mere & aux parens qu'ils le voulsissent ouïr. Vous ne sçavez, dit il , que je suis , ne a que vous avez donné votre fille & en ce m'avez fait le plus grant honneur que jamais fut fait a vng jeune homme estrangier , dont je ne vous sçauroye assez mercier. Neantmoins toutesfois j'ay conclud en moy mêmes , & suis a ce resolu de jamais

C ij

28 LES TROIS MONUMENS.

couchier avecques elle, tant que je lui auray monstreé & a vous aussi que je suis, quelle chose j'ay, & comment je suis logié. Le pere prinst tantost la parole & dit : nous sçauons très bien que vous êtes noble homme & de hault lieu, & n'a pas mis Dieu en vous tant de belles vertus sans les accompagner d'amis & de richesses. Nous sommes contents de vous, ne laissez ja a parfaire & accomplir votre mariage, tout a temps sçaurons nous plus auant de votre état quant il vous plaira. Pour abregier il voüa & jura de non jamais couchier avecques elle se n'étoit en son hostel, & lui ameneroit son pere & sa mere, & plusieurs de ses parens & amis. Il fit mettre son hostel a point pour les receuoir, & y vint vng jour deuant eulx, & tantost qu'il fut descendu il print les brayes du prestre qu'il auoit & les pendit en la sale auprès du pain bis & de la peau de cheual. Très grandement furent receus & festoyez les parens & amis de notre bonne espousée & furent bien esbahys de veoir l'hostel du jeune gentil homme si bien fourni de vaisselle, de tapisserie, & de tout aultres meubles, & se reputoient bien heureux d'auoir si bien allié leur belle fille, comme ils regardoient par leans, ils vinrent en la grant sale que étoit tendue de belle tapisserie, apercurent au milieu le pain bis, la peau de cheval, & une braye qui pendoient dont ils furent moult esbahys, & en demanderent la signification a leur hôte. Le sire des nopees leur dit que volentiers il leur dira la cause & tout ce qui en est quant ils au-

LES TROIS MONUMENS. 29

ront mangié. Le dîner fust prest & Dieu ſçait qu'ils furent bien ſeruis. Ils n'eurent pas ſi toſt diné qu'ils ne demanderent l'interprétation , & la ſignifiante & le miſtere du pain bis & de la peau de cheual &c. & le bon gentil homme leur compta bien au long & dit que ſon pere étant au lit de la mort comme deſſus eſt narré , lui auoit baillé trois enſeignemens. Le premier fut que je ne me trouuaſſe jamais tant en lieu , que on me ſeruit du pain bis. Je ne retins pas bien cette doctrine ne cet enſeignement car puis ſa mort je hantay tant vng mien voiſin qu'il ſe boutta en jalouſie pour ſa femme , & en lieu de pain blanc dequoy je fus ſerui long temps on me ſeruit de pain bis , & en memoire & approbation de la vérité de cet enſeignement , j'ay la fait mettre ce pain bis. Le deuſieſme enſeignement que mon pere me bailla fut , que jamais je ne couruſſe mon cheual en la vallée. Je ne le retins pas bien vng jour qui paſſa ; ſi m'en print mal : car en courant en vne vallée après le lieure & mes chiens , mon cheual cheut & ſe rompit le col , & a peu que je ne fuſſe très bien bleſſé ſi eſchappé de belle mort , & en memoire de ce , eſt la penduë la peau du cheual que alors je perdis. Le troizieſme enſeignement & aduiſement que mon pere dont Dieu ait l'ame me baillaſt fut que jamais je ne eſpouſaſſe femme d'étrange nation. Or ay je failly & vous diray comment il m'en eſt prins. Il eſt bien vray que la premiere nuit que vous me refuſaſtes le couchier avecques votre fille qui cy eſt , je fus logié

C iij

30 *LES TROIS MONUMENS.*

en vne chambre au plus près de la sienne, & pource
que la paroy qui étoit entre elle & moy n'étoit pas
trop forte, je la perthuisay de mon espée & veis ve-
nir couchier avecques elle le Chapelain de votre
hostel que sous le cheuet du lit oublia ses braves,
le matin quant il se leua, lesquelles je recouray,
& sont celles que veez la pendues, que tesmoignent
& appreuuent la Chronique verité du troisieme en-
seignement que mon feu pere jadis me bailla, lequel
je n'ai pas bien retenu ne mis en ma memoire, mais
afin que plus en la faulte des trois aduis precedens
ne renchoye ces trois bagues que vous voyez me fe-
ront dorenavant sage, & pource que la Dieu mercy
je ne suis pas tant obligé a votre fille qu'elle ne me
puisse bien quitter, je vous prie que la remenez & re-
tournez en votre marche, car jour que je vive ne me
sera de plus près, mais pource que je vous ay fait
venir de loing & vous ay bien voulu monstrier que je
ne suis pas vng homme pour auoir le remenant d'vng
prestre je suis content de payer vos depens. Les au-
tres ne sceurent que dire ne que penser qui se voyent
confus & leur tort, voyant aussi qu'ils sont moult
loing de leur marche, & de leurs pais, & que la
force n'est pas leur en ce lieu si furent très bien con-
tens de prendre de l'argent pour leurs depens & eulx
en retourner. Dont ils vindrent, & qui plus y a mis
plus y a perdu. Par ce compte auez ouy & entendu que
les trois aduis que le bon pere bailla a son fils ne
sont pas de oublier, si les retiennent chascun pour
autant qu'il sent qu'ils lui peuuent touchier.

LIII. NOUVELLE.

LE QUI PRO QUO
DES EPOUSAILLES.

NAGUERS que en l'Eglise de sainte Goule
a Brucelles étoient en vng matin plusieurs
hommes & femmes qui deuoient espouser a la pre-
miere messe qui se dit entre quatre & cinq heures ,
& entre les autres choses ils deuoient entreprendre
ce doux & bon état de mariage & promettre en la
main du prestre ce que pour rien ne voudroient
trespasser. Il y avoit vng jeune homme & vne jeune
fille qui n'étoient pas des plus riches , mais la bonne
volenté auoient qui étoient auprès l'vng de l'autre,
& n'attendoient fors que le Curé les appellast pour
espouser. Auprés d'eulx aussi auoit vng homme an-
cien & vne femme vielle qui grant cheuance & foi-
son de richesses auoient & par conuoitise & grant
desir de plus auoir auoient promis foi & loyauté
l'vng vers l'autre & pareillement attendoient a es-
pouser a ceste premiere messe. Le Curé vint & chanta
cette messe très desirée , & en la fin comme il est de
coustume deuant lui se misdrent ceux que espouser
deuoient dont il y avoit plusieurs autres sans les qua-
tre dont je vous ay compté. Or deuez vous sçauoir
que ce bon Curé qui tout prest étoit deuant l'autel

C iijj

pour faire & accomplir le mystere des espousailles étoit borgne , & auoit ne sçay par quel meschief , puis peu de temps en ça perdu vng œil , & n'y auoit aussi gueres grant luminaire en la chapelle ne sur l'autel , c'étoit en hyuer & faisoit brun & noir , si faillit a choisir. Car quant vint a besongner & a espouser , il print le viel homme riche , & la jeune fille pource & les joignit par l'anneau du monstier ensemble. D'autre costé il print aussi le jeune homme pource & l'espousa a la vielle femme , & ne s'en donnerent oncques garde en l'Eglise ne les hommes ne les femmes , dont ce fut grant merueille par especial des hommes car ils osent mieulx leuer l'œil & la teste quant ils sont devant le Curé a genoux , que les femmes qui sont a ce coup simples & coyés , & n'ont le regard fiché qu'en terre. Il est de coutume que au failir des espousailles , les amis de l'espousé prennent l'espousée & l'emmenent. Si fut la pource jeune fille a l'hostel du riche homme menée , & pareillement la vielle riche fut amenée en la pource maisonnette du jeune gentil Compaignon. Quant la jeune espousée se trouua en la cour & en la grant sale de l'homme quelle avoit par mesprinse espousé elle fut bien esbahie & connut bien tantost qu'elle n'étoit pas partie de leans ce jour. Quant elle fut arriere en la chambre a parer que étoit bien tendue de belle tapisserie , elle vit le beau grant feu la table couverte ou le beau dejeuner étoit tout prest , elle vit le beau buffet bien fourny & garny de vaisselle si

DES EPOUSAILLES. 33

fut plus esbahie que paravant & de ce se donne plus grant merueille qu'elle ne congnoit ame de ceulx qu'elle ouyoit parler. Si fut tantost defarmée de ses aournemens ou elle étoit bien enfermée & bien embuchée. Et comme son espoux la vit au decouvert & les aultres qui la étoient, croyez qu'ils furent & autant surpris que se cornes leurs fussent venuës. Comment dit l'espousé, est ce cy ma femme notre Dame je suis bien heureux elle est bien changiée depuis hier, je croy qu'elle a été a la fontaine de Jouvence. Nous ne sçauons, dirent ceux qui l'auoient amenée, dont elle vient, mais nous sçauons certainement que c'est celle que vous auez huy espousée, & que nous prinlines a l'autel car oncques puis ne nous partit des bras. La compaignie fut bien esbahie & longuement sans mot dire, mais qui fut simple & esbahie la poure espousée étoit toute desconfortée, & pleuroit des yeulx moult tendrement, & ne sçauoit sa contenance elle aima trop mieulx se trouuer avecques son amy qu'elle cuidoit bien auoir espousé a ce jour. L'espousé la voyant se desconforter en eut grant pitié & lui dit : Mamye, ne vous desconfortez ja, vous êtes arriuée en bon hostel se Dieu plaist & n'ayez doubte on ne vous y fera ja mal ne desplaisir, mais diétes moy, s'il vous plaist que vous êtes, & a votre aduis dont vous venez ici. Quant elle l'ouit & entendit si courtoisement & si doucement parler, elle s'assura vng peu, & lui nomma son pere & sa mere, & lui dit qu'elle étoit

34 *LE QUI PRO QUO*

de Brucelles , & auoit fiancé vng tel que elle luy nomma , & le cuidoit bien auoir espousé.

L'espousé & tous ceux qui la étoient commencerent bien fort a rire , & dirent que le Curé leur a fait ce tour. Or loué soit Dieu le Créateur dit l'espousé , de ce change je ne voullisse pas tenir bien grant chose. Dieu vous a enuoyée a moy , & je vous promets par ma foy de vous tenir bonne & loyale compaignie. Nenny ce dit elle en pleurant moult tendrement vous ne êtes pas mon mary. Je vueille retourner deuers celuy a qui mon pere m'auoit donnée , & ainsi ne sera pas dit il , je vous ay espousée en sainte Eglise , vous n'y pouuez contredire ne aller a l'encontre , vous êtes & demourerez ma femme , & foyez contente vous êtes bien heureuse , j'ay la Dieu mercy de biens & de richesses assez , dont vous ferez Dame & maitresse , & si vous feray bien jolie. Il la prescha tant & ceux qui la étoient qu'elle fut contente d'obeir a son commandement. Si desjeunerent legierement & puis se couchierent , & fit le viel homme du mieulx qu'il sceut. Or retournons a ma vielle femme & au jeune Compaignon , pour abreger elle fut menée en l'hostel du pere a la fille , qui a cette heure est couchiée auecques le viel homme. Quant elle se trouua leans elle cuida bien enragier de dueil , & dit tout hault , & que fais ie ceans , que ne me maine l'en a ma maison ou a l'hostel de mon mary. L'espousé que vit cette vielle & l'ouit parler fut bien esbahy , ne doubtez , si furent son

DES EPOUSAILLES. 35

pere & sa mere, & tous ceulx de l'assemblée. Si faillit auant le pere & la fille de leans qui congnot bien la vielle, & sçauoit très bien parler de son mariage, & dit : Mon fils on vous a baillé la femme d'vng tel & croyez qu'il a la votre, & cette faulte vient par notre Curé que voit si mal, & ainsi mest Dieu iasoit ce que ie fusse loing de vous quant vous espousastes si me cuiday ie appercevoir de ce change. Et que en dois ie faire dit l'espousé. Par ma foy dit son pere ie ne m'y congnois pas bien, mais ie fais grant doubte que vous ne puissiez auoir aultre femme. Saint Jehan dit la vielle, ie n'ay cure d'ung tel chetif, ie seroye bien heureuse d'auoir vng tel galant qui n'auroit cure de moy qui me despandroit tout le mien, & se j'en sonnoye mot encores auroie la torche : ostez, ostez, ostez, & mandez votre femme & me laissez aller la ou ie doy être. Notre Dame dit l'espousé se je la peux recouurer je l'aime trop mieulx que vous quelque poure qu'elle soit, mais vous ne vous en yrez pas, se ie ne la puis trouuer; son pere & aucuns de ses parens & amis vindrent a l'hostel, ou la vielle voullist bien être, & vindrent trouuer la compagnie qui desjeunoit au plus fort, & faisoient le chaudeau pour porter a l'espousé & a l'espousée, ils compterent tous leurs cas, & on leur respondit : Vous venez trop tard, chascun se tienne a ce qu'il a : le Seigneur de ceans est content de la femme que Dieu lui a donnée, il la espousée & n'en veult point auoir d'autre, & ne vous en doutez ja, vous ne

36 *LE QUI PRO QUO, &c.*

fustes jamais si heureux que d'auoir fille alliée en si hault lieu ny en si hault endroit , vous en ferez vne fois tous riches. Ce bon Pere retourna a son hostel , & vient faire son raport. La vielle femme cuida bien enraiger de deüil & dit Pardieu la chose ne demourra pas ainsi , ou la justice me fauldra , se la vielle étoit bien mal contente , encores l'étoit bien autant ou plus le jeune espousé qui se veoit frustré de ses amours , & encores l'eut il legierement passé s'il eut pu finer de la vielle a tout son argent , mais il conuint la laisser aller en sa maison. Si fust conseillé de la faire citer devant Monseigneur de Cambray , & elle pareillement fist citer le viel homme qui la jeune femme auoit , & ont commencé vng très gros procès dont le jugement n'est pas encores rendu , si ne vous en sçai que dire plus auant.

LIV. NOUVELLE.

L'HEURE DU BERGER.

VN gentil Cheualier de la Comté de Flandres ieune , bruyant , iousteur , danceur & bien chantant , se trouua au païs de Haynault en la compaignie d'vng aultre Cheualier de sa sorte , demourant ou dit païs que le hantoit trop plus que la marche de Flandres ou il auoit sa residence belle & bonne ,

L'HEURE DU BERGER. 37

mais comme souuent il aduient amours étoit cause de sa retenance , car il étoit seru très bien & au vif d'une très belle Damoiselle a Maubeuge , & a cette occasion Dieu sçait qu'il faisoit trop souuent iustes mommeries & banquets , & generallyment tout ce qu'il sçauoit qu'il peut plaire a sa Dame a lui possible il le faisoit , & il fut assez en graces pour vng temps , mais non pas si auant qu'il eut bien voulu. Son Compaignon le Cheualier de Haynault que sçauoit tout son cas le seruoit au mieulx qu'il pouuoit & ne tenoit pas a sa diligence que ses besongnes ne fussent bien bonnes & meilleures qu'elles ne furent. Qu'en vaudroit le long compte , le bon Cheualier de Flandres ne sceut oncques tant faire ne son Compaignon aussi , qu'il peust obtenir de sa Dame le gracieulx don de mercy , aincoys la trouua en tout temps rigoureuse puis qu'il lui tenoit langaige sur ces termes , & force lui fut toutesfois ses besongnes estantes comme vous sçauiez de retourner en Flandres, si print vng gracieulx congié de sa Dame & lui laissa son Compaignon , lui promist aussi s'il ne retournoit de brief de lui souuent escrire , & mander de son état , & elle lui promist de sa part lui faire sçauoir de ses nouuelles. Audit certain jour après que nostre Cheualier fut retourné en Flandres , que sa Dame eut voullenté d'aller en pelerinage , & disposa ses besongnes a ce , & comme le chariot étoit deuant son hostel & le charreton dedans, qui étoit vng beau Compaignon & fort , & que viste la doubtoit elle

38 L'HEURE DU BERGER.

lui getta vng coussin sur la teste, & le feit cheoir a pates & puis commença a rire très fort & bien hault. Le charreton se foudrit & la regarda rire, & puis dit pardieu Madamoiselle vous m'avez fait cheoir, mais croyez que ie me vengeray bien, car auant qu'il soit auit ie vous ferai tomber. Vous n'êtes pas si mal gracieulx, dit elle, & en disant elle prent vng aultre coussin que le charreton ne s'en donnoit garde, & le fait arriere cheoir comme pardeuant, & s'elle rioit fort parauant elle ne s'en faignoit pas a cette heure. Et qu'est ce cy dit le charreton Madamoiselle vous en voulez a moy, faictes, & par ma foy se ie fusse emprés vous, ie n'attendroye pas de moy vanger aux champs. Et que feriez vous dit elle. Se ie seroye en hault ie vous le diroy dit il, vous feriez merueille dit elle a vous oui parler, mais vous ne vous y oseriez trouuer. Non, dit il, & vous le verrez. Adonc il faillit ius du chariot & entra dedens l'hostel & monta en hault ou Madamoiselle étoit en cote simple tant joyeuse qu'on ne pouroit plus, il la commença d'assaillir & pour abregier le compte elle fut contente qu'il lui tollist ce que par honneur donner ne pouuoit. Cela se passa & au terme accoutumé elle fit vng très beau petit Charreton, ou pour mieulx dire vng très beau petit fils. La chose ne fut pas si secrette que le Chevalier de Haynault ne le sceut tantost, dont il fut bien esbahy, en escriuit bien en haste par vng propre messaigier a son Compaignon en Flandres, comment sa Dame auoit fait

L'HEURE DU BERGER. 39

vng enfant a l'aide d'vng Charreton. Pensez que l'autre fut bien esbahy d'ouir ces nouuelles. Si ne demoura gueres qu'il vint en Haynault deuers son Compaignon , & lui priaist qu'ils allassent veoir sa Dame & qu'il la veult trop bien tencer , & lui dire la lascheté & neanteté de son cueur , combien que pour son meschief adueni elle ne se montra encores gueres a ce temps, si trouuerent facon ces deux gentils Cheualiers par moyens subtiles qu'ils vindrent au lieu & en la place ou elle étoit. Elle fut bieu honteuse & desplaisante de leur venuë , comme celle qui bien sçait qu'elle n'aura d'eulx chose que lui plaise , au fort elle se assëura , & les receut comme sa contenance & sa maniere lui apporta. Ils commencerent a deuïser d'unes & d'autres matieres & notre bon Cheualier de Flandres va commencer son seruice & lui dit tant de villennies qu'on ne pouroit plus. Or êtes vous bien dit il la femme du monde la plus reprouchée & mains honnourée , & auez montré la grant lascheté de votre cueur que vous êtes habandonnée a vng grant villain Charreton , tant des gens de bien vous ont offert leur seruice & vous les auez tous reboutez. Et pour ma part vous sçavez que j'ay fait pour votre grace aquerir , & ne estoie ie pas homme pour auoir ce butin aussi bien ou mieulx que vng paillard Charreton qui ne fit oncques rien pour vous. Je vous requiers & prie dit elle Monseigneur ne m'en parlez plus ce qui est fait ne peut autrement être , mais ie vous dis bien que si vous fussiez venu a

40 *L'HEURE DU BERGER.*

L'heure du Charreton que autant eusse ie fait pour vous que ie feis pour lui. Est ce cela dit il saint Jehan il vint a bonne heure , le diable y ait part quant ie ne fus si heureux que de sçauoir votre heure , vrayment , dit elle , il vint a l'heure qu'il falloit venir , au diable , dit il , de l'heure & de vous aussi , & du Charreton , & a tant se part & son Compaignon se fuit , & oncques puis n'en tint compte & a bonne cause.

LV. NOUVELLE.

L'ANTIDOTE DE LA PERTE.

EN l'année du pardon de Rome derrain passé étoit ou Dauphiné la pestulence si grande & si horrible & si espouuantable, que la pluspart des gens de bien habandonnerent & laisserent le país. Durant cette persecution vne bonne gente & ieune fille se sentit seruë de la maladie & incontinent se vint rendre a vne sienne voisine femme de bien & de grant façon, & desja sur l'aage , & lui compta son piteux cas, la voisine qui étoit femme sage & assurée ne s'effroya de rien que l'autre lui compta , même eut tant de couraige & d'assurance & de hardiesse que elle la conforta de parolles & de tant peu de Medecine qu'elle sçauoit. Helas ! ce dit la ieune fille malade , ma belle voisine i'ay grant regret que force m'est

L'ANT. DE LA PERTE. 41

m'est aujourd'hui d'habandonner & laisser ce monde & les beaulx & bons passetemps que j'ay eu assez longuement, mais encores par mon serment a dire entre vous & moy mon plus grant regret, est qu'il faut que ie meure sans coup frapper & sans sçavoir & sentir des biens de ce monde, telz & telz m'ont maintes fois priée, & si les ay refüsez tout plainement, de quoy il me desplaist; & croyez si i'en peusse finer d'vng a ceste heure il ne m'eschapperoit jamais deuant qu'il m'eust monstré comment ie fus gaignée. L'on me fait entendre que la façon du faire est tant plaisante & tant bonne que ie plains & complains mon gent & jeune corps qu'il faut pourir sans auoir eu ce desir & plaisir, & a la verité dire ma bonne voisinne, il me semble se ie le peusse quelque peu sentir auant ma mort, ma fin en seroit plus aisée & plus legiere a passer, & a mains de regret, ce que plus est ie croi que ce me pouroit être Medecine a cause de garison, pleust a Dieu, dit la vielle, qu'il ne tenist a aultre chose, vous seriez tost garie se me semble, car Dieu mercy notre ville n'est pas encores si desgarnie de gens que on n'y trouua vng gentil Compaignon pour vous seruir a ce besoing. Ma bonne voisine, dit la jeune fille, & ie vous requiers & prie que vous allez deuers vng tel, qu'elle lui nomma, que étoit vng très beau gentil homme, & qui autresfois auoit été amoureux d'elle, & faictes tant qu'il vienne ici parler a moy. La vielle se mist au chemin & fist tant qu'elle trouua ce gentilhomme.

Tome II.

D


& l'enuoya en sa maison , tantost qu'il fut leuans , la jeune fille malade , a cause de la maladie plus & miculx contournée lui faillit au col , & le baïsa plus de vingt fois. Le jeune fils plus joyeux que oncques mais , de veoir celle que tant auoit aimée ainsi vers lui abandonnée la saisit sans demeure , & lui montra ce que tant desiroit. Assauoir s'elle fut honteuse de lui requerre & prier de continuer ce qu'il auoit commencé , & pour abregier tant lui fit elle recommencer qu'il n'en peult plus. Quant elle vit ce , comme celle que pas n'en auoit son saoul , elle lui osa bien dire , mon amy , vous m'avez maintesfois priée de ce dont ie vous requiers aujourd'hui vous avez fait ce qu'en vous est ie le sçay bien , toutesfois ie ne sçay que j'ay ne qu'il me fault , mais ie congnois que ie ne puis viure se quelqu'un ne me fait compaignie en la façon que m'avez fait , & pourtant ie vous prie que vüillez aller vers vng tel & l'amenez ici , si chier que vous avez la vie. Il est bien vray ma mie , ie le sçay bien qu'il fera ce que vous voudrez. Ce gentil homme fut bien esbahi de cette requeste toutesfois pource qu'il auoit tant labouré que plus ne pouuoit , il fut content d'aller querir son Compaignon & l'amena deuers elle que tantost le mit en besogne , & le lassa ainsi que l'autre. Quant elle l'eut maté comme son Compaignon , elle ne fut pas mains priuée de lui dire son courage , mais lui pria comme elle auoit fait l'autre d'amener vers elle vng autre gentil homme , il le fit. Or sont ils ja trois qu'elle a

lâchez & desconfitz par la force d'armes , mais vous devez sçavoir que le premier gentil homme se sentit malade & feru de lepidimie : tantost qu'il eut mis son Compaignon en son lieu , & s'en alla hastivement vers le Curé & tout le mieulx qu'il sceut se confessa , & puis mourut entre les bras du Curé. Son Compaignon le deusiesme venu tantost que au tiers il eut baillé sa place , il se sentit très malade & demanda par tout après celui qui étoit ja mort , & vint rencontrer le Curé pleurant & demenant grant deüil qui lui compta la mort de son bon Compaignon. Ah ! Monseigneur le Curé dit-il , ie suis feru tout comme lui confessez moy , le Curé en grant crainte se despescha de le confesser. Et quant ce fut fait ce gentil homme malade a deux heures près de sa fin se vint a celle qui lui auoit baillé le coup de la mort , & a son Compaignon aussi , & la trouua celui qu'il y auoit mené & lui dist. Mauldicte femme vous m'avez baillé la mort , & aussi pareillement a mon Compaignon. Vous êtes digne de être bruslée & asse & mise en cendres. Toutefois ie le vous pardonne priant Dieu qu'il le vous vueille pardonner. Vous avez lepidimie & l'avez baillée a mon Compaignon qui en est mort entre les bras du Prestre , & ie n'en ay pas mains. Il se partit a tant & s'en alla mourir vne heure après en sa maison. Le troiesime gentil homme qui se veoit en l'espreuue ou ses deux Compaignons étoient morts , n'étoit pas des plus asseurez. Toutefois il print couraige en soy même & mist

Dij

44 L'ANT. DE LA PERTE.

paour & crainte en arriere , & s'asseura comme celui qui en beaucoup de perils & de mortels assaulz s'étoit trouué , & vint au pere & a la mere de celle que auoit deceu ses deux Compaignons , & leur conta la maladie de leur fille , & qu'on y print garde. Cela fait il se conduisit tellement qu'il eschappa du grant peril ou ses deux Compaignons étoient morts. Or debuez vous sçavoir que quant cette ouuriere de tuer gens fut ramenée en l'hoütel de son pere tandis qu'on lui faisoit vng lit pour reposer & la faire suer , elle manda secrettement le fils d'vng Cordonnier son voisin & le fit venir en l'estable des cheuaulx de son pere & le mit en oeuvre comme les autres , mais il ne vesquist pas quatre heures après. Elle fut couchée en vng lit & la fit on beaucoup suer , & tantost lui vindrent quatre boces dont elle fut très bien guerie , & dit qui en auroit a faire qu'on la trouveroit aujourd'hui ou rang de nos cousines en Avignon , a Beaucaire ou aultre part , & dient les maistres qu'elle eschappa de mort accause d'auoir sentu des bicus de ce monde que est notable & veritable exemple a plusieurs jeunes filles de point refuser vng bien quant il leur vient.



LVI. NOUVELLE.

LA FEMME, LE CURÉ :

LA SERVANTE, LE LOUP.

NAGUERES qu'en vng bourg de ce Royaulme en la Duchie d'Auuergne, demouroit vng gentil homme & de son malheur auoit vne très belle jeune femme, & de sa bonté deuifera mon compte. Cette bonne Damoiselle saccointa du Curé qui étoit son voifin de demie lieuë, & furent tant voifins & tant privez l'vng de l'autre, que le bon Curé tenoit le lieu du gentil homme toutes les fois qu'il étoit dehors, & auoit cette Damoiselle vne chamberiere qui étoit secretaire de leur fait, laquelle portoit souvent nouuelles au Curé & l'aduifoit du lieu & de l'heure pour comparoir feurement deuers fa maistresse. La chose ne fut pas en la parfin si bien celée que mestier eut été a la compaignie, car vng gentil homme parent de celui a qui ce deshonneur ce faisoit fut aduerty du cas, & en aduertit celui a qui plus il touchoit en la meilleure façon & maniere qu'il sceut & peult; pensez que ce bon gentil homme quant il entendit que sa femme s'aidoit en son absence de ce Curé qu'il n'en fut pas content & ce n'eust été son cousin il en eut prins vengeance criminelle & de main mise, si tost qu'il en fut aduer-

46 LA FEMME, LE CURÉ,

si, toutefois il fut content de différer sa volonté jusqu'à tant qu'il eut prins au fait & l'vng & l'autre. Si conclurent lui & son cousin d'aller en pèlerinage a quatre ou six lieues de son hostel, & d'y mener ce Curé pour soy mieulx donner garde des manieres qu'ils tiendroient l'vng vers l'autre. Au retourner qu'ils firent de ce voyage ou Monseigneur le Curé seruit d'amours de ce qu'il peult, c'est a sçavoir de œillades, & d'autres telles menuës entreteneances. Le mary se fist mandé querir par vng messaigier affaictié pour aller vers vng Seigneur du pays, il fist semblant d'en être mal content & de soy partir a regret neantmoins puis que le bon Seigneur le mande il n'oseroit desobeir. Si part & s'en va, & son cousin l'autre gentil homme dit qu'il lui feroit compagnie, car c'est assez son chemin pour retourner en son hostel. Monseigneur le Curé & Mademoiselle ne furent jamais plus joyeux que d'ouir cette nouvelle, si prindrent conseil & conclusion ensemble que le Curé se partira de leans & prendra son congé afin que nul de leans n'ait suspicion sur lui, & enuiron la minuit il retournera & entrera vers sa Dame par le lieu accoutumé, & ne demoura gueres puis cette conclusion prinse, notre Curé se partit de leans, & dit adieu. Or debuez vous sçavoir que le mary & le gentil homme son parent étoient en embusche en vng destroit par ou notre bon Curé devoit passer & ne pouuoit aller ne venir par autre lieu sans soy trop destourner de son droit chemin.

LA SERV. LE LOUP. 47.

Ils virent passer notre Curé & leur jugeoit le cueur qu'il retourneroit la nuit dont il étoit party & aussi c'étoit son intention. Ils le laisserent passer sans arrêter ne dire mot, & s'aduiserent de faire en ce destroit vng très beau piege a l'aide d'aulcuns payfans que les seruirent a ce besoing. Ce piege fut en haste bel & bien fait, & ne demoura gueres que vng loup passans pays ne s'attrapast leans. Tantoist aprez vey maître Curé que vient la robe courte vestuë & portant le bel espieu a son col. & quant vint à l'endroit du piege, il tumba la dedans avec le loup dont il fut bien esbahy, & le loup que auoit fait l'essay n'auoit pas mains de paour du Curé, que le Curé auoit de lui. Quant nos deux gentils hommes virent que maître Curé étoit avec le loup logié, ils en firent joye merueilleuse, & dit bien celui a que le fait plus touchoit que jamais ne partira en vie, & que l'occira leans. L'autre le blasma de cette voulenté, & ne se veult accorder qu'il meure, mais trop bien est-il content qu'on lui trenche ses genitoires. Le mary toutefois le veult auoir mort, & en cet estrif demourerent longuement attendant le jour & qu'il fust élé. Tandis que cet estrif le faisoit, Mademoiselle que attendoit son Curé ne scauoit que penser de quoy il tardoit tant, si se pensa d'y enuoyer sa chamberiere afin de le faire aduancer. La chamberiere tirant son chemin vers l'hostel du Curé, trouua le piege & tumba dedans avec le loup & le Curé. Ha ! dit le Curé ie suis perdu mon fait est decouuert quelqu'un

48 LA FEMME, LE CURÉ,

nous a pourchassé ce passaige. Le mary & le gentil homme son cousin que tout entendoient & veoient étoient tant aises qu'on ne pouroit plus, & se penserent, comme se le saint esperit leur eut reuelé, que la maitresse pouroit bien fuir la chamberiere a ce qu'ils entendirent d'elle que sa maitresse l'enuoyoit deuers le Curé pour sçauoir qui le tardoit tant de venir oultre l'heure prinse entre eulx deulx. La maitresse voyant que le Curé & la chamberiere ne retournoient point, & de paour que la chamberiere & le Curé ne feissent quelque chose a son prejudice, & qu'ils se pouroient rencontrer ou petit bois qui étoit a l'endroit ou le piege étoit fait si conclud qu'elle yra veoir s'elle en aura nulles nouuelles, & tira pays vers l'hostel du Curé, & elle venue a l'endroit du piege tumba dedens la fosse auecques les autres. Il ne fault ja demander quant cette compaignie se vit ensemble que fust le plus esbahy, & se chascun faisoit sa puissance de soy tirer de la fosse, mais c'est pour neans, chascun d'eulx se repente mort, & deshonnouré, & les deux ouuriers c'est a sçauoir le mary de la Damoiselle & le gentil homme son cousin, vindrent au dessus de la fosse saluer la compaignie en leurs disant qu'ils feissent bonne chiere, & qu'ils apprêteroient leur desjeuner. Le mary qui mouroit & enrageoit de faire vng coup de sa main, trouua façon par un subtil moyen d'enuoyer son cousin veoir que faisoient leurs cheuaulx que étoient en vng hostel assez près, & tandis qu'il se

Le trouua decombré de lui, il fit tant a quelque meschief que ce fut, qu'il eut de l'effrain largement qu'il auala dedens la fosse, & y bouta le feu, & la dedens brula la compaignie c'est a sçauoir la femme, le Curé, la chamberiere & le loup. Après ce il se partit du pays & manda vers le Roy querir sa remission laquelle il obtint de legier & disoient aulcuns que le Roy d'eut dire que n'y avoit dommaige que du poure loup qui fut bruslé que ne pouvoit mais du mesfait des aultres.

L VII. NOUVELLE.

LE FRERE TRAITABLE.

TANDIS que l'on me prête audience, & que l'ame ne s'aduençe quant a present de parfournir cette glorieuse & edifiante œuvre de cent nouvelles ie vous conteray vng cas que puis n'agueres est aduenue au Dauphiné pour être mis au cent & ou nombre desdites cent nouvelles. Il est vray que vng gentil homme dudit Dauphiné auoit en son hostel vne sienne sœur enuiron de l'aage de dix-huit a vingt ans & faisoit compaignie à sa femme que beaucoup l'aimoit & tenoit chiere, & comme deux sœurs se doiuent contenir & maintenir ensemble elles se conduisoient; aduint que ce gentil homme fut femons d'un sien voisin lequel demouroit a deux petites lieues

de lui, de le venir veoir lui & sa femme & sa sœur. Ils y allerent & Dieu sçait la chiere qu'ils firent, & comme la femme de lui que festoioit la compaignie menoit a l'esbat la sœur & la femme de notre gentil homme, après souper deuissant de plusieurs choses, elles se vindrent rendre a la maisonnette d'un bergier de leans qui étoit auprès d'un large & grant parc a mettre les brebis, & trouuerent la le maître bergier qui besongnoit entour de ce parc, & comme femmes sçaiuent enquerir de maintes & diuerses choses, lui demanderent s'il auoit point froit leans. Il dit que non, & qu'il étoit plus aise que ceulx que ont leurs belles chambres verrées & nattées, & paüées, & tant vindrent d'une parole a aultre par mots couuerts, que leurs deuises vindrent toucher du train de derriere. Et le bon bergier que n'étoit ne fol ne esperdu leur dit que par la mort bieu il oseroit bien entreprendre de faire la besongne huit ou neuf fois par nuit, & la sœur de notre gentil homme qui ouit ce propos, jettoit l'œil souuent sur ce bergier & de fait jamais ne cessa tant qu'elle vit son coup de lui dire qu'il ne laissa pour rien qu'il ne la vint veoir a l'hostel de son frere, & qu'elle lui feroit bonne chiere: le bergier qui la vit belle fille, ne fut pas moyennement joyeux de ses nouuelles & promist de la venir veoir, & brief il fist ce qu'il auoit promis & a l'heure prinse entre sa Dame & lui, se vint rendre a l'endroit d'une fenestre haulte & dangereuse a monter, toutesfois a l'aide d'une corde

qu'elle lui deuala , & d'une vigne qui la étoit il fit tant qu'il fut en la chambre , & ne fault pas dire s'il y fut volentiers veu.

Il monstra de fait ce dont il s'étoit vanté de bouche , car auant que le jour vint il fist tant que le cerf eut huit cornes accomplies , laquelle chose sa Dame prit bien en gré. Mais vous devez sçauoir & entendre que le bergier auant qu'il peut paruenir a sa Dame lui falloit cheminer deux lieuës de terre & puis passoit a nagier la grosse riuere du Rosne qui batoit a l'hostel ou sa Dame demouroit , & quant le jour venoit lui falloit arriere repasser le Rosne , & ainsi s'en retourna a sa bergerie , & continua cette maniere , & cette façon de faire vne grande espace de temps sans qu'il fust decouuert ; pendant ce temps plusieurs gentils hommes du pays demandoient cette Damoiselle qui étoit deuenüe bergiere en mariage ; mais nul ne venoit a son gré , dont son frere n'étoit pas trop content , & lui dit plusieurs fois , mais elle étoit tousjours garnie d'excusations & de responce largement , dont elle aduertissoit son amy le bergier , auquel un soir elle promit que s'il vouloit elle n'auroit jamais autre mary que lui , & il dit que il ne demandoit autre bien , mais la chose ne se pouroit , dit-il , conduire pour votre frere & autres vos amys. Ne vous chaille , dit-elle , laissez m'en faire i'en cheuiray bien , ainsi promisdrent l'ung a l'autre , neantmoins toutesfois il vint vng gentil homme qui fist arriere requerrir notre Damoi-

selle bergiere , & la vouloit auoir seulement vestuë & habillée comme a son état appartenoit , sans autre chose , a laquelle le frere d'elle eut volentiers entendu & besongnié , & cuida mener sa sœur a ce quelle si consentit , lui remonstra ce que on sçait faire en tel cas , mais il n'en peut venir a chief dont il fut mal content. Quant elle vit son frere indigné sur elle , le tire d'une part & lui dit : Mon frere vous m'avez beaucoup parlé de moy marier a telz & telz , & ie ne me y suis voulu consentir , dont ie vous requiers que vous ne me saichiez nul malgré , & me vueillez pardonner le mau talent que avez sur moy, Je vous dirai aultrement la raison qu'a ce me meut & contraint en ce cas , mais que me vueillez assurer que ne me ferez ne voudrez pis. Son frere lui promist volentiers. Quant elle se vit assurée , elle lui dit qu'elle étoit mariée autant vault jour de sa vie, autre homme n'auroit a mary que celui qu'elle lui montrera a nuit s'il veut. Je le vuëil bien veoir , dit-il , mais qui est , vous le verrez par tems , dit-elle , quant vint a l'heure accoutumée , veci mon bergier qui se vint rendre en la chambre de sa Dame , Dieu sçait comment mouillé d'auoir passé la riuere , & le frere d'elle le regarda & veoit que c'est le bergier de son voisin , si ne fut pas peu esbahy & le bergier encores plus qui s'en cuida fouir quant il le vit , demeure , dit-il , tu n'as garde , est ce dit-il , a sa sœur , celui la dont vous m'avez parlé , ouï vrayement mon frere dit-elle. Or lui faites , dit-il , bon

Je pour soi seichier , car il en a bon mestier , & pensez comme du vôtre , & vrayment vous n'auez pas tort se vous lui voulez du bien , car il se met en grant dangier pour l'amour de vous , & puis que vos besongnes sont en tels termes , & que votre couraige est a cela que d'en faire votre mary , a moy ne tiendra il pas , & maudit soit il qui ne s'en despechera. Amen , dit-elle , a demain qui voudra. Et ie le vueil , dit-il , & vous bergier , dit-il , qu'en dictes vous , tout ce qu'on veult , il n'y a remede , dit-il , vous êtes & soyez mon frere , aussi suis ie pieca de la houlette , si dois je bien auoir vng bergier a frere. Pour abregier le compte du bergier , le gentil homme consentit le mariage de sa sœur & du bergier , & fut fait , & les tint tous deux en son hostel , combien qu'on en parla assez par le pays , & quant il étoit en lieu que on lui disoit que c'étoit merueilles qu'il n'auoit fait battre ou tuer le bergier , il respondit que jamais il ne pouroit vouloir mal a riens que sa sœur aimat & que trop mieulx vouloit auoir le bergier a beau frere au gré de sa sœur , que ung autre bien grant maître au desplaisir d'elle , & tout ce disoit par farce & esbattement , car il étoit & est toujours très gracieux & nouveau & bien plaisant gentilhomme & le faisoit bon ouïr deviser de sa sœur voire entre ses amis & priuez Compaignons.

LVIII. NOUVELLE.

FIER CONTRE FIER.

JE congneuz au temps de ma verde & plus vertueuse jeunesse deux petits gentilshommes, beaux Compaignons bien assouuis & adressez de tout ce qu'on doit louer vng gentilhomme vertueux. Ces deux étoient tant amis aliez & donnez l'vng a l'autre, que d'habillemens tant pour leurs corps que leurs gens & cheuaults tousjours étoient pareils; aduint qu'ils deuindrent amoureux de deux belles jeunes filles gentes & gracieuses, & le mains mal qu'ils sceurent firent tant qu'elles feurent aduerties de leurs nouuelles entreprinſes, du bien du seruice de cent mille choses que pour elles faire voudroient. Ils furent escoutez mais aultre chose ne s'en ensuiuit. J'espere, pource qu'elles étoient de seruiteurs pourueüs ou que d'amours nullement n'auoient cure, mais a la verité dire ils étoient beaux Compaignons tous deux & valoient bien d'être retenus seruiteurs d'aussi femmes de bien qu'elles étoient. Quoy qu'il fut toutefois, ils ne sceurent oncques tant faire qu'ils fussent en grace, dont ils passerent maintes nuits Dieu ſçait a quelle peine, maudisant puis fortune, maintenant amours, & très souuent leurs Dames qu'ils trou-

noient tant rigoureuses , eulx étant en cette rage & demesurée langueur , l'vng dit a son Compaignon , nous voyons a l'œil que nos Dames ne tiennent compte de nous , toutefois nous enraignons aprez , & tant plus nous montrent de fierté & de rigueur , tant plus les desirons complaire & servir & obeir , laquelle chose est une haute folie , ie vous requiers & prie que nous ne tenons compte d'elles emplus qu'elles font de nous , & vous verrez s'elles peuvent congnoistre que nous soyons a cela que elles enragent aprez nous comme nous faisons maintenant aprez elles. Helas dit l'autre c'est bon conseil que en pourroit venir a chief. J'ai trouué la manière dit le premier , j'ai tousjours ouï dire , & Ouide le met en son liure du remede d'amours, que beaucoup souuent faire la chose que sçavez fait oublier & peu tenir compte de celle qu'on aime , & dont on est fort feru. Si vous dirai que nous ferons ainsi venir a notre logis deux jeunes filles de nos cousines , & couchons avecques elles , & leurs faisons tant la folie que nous ne puissions les rains trainer , & puis venons devant nos Dames , au diable l'homme que en tiendra compte. L'autre si accorda , & comme il fut proposé & délibéré , il fut fait & accompli , car ils eurent chacun vne belle fille. Aprez ce ils s'en vindrent trouuer deuant leurs Dames en vne feste ou elles étoient & faisoient bons Compaignons la roë & du fier , & se pourmenoit pardeuant elles , & deuisoient d'vng cousté & d'autre , & faisoient cent mille manieres

36 FIER CONTRE FIER.

pour dire nous ne tenons compte de vous , cuidant comme ils auoient proposé que leurs Dames en d'eussent être mal contentes , & qu'elles les d'eussent rapeller maintenant ou autrefois , mais autrement en alla , car s'ils monstroient semblant de tenir peu compte d'elles , elles monstroient tout apertement de riens y encontrer dont ils se apperceurent très bien & ne s'en sçauoient assez esbahir. Si dit l'vng a son Compaignon, scez tu comment il est ? Par la mort bieu nos Dames ont fait la folie comme nous , & ne vois tu comment elles sont fieres , elles tiennent toutes telles manieres que nous faisons , si ne me crois jamais felles ne ont fait comme nous , elles ont prins chascun vng Compaignon , & ont fait jusqu'a outrances la folie , au diable les crapaudailles laissons les la. Par ma foi dit l'autre , ie le croy comme vous ie n'ay pas aprins de les veoir telles. Ainsi penserent les Compaignons que leurs Dames eussent fait comme eulx , pource qu'il leur sembla à l'heure qu'elles n'en tenissent compte , ils ne tenoient compte d'elles , mais il n'en fut riens & assez legier a croire.



LIX. NOUVELLE.

LE MALADE AMOUREUX.

EN la ville de saint Omer auoit n'aguères vng gentil Compaignon sergent de Roy, lequel étoit marié a vne bonne & loyale femme que autre fois auoit été mariée, & lui étoit demouré vng fils qu'elle auoit adrecié en mariage. Ce bon Compaignon jasoit ce qu'il eut bonne & prudente femme, neantmoins il semploioit très bien de jour & de nuit a seruir amours par tout ou il pouoit, & tant que a lui étoit possible, & pource que en temps d'hyuer soursdent plusieurs fois les inconueniens plus de legier que en aultre temps a poursuir la queste, il s'aduisa & delibera que il ne partiroit point de son hostel pour seruir amours, car il auoit vne très belle gente & jeune fille chambriere de sa femme, avecque laquelle il trouueroit maniere d'être son seruiteur. Pour abregier, tant fit par dons & par promesses qu'il eut octroy de faire tout ce que lui plairoit, jasoit que a grante peine, pource que sa femme étoit tousiours sur eulx que congnoissoit la condition de son mary. Ce nonobstant amours que veult tousiours secourir ses vrais seruiteurs inspira tellement l'entendement du bon & loyal seruant qu'il trouua moyen d'accomplir son veu. Car il feignit être très fort malade de refroidement, & dit à sa femme : Très douce

Compaigne venez , je suis si très malade que plus ne puis , il me fault aller couchier , & vous prie que vous fassiez tous nos gens couchier , afin que nul ne fasse noise ne bruit , & puis venez en notre chambre. La bonne Damoiselle que étoit très desplaisante du malade son mary , fit ce qu'il commanda & print beaux draps & les chauffa & mit sus son mary après qu'il fut couchié , & quant il fut bien eschauffé par longue espace , il dit : Ma mie il suffit ie suis assez bien Dieu mercy , & la vôtre que en auez prins tant de peine , si vous prie que vous en veniez couchier emprés moy , & elle que desiroit la santé de son mary fit ce qu'il commandoit , & s'endormit le plus tost qu'elle peut , & assez tost après que notre bon mary apperceut qu'elle dormoit , se coula tout doucement jus de son lit , & s'en alla combattre ou lit de sa Dame la chambriere tout prest pour son veu accomplir , ou il fut bien receu & rencontré & tant rompirent de lances qu'ils furent si las & si recreans , qu'il conuint que en beaux draps demeurissent endormis , & comme aulcune fois aduient que quant on s'endort en aulcun desplaisir ou merencolie au resueiller , c'est ce que vient premier a la personne , & est aulcune fois même cause du reueil comme a la Damoiselle aduint , & jasoit ce que grant soing eut de son mary , toutefois elle ne le garda pas bien car elle trouua qu'il étoit de son lit party. Et au taster qu'elle fit sus son oreiller , & en sa place , trouua qu'il y auoit long temps qu'il n'y auoit été. Adonc

comme toute desesperée faillit sus & en vestant sa chemise & sa cotte simple disoit a part elle las meschante ores es tu vne femme perduë & gastée , & que fait bien a reprochier quant par la negligence a laissé cet homme perdre. Helas ! pourquoy me suis je en nuit couchée pour ainsi m'abandonner au dormir. Or Vierge Marie , veillez mon cueur rejoyr , & que par ma cause il n'ait nul mal , car ie me tienderoye copable de sa mort , & après tous ces regrets & lamentacions elle se partit hastiement , & alla querir de la lumiere , & afin que sa chambriere lui tint compaignie a querir son mary , elle s'en alla en sa chambre pour la faire leuer , & la endroit trouua la douce paire en dormant bras a bras , & lui sembla bien qu'ils auoient cette nuit trauaillé , car ils dorment si fort qu'ils ne s'eueillèrent point pour personne que y entraît , ne pour lumiere que on y porta , & de fait pour la joye qu'elle eut de ce que son mary n'étoit point si mal ne si desuoyé , qu'elle esperoit que son cueur lui auoit iugé , elle s'en alla querir ses enfans & les varlets de l'hostel & les mena voir la belle compaignie , & leurs enjoignit expressement qu'ils n'en feissent quelque semblant , & puis leur demanda en basset que c'étoit ou lit de sa chambriere que la dormoit avecques elles , & ses enfans respondirent que c'étoit leur pere , & les varlets dirent que c'étoit leur maître. Adoncques elle les ramena dehors & les fist aller couchier , car il étoit trop matin pour eulx lever & aussi elle s'en

allat en son lit , mais depuis ne dormir gueres , tant qu'il fut heure de leuer. Toutefois assez tost après , la compagnie des vrays amans s'esueilla & se despartirent l'vng de l'autre amoureusement. Si s'en retourna notre maître a son lit emprés sa femme sans dire mot & aussi ne fit elle & faignir de dormir , dont il fut moult joyeux & lye pensant qu'elle ne sceut riens de sa bonne fortune , car il la craignoit & redoutoit a merueilles , tant pour sa paix que pour l'honneur & le bien de la fille , & de fait se reprint notre maître a dormir bien fort. Et la bonne & gente Damoiselle qui point ne dormoit si tost qu'il fut heure de descouchier se leua pour festoier son mary , & lui donna aultune chose confortatiue après la medecine laxatiue quil auoit prinse cette nuitée. Puis après la bonne Damoiselle fit leuer ses gens & appella sa chamberiere & lui dit qu'elle print les deux plus gras chappons de la chapponnerie , & que les appointast très bien , & puis qu'elle allast a la boucherie querir la meilleure piece de bœuf quelle pourroit trouuer , & si cuist tout a vne bonne eauë pour humer ainsi quelle le scauroit bien faire , car elle estoit maitresse & ouuriere de faire bon broüer , & la bonne fille que de tout son cueur desiroit complaire a sa Damoiselle , & encores plus a son maître a l'vng par amours & a l'autre par crainte dit que très volontiers le feroit. Cependant la Damoiselle alla ouir la messe , & au retour passa par l'hostel de son fils dont cy dessus a été parlé & lui dit que venir disnes

Auecques son mary , & si amenaſt avec lui trois ou quatre Compaignons qu'elle lui nomma , & que ſon mary & elle les prioient qu'ils veniſſent diſner avec eux. Quant elle eut ce dit elle ſe retourna a l'hoſtel pour entendre a la-cuiſine de peur que le hureau ne fut eſpandu comme par male garde il auoit été la nuitée precedente , mais nenny. Car notre bon mary ſ'en étoit allé a l'Egliſe ouir la meſſe , & tandis que le diſner ſ'appretoit , le fils a la Damoifelle alla prier ceux qu'elle lui auoit nommez que étoient les plus grans farceurs de toute la ville de ſaint Omer.

Or reuint notre maiftre de la meſſe , & fit vne grande braſſie a ſa femme , & lui donna le bon jour , & auſſi fit elle a lui , mais toutesfois elle n'en penſoit pas mains , & lui commença a dire qu'elle étoit bien joyeuſe de ſa ſanté dont il la remercia , & lui dit , vraiment ie ſuis aſſez en bon point Dieu mercy ma mie veu que j'eſtoie hyer a la veſpre , ſi mal diſpoſé , & me ſemble que j'ay très bon appetit ſi voudroie bien aller diſner ſe vous voulez , lors elle lui dit j'en ſuis bien contente , mais il fault vng peu attendre que le diſner ſoit preſt , & que telz & telz qui ſont priez de diſner avecques vous ſoient venus , priez , dit-il , & a quel propos ie n'en ay cure , & aimaffe mieulx qu'ils demouraffe , car ils ſont ſi grans farceurs que s'ils ſçauent que j'ay été madade , ils ne me feront que farcer , au mains belle Dame ie vous prie qu'on ne leurs en die riens , & encores aultre choſe y a , que mangeront ils , & elle dit qu'il ne

s'en foucia point & qu'ils auroient assez a mangier, car elle auoit fait appointer & abiller les deux meilleurs chappons de leans, & vne très bonne piece de bœuf pour l'amour de lui, de laquelle chose il fut bien joyeux, & dit que c'étoit bien fait. Et tantost après vinrent ceux que l'en auoit priez avecques le fils de la Damoiselle & quant tout fut prest, ils s'en allerent seoir a table & firent très bonne chiere, & par especial l'hoste, & beuoyent souuent, & d'autant l'vng a l'autre, & lors l'hoste commença a dire a son beau fils. Jehan mon amy ie vueille que vous beuez a votre mere, & faites bonne chiere, adonc le fils respondit que très volentiers le feroit, & ainsi qu'il eut beu a sa mere, la chambriere que seruoit, suruint a la table pour servir les assistans ainsi qu'il appartenoit, comme bien & honnestement le scauoit faire, & quant la Damoiselle la vit elle l'appella & lui dit : Venez ça ma douce Compaigne, beuez a moi & ie vous plegeray. Compaigne dea dit notre amoureux, & dont vient maintenant celle grant amour que-male paix y puißt mettre Dieu, vecy grant nouuelleté, voire vrayment c'est ma Compaigne certaine & loyale, en avez vous si grant merueille? Ha dea dit l'hoste. Jehane gardés que vous dites, on pouroit ja penser quelque chose entre elle & moy, & pourquoy ne feroit on dit-elle; ne vous ay-je point en nuit trouué couchié avec elle en son lit & dormant bras a bras? couchié, dit-il, voire vrayment couchié dit-elle, & par ma moy

beaux Seigneurs , dit-il , n'en est riens , & ne le fait que pour me faire despit , & aussi pour donner a la pource fille blasme , car ie vous promets que onques ne m'y trouuay. Non dea dit-elle , vous lorrez tantost & le vous feray toute a cette heure dire deuant vous par tous ceux de ceans ; adonc appella ses Enfans , & les varletz que estoient deuant la table , & leur demanda se ils auoient point veu leur pere couchié avecques la chamberiere, & ils dirent que ouy. Adonc leur pere respondit : Vous mentez mauuais garçons , vstre mere le vous fait dire. Saulue votre grace pere nous uous y veismes couché , aussi firent nos varlets. Qu'en dites vous , dir la Damoiselle , vrayment il est vray dirent-ils , & lors y eut grande risée de ceux que-la estoient , & le mary fut terriblement hebahi car la Damoiselle leurs compta comment il s'étoit fait malade & toute la maniere de faire , ainsi qu'elle auoit été , & comment pour les festoier elle auoit fait appareiller le disner , & prier ses amis , lesquels de plus en plus renforçoient la chose dont-il étoit si honteux qu'a peine scauoit il tenir maniere , & ne se feut autrement sauuer que de dire. Or auant puis que chascun est contre moy , il faut bien que ie me taise , & que ie accorde tout ce qu'on veult , car ie ne puis tout seul contre vous tous , après commanda que la table fut ostée , & incontinent graces renduës , appella son beau fils & lui dit : Jehan mon amy , ie vous prie que se les autres me accusent de cecy que me excusez en gardant mon

64 LE MALADE AMOUR.

honneur & allez sçavoir a cette pource fille que on lui doit , & la paieez si largement qu'elle n'ayt cause de soy plaindre puis la faites partir , car ie sçay bien que votre mere ne la souffreroit plus demourer ceans. Le beau fils alla incontinent faire ce qui luy étoit commandé , & puis retourna aux Compaignons qu'il auoit amenez , lesquels il trouua parlans a sa mere , & la remercioit moult grandement de ses biens & de la bonne chiére qu'elle leurs auoit faite , puis prindrent congé & s'en allerent.

LX. NOUVELLE.

LES NOUVEAUX FRERES MINEURS.

A D U I N T nagueres que en la Ville de Troye auoit trois Damoiselles , lesquelles étoient femmes a trois bourgeois de la Ville , riches & puissans , & bien aïsiez , lesquelles furent amoureuses de trois Freres Mineurs , & pour plus seurement leur fait courir , sous vmbre de deuotion chascun jour se leuoient vne heure ou deux deuant le jour , & quant il leurs sembloit heure d'aller vers leurs amoureux , elles disoient a leurs maris qu'elles alloient a Matines , a la premiere Messé , & pour le grant plaisir qu'elles y prenoient , & les Religieux aussi sou-
uent

Vient aduenoit que le jour les surprenoit largement si qu'elles ne sçauoient comment faillir de l'hostel que les aultres Religieux ne s'en aperceussent. Pourquoy doubtant les grands perils & inconueniens que en pouuoient soudre, fut prinse conclusion par eulx toutes ensemble que chascune d'elle auroit habit de Religieux, & feroient faire grande couronne sur leur teste comme selle étoient du Conuent de leans, jusques finalement vng aultre certain jour qu'elles y retourneroient après. Tandis que leurs maris, gueres n'y pensoient, elles venuës es chambres de leurs amis, vng barbier secret fut mandé, c'est a sçauoir des Freres de leans qui fit aux Damoiselles chascune la couronne sur la teste, & quant vint au départir, elles vetirent leurs habits qu'on leurs auoit appareillez & en cet état s'en retournoient deuers leur hostel & s'en alierent desuetir, & mettre jus leurs habits de deuocion chez vne certaine matrosne affectée, & puis retournerent emprés leurs maris, & en ce point continuerent grant temps sans que personne s'en aperceut, & pource que dommaige eut été que telle deuocion & trauail n'eut été congnüe: fortune voulut que a certain jour que l'une de ces bourgeois se étoit mise en chemin pour aller au lieu accoutumé, l'embusche fut decouuerte, & de fait fust prinse a tout l'habit dissimulé par son mary, qui l'auoit poursuiue; si lui dit beau frere vous soyez le très bien trouué, je vous prie que retournez a l'hostel, car j'ay a parler a vous de conseil, & en ces

état la ramena, dont elle ne fit ja feste. Or aduint
 que quand ils furent a l'hostel, le mary commença
 a dire en maniere de farce : Dites vous par votre foy
 que la vraye deuotion dont ce temps d'hyuer auez
 été esprinse vous fait endosser l'habit de S. François,
 & porter couronne semblable aux bons Freres, di-
 tes moy ie vous requiers qui a été votre Recteur
 ou par saint François vous lamanderez, & fist sem-
 blant de tirer sa dague, adoncques la pourette se
 jetta a genoux, & s'écria a haulte voix : Ha mon
 mary, ie vous crie merci, ayez pitié de moy, car
 j'ay eté seduite par mauuaise compaignie, ie sçay
 bien que ie suis morte, si vous voulez, & que ie ne
 ay pas fait comme ie d'eusse, mais ie ne suis pas seule
 deceuë en telle maniere, & si vous me voulez pro-
 mettre que ne me ferez rien, ie vous diray tout,
 adonc son mary sy accorda, lors elle lui dit com-
 ment plusieurs fois elle auoit été oudit monastere
 avec deux de ses Compaignes, desquels deux des
 Religieux s'étoient enamourez, & en les accompa-
 gnans aulcune fois a faire collacion en leurs cham-
 bres, le tiers fut esprins d'amours de moy en me
 faisant tant de humbles & doulces requestes, que
 nullement ne m'en suis peu excuser & mesmement
 par l'instigation & enhort de mesdictes Compaignes
 ie l'ay fait, disans que nous aurions bons temps en-
 semble, & si n'en sçauroit on rien. Lors demanda le
 mary que étoient ses Compaignes, & elle les lui
 nomma. Adoncques sceut il qui étoient leurs maris.

FRERES MINEURS. 67

Et dit le compte qu'ils beuvoient souuent ensemble, puis demanda qui étoit leur barbier, & les noms des trois Religieux. Le bon mary considerant toutes ces choses avec les douloureuses admiracions & piteux regrets de sa femellette dit : Or gardez bien que tu ne die a personne que ie saiche parler de cette matiere, & ie te prometz que ie ne te feray ia mal. La bonne Damoiselle lui promist que tout a son plaisir elle feroit, adonc incontinent part & alla prier au disner les deux maris & les deux Damoiselles, les trois Cordeliers & le barbier & promisdrent de venir, lesquels venus le lendemain & eulx assis a table firent bonne chiere, sans penser a leur maladventure, & après que la table fut ostée pour conclure de l'escot, firent plusieurs manieres de faire mises auant joyeusement sus quoy l'escot seroit prins & soutenu, ce toutefois qu'ils ne sceurent trouuer, ne être d'accort tant que l'hoste dit, puis que nous ne sçauons trouuer moyen de gagner nostre escot par ce qui est mis en termes, je vous diray que nous ferons, il faut que nous le fassions payer a ceux de la compagnie qui la plus grant couronne portent, reserué ces bons Religieux car ils ne payeront riens quant a present, a quoy ils s'accorderent tous & furent contens que ainsi en fut & le barbier en fut fait le juge. Et quant tous ces hommes eurent montré leurs couronnes, l'hoste dit qu'il falloit veoir, se les femmes en auoient nuelles, si ne fault pas demander s'il en y eut en la compagnie qui eurent leurs cueurs estrains, &

F ij.

sans plus attendre l'hoste prit sa femme par la teste & la decouvrit. Et quant il vit cette couronne, il fit vne grande admiration faignant que riens n'en sceut, & dit il faut veoir les aultres selles sont couronnées aussi. Adonc leurs maris les firent d'effubler, & pareillement furent trouuées comme la premiere, de laquelle chose ils ne firent pas trop grant feste, notwithstanding qu'ils en fissent grandes risées, & tous en maniere de joyeuseté dirent, que vrayement l'escot étoit gagné, & que leurs femmes les déuoient, mais il falloit sçauoir a quel propos ces couronnes auoient été enchargées, & l'hoste qui étoit assez joyeux leur compta tout le demené de la chose soubz telle protestacion qu'ils le pardonneroient a leurs femmes pour cette fois parmy la penitence que les bons Religieux porteroient en leur presence, laquelle chose les deux maris accorderent & incontinent l'hoste fit faillir quatre ou six roides bons gaulans hors d'une chambre tous aduertis de leur fait, & prirent bons Moynes, & leurs donnerent tant de biens de leans qu'ils en purent entasser sur leurs dos, puis les bouterent hors, & eurent leurs maris plusieurs deuises qui seroient longues a racompter.



LXI. NOUVELLE.

LE COCU DUPE.

A D U I N T vng jour que en vne bonne ville de Henault auoit vng bon Marchand marié a vne vaillante femme, lequel très souuent alloit en marchandise, qui étoit par aduenture occasion a sa femme d'aimer aultre que lui, en laquelle chose continua & perseuera moult longuement: Neantmoins en la parfin l'embusche fut découuerte par vng sien voisin que parent étoit audit Marchand, & demouroit a l'opposite de l'hostel dudit Marchand & de sa maison; il vit & apperceut souuentefois vng gentil galant heurter & entrer de nuit, & faillir hors de l'hostel dudit Marchand, laquelle chose vertue a la congnissance de celui a que le dommage se faisoit par l'aduertissement du voisin, fut moult desplaisant en remerciant son parent & voisin, & dit que briue-ment il y pourueiroit, & qu'il se bouteroit du soir en sa maison, afin qu'il veist mieulx qui yroit & viendrait en son hostel, & semblablement faignit d'aller dehors, & dit a sa femme & a ses gens qu'il ne sçauoit quant il retourneroit, & lui party au plus matin, ne demoura que jusqu'à la vesprée qu'il boutta son cheual quelque part, & vint couuertement chez son cousin, & la regarda par vne petite

treille , attendant s'il verroit ce que gueres ne lui plaisoit , & tant attendit que enniron neuf heures en la nuit , le galant a qui la Damoiselle auoit fait sçauoir que son mary étoit allé dehors passa tant pardeuant l'hostel de la belle , & regarda a l'huis pour veoir s'il y pourroit entrer , mais encores le trouua il fermé. Si pensa bien qu'il n'étoit pas heure pour les doutes , & ainsi qu'il varioit entour , ce bon Marchand que pensa bien que c'étoit son homme , descendit & vint a lui & lui dit : Mon amy notre Damoiselle vous a bien apperceu , & pource qu'il est encores temps assez , & qu'elle a doubte que notre maistre ne retourne , elle m'a requis & prié que ie vous mette dedans s'il vous plaist. Le Compaignon cuydant que ce fut le varlet , s'aduentura d'entrer leans avecques lui , & tout doucement l'huis fut ouuert , & le mena tout derriere en vne chambre en laquelle auoit vne moult grande huche , laquelle il defferma & fit entrer dedans , afin que se le Marchand reuenoit qu'il ne le trouua pas , & que sa maitresse reuiendrait assez tost mettre dehors & parler a lui , & tout ce souffrit le gentil galant pour le mieulx , & aussi pource qu'il pensoit que l'autre dit verité. Et incontinent se partit le Marchand le plus celecment qu'il peut , & s'en alla a son cousin , & a sa femme , & leur dit : Je vous prometz que le rat est prins , mais il nous fault aduiser qu'il en est de faire , & lors son cousin & par especial la femme qui n'aimoit point l'autre , furent bien-

Joyeux de la venuë , & dirent qu'il seroit bon que l'en le montra aux parens & amis de la femme , afin qu'ils veissent son gouvernement. Et a cette conclusion prinse , le Marchand alla a l'hostel du pere & de la mere de sa femme , & leurs dit qu'ils s'en vinssent moult hastiuement a son logis. Tantoist saillirent sus & tandis qu'ils s'appointoient & appareilloient pour leurs en aller chez leur fille , il alla pareillement querir deux des freres & deux des sœurs d'elle , & leurs dit comme il auoit fait au pere & a la mere , & puis quant il les eut tous assemblés , il les mena en la maison de son cousin , & il leurs compta tout au long la chose ainsi qu'elle étoit , & leurs compta pareillement la prinse du rat ; or conuient il sçauoir comment ce gentil galant pendant ce temps se gouerna en celle huche de laquelle il fut gaillardement deliuré attendu l'aduenture , car la gente Damoiselle que se donnoit garde souuent se son amy viendroit point , alloit deuant & derriere pour veoir s'elle en auroit point quelque nouuelle , & ne tarda my grant pieces que le gentil Compaignon que oyoit bien que l'on passoit assez près du lieu ou il étoit , & si le laissoit on la , il print a heurter du point a cette huche tant que la Dame l'ouït qui en fut moult espantée , & neantmoins elle demanda que c'étoit , & le Compaignon respondit : Hela ! très doulce amie ce suis je que me meurs de chaud & de doubte de ce que m'y avez fait boutter , & si n'y allez ne venez ; qui fut alors bien esmer-

72 LE CÔCU DUPE.

veillée ce fut elle ; la Vierge Marie , & pensez vous
 mon ami que ie vous y aye fait mettre , par ma foy ,
 dit-il , ie ne sçay , au moins est venu votre varlet à
 moy , & m'a dit que lui auiez requis qu'il me mist
 en l'hostel , & que ie entrasse en cette huche , afin
 que votre mary ne m'y trouua , si d'adventure il re-
 tournoit pour cette nuit ; ha dit-elle , sur ma vie que
 c'a été mon mary. A ce coup suis je vne femme per-
 due & tout notre fait decouvert. Sçavez vous , dit-
 il , comment il va , il conuient que me mettez dé-
 hors ou ie romperay tout , car ie ne puis plus durer.
 Par ma foy , dit-la Damoiselle , ie n'en ay point la
 clef , & se vous le rompez ie seray defaite , & dira
 mon mary que ie l'auray fait pour vous sauuer , fina-
 blement la Damoiselle chercha tant qu'elle trouua
 de vieilles clefs entre lesquelles y en eut vne que de-
 bura le pource prisonnier , & quant il fut hors il trouua
 la Dame , & lui montra le courroux qu'il auoit sus
 elle , laquelle le print paciemment , & a tant s'en
 voulut partir le gentil amoureux , mais la Damoiselle
 le print & accola , & lui dit que si s'en alloit ainsi ,
 elle étoit aussi bien deshonnourée que s'il eut rompu
 la huche. Et qu'est il donc de faire dit le galant ? Si
 nous ne mettons , dit-elle , quelque chose de dedans
 & que mon mary le treuve , ie ne me pouroye excu-
 ser que ie ne vous aye mis dehors , & quelle chose y
 mettrons nous dit le galant , afin que ie me parte
 car il est heure. Nous auons dit-elle , en cette étable ,
 vne asne que nous y mettrons si vous me voulez ar-
 der.

der. Oui, par ma foy, dit-il. Adonc fut cet asne getté dedans la huche & puis la refermerent, lors le galant prit congié d'vng doulx baïser, & se partit en ce point par vne issuë de derriere, & la Damoiselle s'en alla prestement couchier, & après ne demoura pas longuement que le mary, qui tandis que ces choses se faisoient, assembla ses gens & les amena tous chez son cousin comme dit est, où il leurs compta tout entierement l'état de ce que on lui auoit dit, & aussi comment il auoit prins le galant a ses barres. Et adoncques a celle fin, dit-il, que vous ne disiez point que je vueille a votre fille imposer blasme sans cause, ie vous monstrey a l'œil, & au doigt le ribault qui ce deshonneur nous a fait, & prié que auant qu'il faille hors qu'il soit tué. Adonc chascun dit que ainsi seroit-il, & aussi dit le Marchand, je vous rendray votre fille pour telle qu'elle est, & de la se partirent les aultres avecque lui qui étoient moult dolens des nouuelles, & auoient torches & flambeaux pour mieulx chercher par-tout, & que riens ne leurs peut'eschapper, ils heurtèrent a l'huis si rudement, que la Damoiselle y vint premiere que nulz de leans, & leurs ouurit l'huis. Et quant ils furent entrés, elle salua son mary, son pere & sa mere, & les aultres, montrant qu'elle étoit bien esmerueillée quelle chose les aménoit & a telle heure, & a ces mots son mary hausse le poingt, & lui donne vng très grand baffe, & dit, tu le sçauras tantost faulse, telle & quelle tu es. Ha regardez que

vous dites ; amenez vous pour ce , mon pere , & ma mere ici ; oui , dit la mere , faulſe garſe que tu és , on te montrera ton lourdier preſtement , & lors ſes ſœurs vont dire , & pardieu vous n'êtes pas venuë de lieu pour vous gouuerner ainſi. Mes ſœurs , dit-elle , par tous les Saints de Rome , ie n'ay rien fait que vne femme de bien ne doïue & puiſſe faire , ne ie ne doubte point qu'on doïue le contraire montrer ſur moy. Tu as menty dit ſon mary , ie le te montreray incontinent , & ſera le ribault tué en ta préſence ; ſus toſt ouurez cette huche , moi , dit-elle , & en verité ie croy que vous reuez , ou que vous êtes hors du ſens , car vous ſçauéz bien que ie n'en portés oncques la clef , mais pend avecques les vôtres , dés le temps que vous y mettiez vos beſongnes , & pourtant ſe vous la voulez ouurir , ouurez la. Mais ie prie a Dieu que auſſi vrayement que oncques ie n'euz compaignie avecques celui que eſt la dedans encloſ qu'il m'en deliure a joye & a honneur , & que la mauuaiſe enuie que l'on a ſur moy puiſſe icy être auerée & démontrée , & auſſi ſera elle comme bien ay bon eſpoir. Je croy dit le mary , qui la veoit a genoulx pleurant & gemiſſant qu'elle ſçait bien faire la chatte mouillée , & que la voudroit croire elle ſçaueroit bien abuſer les gens , & ne doubtez , ie me ſuis pieça aperceu de la trainée. Or ſus ie vois ouurir la huche , ſi vous prie , Meſſeigneurs , que chaſcun mette la main a ce ribault qu'il ne nous eſchappe , car il eſt fort & roide. N'ayez paour , dirent-ils tous

ensemble , nous sçaurons bien faire , adonc tirerent leurs espèces & prindrent leurs maillets pour assommer le pource amoureux , & lui dirent : ores te confesses car jamais n'auras Prestre de plus près , la mere & les sœurs qui ne vouloient point veoir cette occision , se tirerent d'une part , & aussitost qu'il eut ouvert la huche , & que cet asne vit la lumiere si très grande , il commença a hannir si hydeusement , qu'il n'y eut si hardy leans qui ne perdit & sens & maniere , & quand ils virent que c'étoit vng asne , & que il les auoit ainsi abusés , ils se voulurent prendre au Marchand , & lui dirent autant de honte comme saint Pierre eut oncques d'honneur & mêmes les femmes si lui vouloient courir sus & de fait s'il ne s'en fut foïi , les freres de la Damoiselle l'eussent là tué pour le grand blasme & deshonneur qu'il leur auoit fait & vouloit faire. Et finalement en eut tant a faire , qu'il conuint que la paix & traictés en furent reffaits par notables de la ville , & en furent les accusateurs tousjours en indignacion du Marchand , & dit le compte qu'a la paix faire il y eut grande difficulté & plusieurs protestacions des amis a la Damoiselle ; & d'autre part de bien étroites promesses du Marchand , qui depuis bien & gracieusement se gouerna & ne fut oncques homme meilleur a sa femme qu'il fut toute sa vie , & ainsi vserent leur vie ensemble.

LXII. NOUVELLE.

L'ANNEAU PERDU.

ENUIRON le mois de Juillet , alors que certaine conuencion & assemblée se tenoit , entre la ville de Calais & Garnelinghes assez près du Chastel doye , a laquelle assemblée étoient plusieurs Princes & grans Seigneurs tant de la partie de France comme d'Angleterre , pour aduiser & traicter de la rançon de Monseigneur d'Orleans étant lors prisonnier du Roy d'Angleterre , entre lesquels de ladite partie d'Angleterre étoit le Cardinal de Viscestre qui a ladite conuencion étoit venu en grant & noble état tant de Cheualiers , Escuyers , que d'autres gens d'Eglise , & entre les autres nobles hommes , auoit vng qui se nommoit Jehan Stotton Ecuyer tranchant , & Thomas Brampton Eschanson dudit Cardinal , lesquels Jehan & Thomas Brampton , se entre-aimoient autant ou plus que pouroient faire deux freres germains ensemble ; car de vestures , habillemens , & harnois étoient tousjours d'une façon au plus près que ils pouuoient , & la plus part du temps ne faisoient que vng lit & vne chambre , & oncques n'auoit on veu que entre eulx d'eulx aulcunement y eut quelque couroux , noise ou maltalent , & quant ledit

L'ANNEAU PERDU. 77

Cardinal fut arrivé audit lieu de Calais , on bailla pour le logis defdits nobles hommes l'hostel de Richard Fery , qui est le plus grant hostel de ladite ville de Calais , & ont de coutume les grands Seigneurs , quant ils arriuent audit lieu , passans & reuenans d'y logier. Ledit Richard étoit marié & étoit sa femme de la nacion du pays de Hollande , que étoit belle gracieuse , & bien lui aduenoit a receuoir gens , & durant ladite conuencion a laquelle on fut bien l'espace de deux mois , yceux Jehan Stotton , & Thomas Brampton que étoient si eomme en l'aage de vingt-sept a vingt-huit ans , ayant leur couleur de cramoisy viue , & en point de faire armes par nuit & par jour , durant lequel temps nonobstant les priuautés & amitiés qui étoient entre ces deux seconds & Compaignons d'armes , ledit Jehan Stotton au desceu dudit Thomas trouua maniere d'auoir entrée , & faire le gracieulx enuers leurdite hostesse , & y continuoit souuent en deuises & semblables gracieusetés que on a coutume de faire en la queste d'amours , & en la fin s'enhardit de demander a sadite hostesse la courtoisie , c'est a sçauoir , qu'il peut être son amy , & elle sa Dame par amour , a quoy comme faignant d'être esbahye de telle requeste , lui respondit tout froidement que lui ne aultre elle ne hayoit , ne vouldroit hayr & qu'elle aimoit chascun par bien & par honneur , mais il pouuoit sembler a la maniere de sadite requeste qu'elle ne pouroit ycelle accomplir que ce ne fut grandement a son deshonneur

78 *L'ANNEAU PERDU.*

& scandal, & mesmement de sa vie, & que pour chose du monde a ce ne voudroit consentir.

Adonc ledit Jehan repliqua , disant qu'elle lui pouuoit très bien accorder ; car il étoit celui qui lui vouloit garder son honneur , jusques a la mort , & aimeroit mieulx être peri , & en l'autre siecle tourmenté que par sa coulpe elle eut deshonneur , & qu'elle ne doubta en riens que de sa part son honneur ne fut gardé , lui suppliant de rechief que sa requeste lui voulût accorder , & a tousjours , mais se reputeroit son seruiteur & loyal amy , & a ce elle respondit faisant maniere de trembler disant que de bonne foy , il lui faisoit mouuoir le sang du corps de crainte & de paour qu'elle auoit de lui accorder sa requeste. Lors il s'approucha d'elle , & lui requist vng baiser , dont les Dames & Damoiselles dudit pays d'Angleterre sont assez liberales de l'accorder , & en la baisant lui pria doucement qu'elle ne fut paoureuse & que de ce qui seroit entre eulx deulx , jamais nouvelle n'en seroit a personne viuant , lors elle lui dit : Je voys bien que ie ne puis de vous eschapper que ne fasse ce que vous voulez , & puis qu'il fault que ie fasse quelque chose pour vous , saulz toutefois - tousjours mon bon honneur , vous sçauiez l'Ordonnance qui est faite de par les Seigneurs étant en cette ville de Calais , comment il conuient que chascun chief d'hostel fasse vne fois la sepmaine en personne le guet par nuit sur la muraille de ladite ville , & pource que les Seigneurs , & nobles hommes de

L'hostel de Monseigneur le Cardinal votre maître font ceans logiés, mon mary a tant fait par le moyen d'aucuns ses amis enuers monditz Seigneur le Cardinal qui ne fera que demi guet, & entens qu'il le doit faire Jeudy prochain, depuis la cloche du guet sonnoit au soir jusques a minuit, & pource tandis que mon mary sera au guet se me voulez dire aucunes choses ie les orray très volentiers, & me trouverez en ma chambre avec ma chamberiere, laquelle étoit en grant vouloir de conduire & accomplir les volentés & plaisirs de sa maitresse. Ledit Jehan Stotton fut de cela moult joyeux, & en remerciant sadite hostesse, lui dit que point n'y auroit de faulte que audit son il ne venist comme elle lui auoit dit. Or ce faisoient ces deuises le Lundy precedent après disner: mais il ne fault pas oublier de dire comment ledit Thomas Brampton auoit, au desceu de son dit Compaignon Jehan Stotton, fait pareille diligence & requeste a leur hostesse, laquelle ne lui auoit oncques voulu quelque chose accorder, fors lui bailler vne fois espoir, & l'autre doubte, en lui disant & remontrant qu'il pensoit trop peu pour l'honneur d'elle, car se elle faisoit ce qu'il requeroit, elle scauoit de vray que son mary Richard Fery & ses parens & amis lui osteront la vie du corps. Et a ce respondit ledit Thomas, ma très doulce Damoiselle amyie & hostesse, pensez que ie suis noble homme ne pour chose qui me peult aduenir ne voudroye faire chose qui detourne votre deshon-

80 *L'ANNEAU PERDU.*

neur ne blasme , car ce ne seroit point vſé de noblesse , mais croyez fermement que le vôtre honneur vouldroye sauuer & garder comme le mien , & sy aimeroye mieulx a mourir qu'il en fut nouuelle , & n'ay amy ne personne en ce monde tant soit mon priué a qui ie voulusse en nulle maniere descourrir notre fait ; la bonne Dame voyant la singuliere affection & desir dudit Thomas , lui dit le Mercredy ensuyuant que ledit Jehan auoit eu la gracieuse response cy dessus de leurdite hostesse , que puis qu'elle vçoit en si grande voulenté de lui faire seruice en tout bien & tout honneur , qu'elle n'étoit point si ingrate qu'elle ne se voulüst bien recongnoître , & lors lui alla dire comment il conuenoit que son mary lendemain au soir alla au guet comme les aultres chefs d'hostel de la ville en entretenant l'ordonnance qui sur ce étoit faite de par la seigneurie étant en la ville , mais la Dieu mercy son mary auoit eu de bons amis autour de Monseigneur le Cardinal , car ils auoient tant fait enuers lui qu'il ne feroit que demy guet , c'est a sçauoir depuis minuit jusqu'au matin seulement , & que cependant s'il vouloit venir parler a elle , elle ourroit voulentiers ses doulces deuissés , mais pour Dieu qu'il y vinüst si secrettement qu'elle n'en peult auoir blasme , & ledit Thomas lui sceut bien respondre , que ainsi desiroit il de faire , & a tant se partit en prenant congié. Et le lendemain qui fut ledit jour de Jeudy aux vespres après ce que la cloche du guet fut sonnée le deuant dit Jehan

Stotton , n'oublia pas aller a l'heure que sadite hostesse lui auoit mise , & ainsi il vint vers la chambre d'icelle , & y entra & la trouua toute seule , laquelle le receut & lui fit très bonne chiere , car la table y étoit mise, Adonc ledit Jehan requist que avecques elle il put couchier , pour eulx ensemble mieulx deuifer , ce qu'elle ne lui vouloit de prime face accorder , disant qu'elle pouroit auoir charge se on le trouuoit avecques elle , mais il requist tant & par si bonne maniere qu'elle si accorda , & le souper fait qu'il sembla être audit Jehan moult long , se coucha avec sadite hostesse , & après s'esbatirent ensemble nud a nud , & auant qu'il entra en ladite chambre , il auoit bouté en l'vng de ses doigts vng anneau d'or garny d'vng bon gros diamant, qui bien pouuoit valloir la somme de trente Nobles , & comme ils se delectoient ensemble , ledit anneau lui cheut de son doigt dedans le lit , sans ce qu'il s'en apperceut , & quand ils eurent ainsi illec été ensemble jusques après la onzième heure de la nuit , ladite Damoiselle lui pria moult doucement que en gré voulüst prendre le plaisir que elle lui auoit peu faire , & que a tant il fut content de soy habiller , & partir de ladite chambre afin qu'il n'y fut trouué de son mary qu'elle attendoit s tost que la minuit seroit venue , & qu'il lui voulüst garder son honneur comme il lui auoit promis , lors ledit Stotton ayant doubté que ledit mary retournaist incontinent , se leua & se habilla , & partit de celle chambre ainsi que douze heures étoient

82 *L'ANNEAU PERDU.*

sonnées sans auoir souuenance de son diamant qu'il auoit laissé oudit lit , & en yssant hors de ladite chambre au plus près d'icelle ledit Jehan Stotton encontra son Compaignon Thomas Brampton , cuydant que ce fut son hoste Richard , & pareillement ledit Thomas qui venoit a l'heure que sadite hostesse lui auoit mise , cuydant semblablement que ledit Jehan Stotton fut ledit Richard , & attendit vng peu pour veoir quel chemin il tiendrait , & puis il s'en alla entrer en la chambre de ladite hostesse qu'il trouua comme entreouuerte , laquelle tint maniere comme toute esperduë & effroyée en demandant audit Thomas en maniere de grant doubte , & paour se il auoit point rencontré son mary que se partoît d'illec pour aller au guet. Adonc ledit Thomas lui dit que trop bien auoit il rencontré vng homme , mais il ne sçauoit qu'il étoit ou son mary ou aultre , & qu'il auoit vng peu attendu pour veoir quel chemin il tiendrait & quant il eut ce ouy , elle print hardiesse de le baïser , en lui disant qu'il fut le bien venu , & assez tost après sans demander qui la perdu ne gaigné , ledit Thomas troussa la Damoiselle sur le lit en faisant cela. Et puis après quant elle vit que c'étoit a certes se despouillerent & entrèrent tous deux au lit , car ils firent armes en sacrifiant au Dieu d'amours , & rompirent plusieurs lances , mais en faisant lesdites armes , il aduint audit Thomas vne aduerture , car il sentit dessous sa cuisse le diamant que ledit Jehan auoit laissé , & comme non fol &

L'ANNEAU PERDU. 83

non esbahi le print & le mit en l'vng de ses doigts , & quant ils eurent été ensemble jusques a lendemain du matin que la cloche du guet étoit prest de sonner , a la requeste de ladite Damoiselle il se leua , & en parlant s'entreaccolerent ensemble d'vng baiser amoureux , ne demoura gueres après que ledit Richard retourna du guet ou il auoit été toute la nuit , en son hostel fort refroidy , & chargé du fardeau de sommeil qui trouua sa femme qui se leuoit , laquelle lui fit faire du feu , & quant il se fut chauffé il s'en alla couchier & reposer , car il étoit trauaillé de la nuit , & sa femme lui fait accroire que aussi l'est elle , car pour la doubre qu'elle auoit eu du trauail de son mary , elle auoit bien peu dormi toute la nuit , & enuiron deux jours après toutes les choses faites , comme les Anglois ont de coutume après ce qu'ils ont ouy la messe de aller desjeuner en la tauerne au meilleur vin , ledit Jehan & Thomas se trouuerent en vne compaignie aultres gentilshommes & marchands sy allerent desjeuner ensemble , & se assirent ledit Jehan Stotton , & Thomas Brampton l'vng deuant l'autre , & en mengeant ledit Jehan regardat sur les mains dudit Thomas qui auoit en l'vng de ses doigts ledit diamant , & quant il l'eut longuement aduisé , & regardé ledit diamant , il lui sembloit vrayement que c'étoit celui qu'il auoit perdu , ne sçauoit en quel lieu ne quant , & adonc ledit Jehan Stotton pria audit Thomas qu'il lui voulüst montrer ledit diamant , lequel lui bailla voulent-

84 *L'ANNEAU PERDU.*

tiers , & quant il l'eut en sa main , il recongneut bien que c'étoit le sien , & demanda audit Thomas dont lui venoit , & que vraiment il étoit sien , a quoy ledit Thomas respondit au contraire que non étoit mais que a lui appartenoit.

Et ledit Stotton maintenoit que depuis peu de temps l'auoit perdu , & que s'il auoit trouué en leur chambre ou ils couchoient , qu'il ne faisoit point bien de le retenir , attendu l'amour & fraternité que tousjours auoit été entte eulx deulx , tellement que plusieurs aultres paroles sen esmeurent & fort se couroucerent ensemble , l'ung contre l'autre , toutefois ledit Thomas Brampton vouloit tousjours auoir ledit diamant , mais il ne peut oncques finer. Et quant les aultres gentilshommes & marchands virent ladicte noise , chascun s'employa a l'appaisement d'icelle pour trouuer quelque maniere de les accorder , mais riens n'y vault , car celui qui perdu auoit ledit diamant , ne le voulut laisser partir de ses mains , & celui qui l'auoit trouué le vouloit rauoir , & le tenoit a belle aduerture de l'auoir trouué , & auoir jouy de l'amour de sa Dame , & ainsi étoit la chose difficile a appointer. Finablement l'vng desdits marchands voyant que au demené de la matiere , on n'y proufitoit en riens, si dit qu'il lui sembloit qu'il auoit aduisé vng aultre expedient apppointement dont lesdits Jehan & Thomas deuroient être contens , mais ils n'en diront mot , se lesdites parties ne se soubzmettoient en paine de dix Nobles , de tenir ce qu'il

en diroit , dont chascun de ceux qui étoient en ladite compaignie, respondirent que très bien auoit dit ledit Marchand , & inciterent ledit Jehan & Thomas de faire ladite submission & tant en furent requis & par telle maniere qu'ils se y accorderent. Adonc ledit Marchand ordonna que ledit diamant seroit mis en ses mains , puis que tous ceulx qui de ladite difference auoient parlé & requis de l'appaiser n'en auoient peut être crus , il ordonna que après qu'ils seroient partis de l'hostel où ils étoient au premier homme de quelque état ou condition qu'il fut , qu'ils trouueroient a l'issüe dudit hostel , compteroient toute la maniere de ladite difference & noise , étant entre ledit Jehan Stotton & Thomas Brampton , & tout ce qu'il en diroit , ou ordonneroit en seroit tenu ferme & stable par lescdites deux parties. Ne demoura gueres que dudit hostel se partit toute la belle compaignie , & le premier homme qu'ils encontrerent au dehors dudit hostel , se fut ledit Richard hoste desdites deux parties auquel par ledit Marchand , fut narré & racompté toute la maniere de ladite difference. Adonc ledit Richard après ce qu'il eut tout ouy , & qu'il eut demandé a ceux qui illec étoient presens se ainsi en étoit allé , & que lescdites parties ne s'étoient en nulle maniere voulu laissé appointer ne appaiser par tant de notables personnes, dit par la sentence diffinitive que ledit diamant lui demoureroit comme sien , & que l'une ne l'autre partie ne l'auroit. Et quant ledit Thomas Brampton vit qu'il

86 *L'ANNEAU PERDU.*

auoit perdu l'adventure dudit diamant fut bien des-
 plaissant, & fait accroire que autant étoit ledit Jehan
 Stotton qui l'auoit perdu, & lors requist ledit Tho-
 mas a tous ceulx qui étoient en la compagnie reser-
 ué leurdit hoste qu'ils voulsissent retourner en l'ho-
 stel où ils auoient desjeuné, & qu'ils leurs donne-
 roient a disner afin qu'ils fussent aduertis de la ma-
 niere & comment ledit diamant étoit uenu en ses
 mains, lesquels d'vng accord lui accordoient vou-
 lentiers, & en attendant le disner qui s'appareilloit,
 il leurs compta l'entrée & la maniere des deuises
 qu'il auoit eu avecques son hostesse femme dudit Ri-
 chard Fery, & comment & a quelle heure elle lui
 auoit mis heure pour soy trouuer avecques elle tan-
 dis que son mary seroit au guet, & le lieu où ce dia-
 mant auoit été trouué. Lors ledit Jehan Stotton
 oyant ce en fut moult esbahy, soy donnant de ce,
 grant merueilles, & en soy faignant dit que tout le
 semblant lui étoit adueni en celle propre nuit ainsi
 que cy deuant est desclairé, & qu'il tenoit & creoit
 fermement auoir laissé cheoir son diamant où ledit
 Thomas l'auoit trouué, & qu'il lui deueroit faire
 plus de mal de l'auoir perdu qu'il ne faisoit audit
 Thomas, lequel n'y perdoit aucune chose, car
 il lui auoit chier cousté. Ledit Thomas respondit
 en ceste maniere, & dit que vraiment il ne devoit
 point plaindre se leurdit hoste l'auoit jugié être sien,
 attendu que leurdit hostesse auoit eu beaucoup a
 souffrir, & aussi pource qu'il auoit eu le pucelage

L'ANNEAU PERDU. 87

de la nuitée , & ledit Thomas auoit été son paige en allant après lui. Et ces choses contenterent assez bien ledit Jehan Stotton de la perte de sondit diamant , pource que autre chose n'en pouuoit auoir , & le porta plus patiemment & legierement que s'il n'eut point sceu la verité de la matiere , & de cette aduenture tous ceulx qui étoient presens commencerent a rire & a mener grant joye , adoncques se mirent a table & disnerent,mais vous pouuez penser, que ce ne fut pas sans boire d'autant , & après qu'ils eurent disné , ils se despartirent & chascun s'en alla ou bon lui sembla & ainssi fut tout le maltalent pardonné , & la paix faite entre les parties , c'est a sçauoir entre ledit Jehan Stotton , & ledit Thomas Brampton & furent bons amis ensemble.



LXIII. NOUVELLE.

*MONTBLERU,
OU
LE LARRON.*

MONTBLERU se trouua vng jour que passa a la foire d'Anvers , en la compagnie de Monseigneur d'Estampes , lequel le deffrayoit & payoit ses depens qui est vne chose qu'il print assez bien en gré ; vng jour entre les autres d'aduenture , il rencontra maître Hymbert de la Plaine , maître Roulant Pipe , & Jehan le Tourneur qui lui firent grant chiere , & pource qu'il est plaissant & gracieux comme chacun scet , ils desirerent sa compagnie , & lui prierent de venir loger avec eulx , & qu'ils feroient la meilleure chiere de jamais. Montbleru de Prime face s'excusa sur Monseigneur d'Estampes , qui l'avoit la admené , & dit qu'il ne l'oseroit abandonner , & la raison y est bonne , dit-il , car il me deffraye de tous points , neantmoins toutefois fut content d'abandonner Monseigneur d'Estampes , en cas que entre eulx le voulsissent deffrayer , & eulx que ne desiroient que sa compagnie , accorderent legierement ce marché. Or escoutez comment il les paya , ces trois

trois bons Seigneurs demourerent a Anuers plus qu'ils ne pensoient , quant ils partirent de la Cour & soubz esperance de brief retourner, n'auoient apporté que chascun vne chemise , si deuindrent les leurs salles , ensemble leurs cœuurechiefs & petits draps , & a grant regret leur venoit de eulx trouuer en cette malaïse , car il faisoit bien chaud comme en la saison de Penthecouste. Si les baillerent a blanchir a la chamberiere de leur logis vng Samedy au soir , quant ils se coucherent , & les deuoient auoir blanches le lendemain a leur leuer , mais Montbleru les garda bien & pour venir au point , la chamberiere quant vint au matin qu'elle eut blanchy ses chemises & cœuurechiefs & les eut seichez , & bien & gentement ployées , elle fut de sa maitresse appelée pour aller a la boucherie querir la prouïson pour le dîner , elle fit ce que sa maitresse commanda , & laissa en la cuisine sur vne escabelle tout ce bagaige , esperant a son retour tout retrouver , a quoy elle faillit bien , car Montbleru quant il peut veoir du jour , il se leua de son lit , & print vne longue robe sur sa chemise , & descendit en bas pour faire cesser les cheuaux qui se combattoient ou pour aller au retrait & lui la venu , il vint veoir en la cuisine que on disoit , où il ne trouua ame , fors seulement ces chemises & ces cœuurechiefs qui ne demandoient que Marchands , Montbleru congneut tantost que s'étoit sa charge sy y mit la main , & fut en grant esmoy où il les pouroit saluer , vne fois pensoit de les bourter

dedans les chaudieres & grants pots de cuyure qui étoient en la cuisine , autrefois de les bouter dedans sa manche , brieuement il les boutta en l'étable des cheuaux bien enfardelées dedans du foing , en vng gros monceau de fiens , & cela fait il s'en vint couchier emprez Jehan le Tourneur dont il étoit party. Or vecy la chamberiere retournée de la boucherie , laquelle ne trouue pas ses chemises , qui ne fut pas bien contente de ce , & commença a demander par tout que en sçait nouuelles. Chascun a qui elle demandoit disoit qu'il n'en sçauoit riens , & Dieu sçait la vie qu'elle menoit , & vecy les seruiteurs de ces bons Seigneurs qui attendoient après leurs chemises qui n'osoient monter vers leurs maîtres , & craignoient moult , aussi faisoit l'hoste & l'hostesse & la chamberiere. Quant vint enuiron neuf heures , ces bons Seigneurs appellent leurs gens , mais nul ne vient tant craignant a dire les nouuelles de cette perte a leurs maîtres , toutefois en la fin qu'il étoit entre onze & douze , l'hoste vint & les seruiteurs , & fut dit a ses Seigneurs comment leurs chemises étoient desrobées , dont les aucuns perdirent patience , comme maître Himbert & maître Rolland , mais Jehan le Tourneur tint assez bonne maniere , & n'en faisoit que rire , & appella Montbleru que faisoit la dormeueille que sçauoit & oyoit tout , & lui dit : Montbleru vecy gens bien en point , on nous a desrobé nos chemises. Sainte Marie que dites vous , dist Montbleru , contrefaisant l'endormy , vecy bien mal

venu. Quant on eut grant piece tenu parlement de ces chemises qui étoient perduës, dont Montbleru congnoissoit bien le larron, ces bons Seigneurs commencerent a dire : Il est ja bien tard, & nous n'avons point encore oüï de messe, & si est Dimenche & toutefois nous ne pouvons bonnement aller dehors de ceans sans chemises ; qu'est-il de faire. Par ma foy, dit l'hoste, ie ne sçauroye point trouver d'autre remede sinon que je vous prête a chascun vne chemise des miennes, telles qu'elles sont, combien que elles ne sont pas pareilles aux vôtres, mais elles sont blanches, & si ne pouuez mieulx faire se me semble. Ils furent contens de ces chemises de l'hoste qui étoient courtes & étroites & de bien dure & aspre toile, & Dieu sçait qui les faisoit bon veoir. Ils furent prests Dieu mercy, mais il étoit si tard que ils ne sçauoient où ils pouroient oüir la messe. Alors dit Montbleru que tenoit trop bien maniere. Quant est pour oüir messe, je sçay bien vne Eglise en cette ville où nous ne fauldront point a tout le moins de veoir Dieu, encores il vault mieulx de le veoir que rien : dirent ces bons Seigneurs, allons allons & nous aduançons viftement, c'est trop tardé, car perdre nos chemises & ne oüir point aujourd'huy de messe, ce seroit mal sur mal, & pourtant il est temps d'aller a l'Eglise, si meshui nous voulons oüir la messe. Montbleru incontinent les mena en la grant Eglise d'Anuers où il y a vng Dieu sur vng aîne, & quant ils eurent chascun dit leurs paten-

fires & leurs deuotions. Ils dirent a Montbleru , où est ce que nous verrons Dieu. Je le vous montreray , dit-il , tout maintenant. Alors il leurs montra ce Dieu sur l'asne , & puis il leurs dit : Vela Dieu vous ne fauldrez jamais de veoir Dieu ceans a quelque heure que ce soit. Adonc ils commencerent a rire. Jasoit ce que la douleur de leurs chemises ne fut point encores appaisée , & sur ce point s'en vindrent disner , & furent depuis ne sçay quans jours a Anuers & après s'en partirent sans rauoir leurs chemises , car Montbleru les mist en lieu sur , & les vendist depuis cinq escus d'or. Or aduint comme Dieu le voulut que en la bonne sepmaine de Carefme ensuiuant le Mercredy , Montbleru se trouua au disner avec ces trois bons Seigneurs dessus nommés , & entre aultres paroles il leurs ramenteult les chemises qu'ils auoient perduës a Anuers , & dit : Helas ! le pource larron que vous desroba il fera bien damné , se son meffait ne lui est pardonné de par vous , & pardieu vous ne le voudriez pas. Ha dit maître Himbert , pardieu beau sire il ne m'en souuenoit plus , ie l'ay pieça oublié. Et au moins , dit Montbleru , vous lui pardonnez , ne faites pas ? saint Jehan ouï , dit-il , ie ne voudroye pas qu'il fut damné pour moy ; c'est bien dit , dist Montbleru , & vous maître Rolland , ne lui pardonnez vous point aussi ? A grant peine disoit-il le mot , toutefois en la fin il dit qu'il lui pardonnoit , mais pource qu'il perdoit a regret le mot plus lui coutoit a prononcer. Et vrayement , dit Mont-

bleru, vous lui pardonnez aussi maître Rolland , que auriez vous gagné de damner vng pource larron pour vne meschante chemise & vng cœuurechief, & ie lui pardonne vraiment, dit-il , lors & l'en clame quitte , puis que aultre chose n'en puis auoir , & par ma foy vous êtes bon homme. Or vint le Tourneur si lui dit ledit Montbleru. Or ça Jehan , vous ne ferez pas pis que les aultres , tout est pardonné a ce pource larron des chemises se a vous ne tient , a moy ne tiendra pas , dit-il , ie lui ay pieça pardonné , & lui en baille de rechief tout maintenant deuant vous l'absolution , on ne pouroit mieulx dire dit Montbleru , & par ma foy ie vous sçay bon gré de la quittance que vous auez faite au larron de vos chemises , & entant qu'il me touche ie vous en mercie tous , car ie suis le larron mêmes que vous desroba a Anuers , ie prens cette quittance & a mon proufit , & de rechief vous en remercie toutefois. Car ie le dois faire. Quant Montbleru eut confessé ce larcin , & qu'il eut trouvé sa quittance par le party que auez ouï , il ne fault pas demander se maître Rolland , & Jehan le Tourneur furent bien esbahis , car ils ne se fussent jamais douté , qu'il eut fait cette courtoisie , & lui fut bien reprouché ce pource larrecin voire en esbatant. Mais lui que sçait son entregent , se desarmoit gracieusement de tout ce dont charger le vouloyent , & leurs disoit bien que c'étoit sa coutume que de gagner & de prendre ce qu'il trouuoit sans garde , & spécialement a telz gens comme ils étoient.

Ces trois bons Seigneurs n'en firent que rire , mais trop bien ils lui demanderent comment il les auoit prinſes , & auſſi en quelle façon & maniere il les deſroba , car il leurs declara tout au long , & dit auſſi qu'il auoit eu de tout ce butin cinq eſcus d'or , dont ils n'eurent ne demanderent oncques aultre choſe.

LXIV. NOUVELLE.

LE CURE' RASE'.

IL eſt vray que n'agueres en vng lieu de ce pays que ie ne puis nommer & pour cauſe au fort que le ſçait ſi s'en taiſe comme ie fais , & en ce lieu la auoit vng maître Curé que faiſoit raige de bien confeſſer ſes Paroiſſiennes , & de fait il n'en eſchappoit nulles qu'ils ne paſſaſſent par la , voire des jeunes Dames , au regard des vielles il n'en tenoit compte. Quant il eut longuement maintenüe cette ſainte vie & ce vertueux exercice , & que la renommée en fut eſpandüe par toute la marche & és terres voiſines , il fut puni ainſi que vous orrez par l'induſtrie d'un ſien prochin , a qui touteſois il n'auoit point encores rien meſſet touchant ſa femme. Il étoit vng jour au diſner & faiſoit bonne chiere a l'hoſtel d'un ſien paroiſſien que ie vous ay dit , & comme ils étoient au meilleure endroit de leur diſner & qu'ils faiſoient


plus grande chiere , vecy venir leans vng homme qui s'appelle trenche c. . . . lequel se messe de tailler gens , d'arracher dents , & d'un grant tans de broüillerie & n'auoit ne sçai quoy a besongner , a l'hostel de leans. L'hoste le recueillit , & le fit seoir , & sans se faire trop prier , il se foure avec notre Curé & les aultres , & s'il estoit venu tard il mettoit paine daconsuir les aultres qui le mieulx auoient viandé. Ce maître Curé qui étoit vng grant farceur & vng fin homme commença a prendre la parole a ce trenche c. . . . & le trenche c. . . . lui respondit a propos de ce qu'il sçauoit , certaine piece après maître Curé se vire vers l'hoste & en l'oreille lui dit. Voulons nous bien tromper ce trenche c. . . , Oüi , ie vous en prie dit l'hoste , mais en quelle maniere le pourrons nous faire. Par ma foy , dit le Curé , nous le tromperons trop bien se me voulez aucunement ayder , & par ma foy ie ne demande aultre chose dit l'hoste. Je vous diray que nous ferons dit le maître Curé , ie feindray auoir grant mal en vng c. . . . , & puis ie marchanderay a lui de le me oster , & me metteray sur la table & tout en point comme pour le trenchier , & quant il viendra après il voudra voir que c'est , & ouurer de son métier , ie lui montreray le derriere , & que c'est bien dit respondit l'hoste , lequel a coup se pensa ce qu'il vouloit faire. Vous ne feistes jamais mieulx , laissez nous faire entre nous autres nous vous aiderons bien a parfaire la farce. Je le vueil , dit le Curé. Après ces

parolles , Monseigneur le Curé de plus belle raffaillit notre taille c. . . . d'vnes & d'aultres , & en la parfin lui commença a dire pardieu qu'il auoit bien métier d'vng tel homme qu'il étoit , & que veritablement il auoit vng c. . . . pourry & gaste , & voudroit qu'il lui eut cousté bonne chose , & qu'il eut trouué homme qui bien lui sceut oster , & vous deuez sçauoir qu'il le disoit si froidement que le trenche c. . . . cuidoit veritablement qu'il dit tout vray. Adoncques il lui respondit Monseigneur le Curé , ie vueil bien que vous saichiez sans nul despriser ne moy vanter de rien qu'il ny a homme en ce pays qui mieulx que moy vous sceut aider , & pour l'amour de l'hoste de ceans , ie vous ferai telle courtoisie de ma peine se vous voulez mettre entre mes mains que par droit vous en ferez & deurez être content. Et vrayment dit le maître Curé , c'est très bien dit a vous. Conclusion pour abregier , ils furent d'accord , & incontinent après fut la table ostée , & commença notre maître trenche c. . . . a faire ses preparatoires pour besongner , d'autre part le bon Curé se metoit a point pour faire la farce que ne lui tourna pas a jeu , & deuisoit a l'hoste & aux aultres qui étoient presens comment il deuoit faire , & cependant que ces apprestes se faisoient , d'un costé & d'autre l'hoste de leans vint au trenche c. . . , & lui dit , garde bien quelque chose que ce Prêtre te die quant tu le tiendras en tes mains , pour ouurer en ses c. . . . que tu lui trenches tous deux rasibus ,

&

& garde bien que tu ny failles pour chier que tu aime ton corps, & par saint Martin si feray ie dit le trencher c. . . . puis qu'il vous plaist. J'ay vng instrument qui est si prest & si bien trenchant, que ie vous feray present de ses genitoires auant qu'il ait loisir de riens me dire. Et on verra que tu feras dit l'hoste, mais se tu faulx par ma foy ie te fauldray pas. Tout fut prest & la table appointée, & Monseigneur le Curé en pourpoint qui bien contrefaisoit l'Idole & promettoit bon vin a ce trencher c. . . ., l'hoste aussi & pareillement les seruiteurs de leans deuoient tenir damp Curé qui n'auoient garde de le laisser eschapper, ne remuer en quelque maniere que ce fut. Et afin d'être plus seur, le lierent trop bien & étroit, & lui disoient que c'estoit pour mieulx & plus couuertement faire la farce, & quant il voudroit le laisseroient aller, il les crut comme fol. Or vint ce vaillant trencher c. . . . garny en sa cornette de son petit rasoir, & incontinent commença a vouloir mettre les mains aux c. . . . de Monseigneur le Curé, ah dit Monseigneur le Curé, faites adret & tout beau tistez les plus doucement que vous pourrez, & puis après je vous diray lequel ie vueil auoir osté. Et bien dit le trencher c. . . ., & lors tout soüef liée la chemise du Curé, prent les maitresses c. . . grosses & quarrées & sans plus enquerir subitement comme l'esclipse les lui trencher tous deux d'vng seul coup, & bon Curé de crier, & de faire la plus malle vie que jamais fit homme. Hola hola, dit l'hoste,

Tome II.



98 *LE CURE' RASE.*

pacience ce qui est fait est fait , laissez vous adober si vous voulez. Alors le trencher c. . . . se mit a point du surplus que en tel cas appartient , & puis part & s'en va , attendant de l'hoste il sçauoit bien quoy. Or ne fault il pas demander se Monseigneur le Curé fut bien camus de se veoir ainsi degarny de ses instrumens , & mettoit sus a l'hoste qu'il étoit cause de son meschief & de son mal , mais Dieu scait s'il s'en excusoit bien & lui disoit que si le trencher c. . . . ne se fut si tost departy & saulué qui l'eut mis en tel point que jamais n'eut fait bien après. Pensez , dit il , qu'il me deplait de votre ennuyt , & plus beaucoup encores de ce qu'il est aduenü en mon hostel. Ces nouuelles furent tost volées & semées par toute la ville & ne fault pas dire que aucunes Damoiselles n'en fussent bien marries d'auoir perdu les instrumens de Monseigneur le Curé mais aussi d'autre part les dolens maris en furent tant joyeux qu'on ne vous sçauoit dire , ne descrire la dixiesme partie de leur liesse. Ainsi que vous avez ouï fut puny maître Curé , qui tant en auoit d'autres trompées & deceus , & oncques depuis ne se osa veoir ne trouuer entre gens , mais comme reclus & plain de melencolie fina bien tost après ses dolens jours.



LXV. NOUVELLE.

L'INDISCRETION
MORTIFIÉE, ET NON PUNIE.

ET comme souuent l'en met en termes plusieurs choses dont en la fin on se repent. Aduint n'agueres que ung gentil Compaignon demourant en vng villaige assez près du Mont saint Michel , se diuisoit a vng soupper present de sa femme aucuns étrangers & plusieurs de ses voisins d'vng hostellier dudit Mont saint Michel , & disoit , affermoit & juroit sur son honneur , qu'il portoit le plus beau membre , le plus gros & le plus quarré que fut en toute la marche d'enuiron , & avec ce & que n'empiroit pas le jeu , il s'en aidoit tellement & si bien que les quatre , les cinq , les six fois ne lui coutoient non plus que son les prenoit en la cornette de son chapron. Tous ceux de la table ouirent volontiers ce bon bruit que on donnoit a cet hostellier du Mont saint Michel , & en parlerent chascun comme ils l'entendoient , mais qui y print garde ce fut la femme du racompteur de l'histoire laquelle y presta très bien l'oreille , & lui sembla bien que la femme étoit heureuse & bien fortunée qui de tel mary étoit douée , & pensa dès lors en son cueur que

selle peult trouuer honneste voye subtile , elle se trouuera quelque jour audit lieu de saint Michel , a l'hostel de l'homme a ce gros membre , se logera & ne tiendra que a lui qu'elle n'eprouue se le bruit qu'on lui donne est vray. Pour executer ce qu'elle auoit proposé mettre a fin ce qui en son couraige est deliberé , enuiron cinq ou six ou huit jours elle print congié de son mary pour aller en pelerinage au Mont saint Michel & pour miculx coulourer l'occasion de son voyage , elle , comme femmes sçeuient bien faire trouua vne bourde toute assaistée. Et son mary ne lui refusa pas le congié combien qu'il se doubta tantost de ce qui étoit. Aduant qu'elle partit son mary lui dit qu'elle fit son offrande a saint Michel , & qu'elle se logea a l'hostel dudit hostellier , & qu'elle le recommanda a lui beaucoup de fois , elle promit de tout accomplir , & de faire son messaige , ainsi qu'il lui auoit commandé & sur ce present congié s'en va , & Dieu fait beaucoup desirant soy trouuer au lieu de saint Michel , tantost qu'elle fut partie & son mary de monter a cheual & par aultre chemin que celui que sa femme tenoit , pique tant qu'il peut au Mont saint Michel , & vint descendre tout secretement auant que sa femme , a l'hostel de l'hostellier dessusdit , lequel très liément le receut , & lui fit grant chiere. Quant il fut en sa chambre , il dit a l'hostellier : Or ça mon hoite ie sçai bien que vous êtes mon amy de pieça , ie suis le vôtre , s'il vous plait , & pource ie vous vueil bien dire qui me maine

L'INDISCRETION, &c. 101

maintenant en cette ville. Il est vray que enuiron a six ou huit jours nous étions au souper en mon hostel vng grant tas de bons compaignons & vrays gaudisseurs & freres de l'ordre, & comme vous sçavez que on parle de plusieurs choses, en deuissant les vngs aux aultres ie commençay a parler & a compter comment on disoit en ce pays qu'il n'y auoit homme mieulx ostillé que vous & au surplus lui dit au plus ce qu'il se ut. Bref toutes paroles qui touchoient ce propos furent muées en jeu ainsi comme dessus est touché, or est il ainsi dit-il que ma femme entre les aultres receut très bien mes paroles, & n'a jamais arresté tant qu'elle ait trouué manière de impetrer son congié pour venir en cette ville. Et par ma foy ie me doubte fort & croy veritablement que sa principale intencion est desprouuer se elle peult se mes paroles sont vrayes que j'ay dites touchant votre gros membre, elle sera tantost ceans ie n'en doubte point, car il lui tarde de foy y trouver, si vous prie quant elle viendra que la recepuez liement & lui faites bonne chiere, & lui demandez la courtoisie & faites tant que elle le vous accorde, mais toutefois ne me trompez point, gardez bien que vous n'y touchez, prenez terme d'aller vers elle, quant elle sera couchée, ie me metteray en votre lieu, & vous orrez après bonne chose. Laissez moy faire dit l'hostellier, & ie vous promets que ie feray bien mon personnaige. Ha dea toutefois dit l'aultre, ne me faites point de desloyauté, ie sçay

bien qu'il ne tiendra point a elle que vous ne
 le fassiez. Par moy dit l'hostellier ie vous assure que
 ie n'y toucheray ja, & non fit-il, il ne demoura
 gueres que voicy venir notre gouge & sa chamberie-
 re bien lassée Dieu le sçait, & bon hôte de saillir
 aduant, & de recepuoir la compaignie comme il
 lui étoit enjoint, & qu'il lui auoit promis, Il fit
 mener Madamoiselle en vng très beau lieu, & lui fit
 de bon feu & fit apporter du meilleur vin de leans,
 & alla querir de belles cerises toutes fresches, & vint
 banquetter avecques elle en attendant le souper. Il
 commença de faire ses approches quant il vit son
 point, mais Dieu sçait comment on le jetta loing
 de prime face, en la parfin toutefois pour abregier
 marché fut fait qu'il viendrait couchier avecques
 elle enuiron la minuit tout secrettement, il s'en vint
 deuers le mary de la gouge & lui compta le cas,
 lequel a l'heure prinse entre elle & l'hostellier il s'en
 vint bouter en son lieu & besongna la nuit le mieulx
 qu'il peut, & se leua sans mot dire auant le jour &
 se vint remettre en son lit, quant le jour fut venu
 notre gouge toute melencolieuse pensue & despi-
 teuse, pource que point n'auoit trouué ce qu'elle
 cuidoit, appella sa chamberiere, & se leuerent &
 au plus hastiuement qu'elle purent s'habillerent, &
 voulurent payer leur escot, mais l'hôte dit que
 vrayement pour l'amour de son mary qu'il n'en
 prendroit riens d'elle. Et sur ce elle dit adieu & print
 congié de lui, & s'en va Madamoiselle toute sou-

roucée sans ouïr messe , ne veoir saint Michel , ne desjeusner aussi , & sans vng seul mot dire se mit a chemin , & s'en vint a sa maison , mais il faut dire que son mary y étoit arriué qui lui demanda qu'on disoit de bon a saint Michel. Elle tant marrie qu'on ne pouroit plus a peu s'elle daignoit respondre. Et quelle chiere , dit le mary , vous a fait votre hôte , par Dieu il est bon Compaignon , bon Compaignon , dit-elle , il n'y a rien d'oultraige , ie ne m'en sçauroye louer , que tout a point. Non , dame dit-il , & par saint Jehan ie pensoye que pour l'amour de moy , il vous d'eut festoier & faire bonne chiere. Il ne me chaud , dit-elle de sa chiere , ie ne vois pas en pelerinaige pour l'amour de lui ne d'aultre , ie ne pense que a ma deuocion. Dea , dit-il , par notre Dame, vous y auez failly , ie sçay trop bien pourquoy vous êtes tant refrainiée , & pourquoy vous auez le cueur tant enflé, vous n'auiez pas trouué ce que vous euidiez , il y a bien a dire vne once. Dea dea Madame j'ay bien sceu la cause de votre pelerinaige , vous cuidiez rasser & esprouuer le grant brichonard de notre hôte de saint Michel , mais par saint Jehan ie vous en ay très bien gardé , & garderay si ie puis , & afin que vous ne pensiez pas que ie vous mentisse , quant ie vous disoye qu'il l'auoit si grand , pardieu ie n'ay dit chose qui ne soit vraye , il n'est ja métier que vous en sachiez plus auant que par ouï dire , combien que s'il vous eut voulu croire , & ie n'y eusse contredit , vous auez bonne deuocion d'essayer sa puissance.

ce , regardez comment ie sçay les choses , & pour vous oster hors de suspecion sachez de vray que ie vint a minuit a l'heure que a lui auiez assignée , & ay tenu son lieu , si prenez en gré ce que j'ay peu faire , & uous passez dorenavant a ce que vous auez. Pour cette fois il vous est pardonné , mais de rechercher gardez vous en , pour tant qu'il vous touche : la Demoiselle fut toute confuse & esbahie voyant son tort evident , quant elle peut parler cria mercy , & promit de plus n'en faire , & ie tiens que non fit elle.

LXVI. NOUVELLE.

LA FEMME AU BAIN.

NAGUERES que j'estoye a saint Omer avec vng grant tas de gentils Compaignons tant de ceans comme de Boulongne & d'ailleurs. Et après le jeu de paulme nous allasmes souper en l'hostel d'vng tauernier qui est homme de bien & beaucoup joyeux , & a vne très belle femme , & en bon point dont il a eu vng très beau fils de l'aage d'environ six ans. Comme nous étions tous assis au souper , le tauernier , sa femme & leur fils d'emprés elle , auctres nous les aucuns commencerent a deuïser , les aultres a chanter , & faisoient la plus grant chiere de jamais , & notre hôte pour l'amour de

nous ne s'y faignoît pas. Or auoit été sa femme ce jour aux estuues , & son petit fils avecques elle. Si s'aduîsa nostre hôte pour faire rire la compaignie , de demander a son fils de l'état & gouuernement de celles qui étoient aux estuues avec sa mere. Si vâ dire vien ça notre fils dy moy par ta foy laquelle de toutes celles qui étoient aux estuues auoient le plus beau c . . & le plus gros , l'enfant qui se ouyoit questionner deuant sa mere qu'il craignoît comme enfans ont de coutume , regardoit vers elle & ne disoit mot , & le pere qui ne l'auoit pas aprins de veoir si muet , lui dit de rechief : Or me dy mon fils , qui auoit le plus gros c . . dy hardiment Je ne sçay mon pere dit l'enfant , toujours virant le regard vers sa mere , & pardieu tu as menty , se dit son pere , or le me dy ie le vueille sçauoir , ie n'oseroye dit l'enfant pour ma mere car elle me batteroit , non fera dit le pere , tu n'as garde ie t'assure , & notre hostesse sa mere non pensant que son fils d'eut tout dire ce qu'il fit , lui dit : Dy hardiment ce que ton pere te demande , vous me batteriez , dit-il , non , feray dit elle , & le pere qui vit son fils auoir congié de souldre sa quest on , lui demanda de rechief : Or ça mon fils , par ta foy as tu regardé les c . . . des femmes qui étoient aux estuues ; saint Jehan ouï mon pere , & y en auoit-il largement , dy ne mens point. Je n'en veis oncques tant , ce sembloit vne droite garenne de c . . . Or ça dit nous maintenant qui auoit le plus gros : Vrayment ce dit l'enfant , ma

106 *LA FEMME AU BAIN.*

mere auoit le plus beau & le plus gros , mais il auoit si grant nez , si grant nez , dit le pere , va va tu es bon enfant & nous commençames tous a rire , & a boire d'autant , & a parler de cet enfant qui quaquetoit si bien , mais la mere ne sçauoit pas sa contenance tant étoit honteuse , pource que son fils auoit parlé du nez , & croy bien qu'il en fut depuis trop bien torché , car il auoit encusé le secret de l'école. Notre hôte fit du bon Compaignon , mais il se repentit assez depuis d'auoir fait la question dont l'absolution le feist rougir , & puis c'est tout.

LXVII. NOUVELLE.

LA DAME A TROIS MARIS.

MAINTENANT a trois ou enuiron , que vne assez bonne aduventure aduint a vng Chaperon fourré du Parlement de Paris , & afin qu'il en soit memoire , j'en fourniray cétte dite nouuelle , non pas toutefois que ie vueille dire que tous les Chaperons fourrés ne soient bons & veritables , mais pource qu'il y eut non pas vng peu de desloyaulté au fait de cestuy ci mais largement , qui est chose bien étrange & non accoutumée , comme chascun sçait. Or pour venir au fait , ce Chaperon fourré en lieu de dire ce Seigneur de Parlement , deuint amoureux a Paris de la femme d'vng Cordonnier qui étoit belle & bien

enlangagée a l'aduenant & selon le terrouer, ce maître Chaperon fourré fit tant par moyens d'argent & aultrement qu'il parla a la belle Cordonniere desous sa robbe a part, & s'il en auoit été bien amoureux auant la jouissance, encore l'en fut-il trop plus depuis, dont elle le perceuoit & donnoit trop bien garde, dont elle s'en tenoit plus fiere, & si se faisoit achepter. Lui étant en cette raige pour mandement, priere, promesse, don ne requeste qu'il sceut faire, elle se pensa de plus comparoit afin de lui encores rengreger & plus accroistre sa maladie, & uecy notre Chaperon fourré, qui enuoit ses ambassades deuers sa Dame la Cordonniere, mais c'est pour neant, elle n'y viendrait pour mourir. Finablement pour abregier afin qu'elle voulsist venir lui comme autrefois lui promit en la presence de trois ou de quatre qui étoient de son conseil quant a telles besongnes, qu'il la prendroit a femme se son mary le Cordonnier terminoit vie par mort. Quant elle eut ouï cette promesse, elle se laissa ferrer, & vint comme elle saoulloit au couchier au leuer & aux autres heures qu'elle pouuoit eschaper deuers le Chaperon fourré, que n'étoit pas mains ferru que l'autre jadis d'amours, & elle sentant son mary desja viel & ancien, & ayant la promesse desusdite se reputoit desja comme sa femme, peu de temps après la mort de ce Cordonnier très desirée fut sceüe & publiée, & bonne Cordonniere se vint honorer de plain sault en la maison du Chaperon

fourré que joyeusement la receut , promet aussi de rechief qu'il la prendroit a femme. Or sont maintenant ensemble sans contredit ces deux bonnes gens , le Chaperon fourré & Madame la Cordonniere , mais comme souuent aduient chose qui a danger est plus chere tenuë que celle dont on a le bandon ainsi aduint-il ici. Car notre Chaperon fourré commença a soy ennuyer , & laisser la Cordonniere , & de l'amour d'elle refroidir , & elle le pressoit tousjours de paracomplir le mariage dont il auoit fait la promesse , mais il lui dit : Ma mye , par ma foy ie ne me puis jamais marier , car ie fais homme d'Eglise , & tiens benefices comme vous sçauetz , la promesse que ie vous fis jadis est nulle , & ce que j'en fis lors étoit pour le grant amour que je vous portois , esperant aussi par ce moyen plus legierement vous retraire , elle cuidant qu'il fut lié a l'Eglise , & soy voyant aussi bien maitresse de leans , que selle fut sa femme espousée ne parla plus de ce mariage , & alla son chemin accoutumé , mais notre Chaperon fourré fit tant par belles paroles , & plusieurs remontrances , qu'elle fut contente de soy partir de lui , & espouser vng barbier auquel il donna trois cens escus d'or comptant. Et Dieu sçait s'elle partit bien baguée , or deuez vous sçauoir que notre Chaperon fourré ne fit pas legierement cette departie ni ce mariage , & n'en fut point venu a bout , si n'eut été qu'il disoit a sa Dame , qu'il vouloit doresnauant seruir Dieu , & viure de ses benefices , & soy du tout rendre a l'E-

glise. Or fit-il tout le contraire , quant il se vit defarmé d'elle , & elle alliée au Barbier , il fit secrettement traiter environ vng an après pour la auoir en mariage , la fille d'vng notable bourgeois de Paris , & fut la chose faite & passée , & jour assigné pour les nopces , disposa aussi de ces benefices qui n'étoient que a simple tonture. Ces choses sceuës parmy Paris , & venuës a la congnoissance de la Cordonniere , créés qu'elle fut bien esbahie , voire dit-elle , le vray traître , m'a t'il ainsi decue , il m'a laissée soubz vmbre de aller seruir Dieu , & m'a baillée a vng aultre , & par notre Dame la chose ne demourera ainsi ; non fit elle , car elle fit comparoir notre Chaperon fourré deuant l'Evêque , & illec son Procureur , remontra bien gentement sa cause , disant comment le Chaperon fourré auoit promis a la Cordonniere en la presence de plusieurs que se son mary mourroit qu'il la prendroit a femme. Son mary mort il la tousjours tenue jusques environ a vng an que la baillée a vng Barbier , & pour abregier les tesmoins , & la chose bien debattue l'Evêque anichilla le mariage de la Cordonniere au Barbier , & enjoignit au Chaperon fourré que la print comme sa femme , car elle estoit sienne accause de la compaignie charnelle qu'il auoit eu a elle. Et s'il étoit mal content de rauoir sa Cordonniere , le Barbier étoit bien autant ioyeux d'en être despeché , en la façon que auez ouï , c'est puis naguères gouuerné l'vng des Chaperons fourrés du Parlement de Paris.

LXVIII. NOUVELLE.

LA GARCE DEPOUILLE'E.

C E n'est pas chose peu accoutumée , ne de nouveau mise , sus que femmes ont fait leurs maris jaloux , voire pardieu ceux. Si aduint naguères a ce propos en la ville d'Anvers , que vne femme mariée qui n'étoit pas des plus seures du monde , fut requise d'vng gentil Compaignon de faire la chose que sçavez , & elle courtoise , & telle qu'elle étoit ne refusa pas le seruice qu'on lui presentoit , mais debonnairement se laissa ferrer , & maintint cette vie assez longuement , & en la parfin comme fortune qui ennemie & desplaisante , étoit de leur bonne cheuance , fit tant que le mary trouua la brigade en present meffait , dont en y eut de bien esbahis , ne sçay toutefois lequel étoit le plus de l'amant , de l'amyé ou du mary , neantmoins , l'amant a l'aide d'vne bonne espée se faulua sans nul mal auoir ; or demourerent le mary & la femme , de quoy leurs propos furent , il se peut assez penser ; après toutefois aucunes paroles dites d'vng costé & d'autre , le mary pensant en soy même puis qu'elle auoit commencé a faire la folie que fort seroit de l'en retirer , & quant plus elle n'en feroit si étoit tel cas , il étoit ja venu a congnoissance du monde , de quoy il en étoit

notté, & quasi deshonoré, considéra aussi de la battre ou injurier de paroles, que c'étoit peine perdue, si s'advisa après a chief qu'il la chasseroit paître hors d'auecque lui, & ne fera jamais d'elle, ordoyée sa maison, sy dit a sa femme, or ça ie voy bien que vous ne me êtes pas telle que vous d'eussiez être, par raison toutefois esperant que jamais ne vous aduiendra, de ce qui est fait n'en soit plus parlé, mais diuisions d'vng aultre, j'ay vne affaire qui me touche beaucoup, a vous aussi, si nous fault engager tous nos joyaulx, & si vous auez quelque minot d'argent a part, il le faut mettre auant, car le cas le requert, par ma foy dit la gouge, ie le feray de bon cueur, mais que me pardonnés votre maltalent, n'en parlé, dit-il, non plus que moy, elle cuidant être absoluë, & auoir remission de ses pechés, pour complaire a son mary après la noise dessusdite, bailla ce qu'elle auoit d'argent, ses verges, ses tissus, certaines bourses estoffées bien richement, vng grant tas de couurechiefs bien fins plusieurs pennes entières & de bonne valeur. Brief tout ce qu'elle auoit, & que son mary voulut demander, elle le bailla pour en faire son bon plaisir : en dea dit-il, encores n'en ay-ie pas assez. Quant il eut tout jusqu'a la robbe, & la cotte simple qu'elle auoit sur elle. Il me faut auoir cette robbe, dit-il, voire dit-elle, & ie n'ay aultre chose a vestir, voulez vous que ie voisse toute nuë, force dit-il, que la me baillez, & la cotte simple aussi, & vous aduancez, car soit par amour ou

par force il la me fault auoir , elle voyant que la force n'étoit pas sienne, despoüilla sa robbe & sa cotte, & n'auoit que sa chemise , tenez , dit-elle , fais-je bien ce qu'il vous plaît , vous ne l'avez pas toujours fait , dit-il , si a cette heure vous me obeissez Dieu sçait si c'est de bon cueur , mais laissons cela & parlons d'vng aultre. Quant ie vous prins en mariage a la mal heure , vous n'aportastes gueres avecques vous , & encores le tant peu que ce fut si l'avez vous forfait & confisqué , il n'est ja mestier que l'on vous die votre gouuernement , vous sçavez mieulx qu'elle vous êtes que nulle aultre , & pour telle que vous êtes a cette heure , je vous baille le grant congié , & vous dy le grant adieu ; vela l'huis , prenez ce chemin se vous faites que saige , & ne vous trouuez jamais deuant moy. La pource gouge plus esbahie que jamais , n'osa plus demourer après cette horrible leçon , ainsi se partit & s'en vint rendre ce croy je a l'hostel de son amy par amours pour cette premiere nuit , & fit mettre sus beaucoup d'ambassadeurs pour auoir ces bagues & ces habillemens de corps , mais ce fut pour neant , car son mary obstiné & endurcy en son propos , n'en voulut oncques ouïr parler , & encores moins de la reprendre si en fut beaucoup presse tant des amis de son côté , comme de ceux de la femme , toutefois elle fut contrainte de gagner des aultres habillemens , & en lieu de mary vser des amis , attendant le rapaisement de sondit mary , que a l'heure de ce compte étoit encores mal

mal content, & ne la vouloit veoir pour riens que fut.

LXIX. NOUVELLE.

L'HONNESTE FEMME.

A DEUX MARIS.

IL n'est pas seulement congneu de ceulx de la ville de Gand, où ce cas que je vous ay à descrire, est n'a pas long temps aduenu, mais de la plupart de ceulx du pays de Flandres, & de plusieurs aultres, qui a la bataille qui fut entre le Roy d'Hongrie & le Duc Jehan, lequel Dieu absotue d'une part, & le Grand Turc en son pays de Turquie d'autre, ou plusieurs notables Cheualiers & Escuyers François, Flamans, Allemans & Picards furent prisonniers es mains du Turc, les aulcuns furent morts & persécutés present ledit Turc, les aultres furent enchargez a perpetuité. Les aultres condamnez a faire office de clerc d'esclaues, du nombre desquels fut vng gentil Cheualier dudit pays de Flandres nommé Messire Clays Etenchone; & par plusieurs fois exerça ledit office d'esclaue qui ne lui étoit pas petit labeur, mais martire intolerable, attendu les delices où il auoit été nourry & le lieu dont il étoit party. Or deuez vous sçauoir qu'il étoit marié par deça a

Tome II.

K

114 L'HONNESTE FEMME

Gand, & auoit espousé vne très belle & bonne Dame, qui de tout son cueur l'aimoit, & le tenoit cher, laquelle prioit Dieu journellement que brief le peust reueoir par deça se encores il étoit vis, que s'il étoit mort que par la grace lui voullist ses pechés pardonner & le mettre au nombre des glorieux martyres, qui pour le rebouttement des Infidels, & l'exaltation de la sainte foy Catholique, se sont volontairement offerts & abandonnés a mort corporelle. Cette bonne Dame, qui riche, belle & bien jeune étoit & bonne, étoit de grands amis continuellement pressée & assaillie de ses amis qu'elle se voullist remarier, les quels disoient & affermoient que son mary étoit mort, & que s'il fut vis qu'il fut retourné comme les aultres, s'il fut aussi prisonnier, on eut eu nouuelle de faire sa finance & rançon. Quelque chose qu'on die a cette bonne Dame, ni raison qu'on lui sceut amener ne dire d'apparence en celui fait, elle ne uouloit condescendre en cestuy mariage, & au mieulx qu'elle scauoit s'en excusoit, mais que lui valut cette excusance, certes pou ou riens, car elle fut tant menée de ses parens & amis, que elle fut contente d'obeir, mais Dieu sçait, que ce ne fut pas a peu de regret, & étoient enuiron neuf ans passez qu'elle étoit priuée de la presence de son bon & leal Seigneur, lequel elle reputoit pieça mort, & aussi faisoient la pluspart, & presque tous ceulx qui le congnoissoient. Mais Dieu qui ses seruiteurs & champions preserve & garde, l'auoit autrement

disposé, car encores viuoit & faisoit son ennuyeux office d'esclau. Pour rentrer en matiere, cette bonne Dame fut mariée a vng aultre Cheualier, & fut enuiron demy an en sa compaignie, sans ouïr aultres nouuelles de son bon mary que les precedentes, c'est a sçauoir qu'il estoit mort. D'auanture comme Dieu le voulut, ce bon & leal Cheualier Messire Clays étant encores en Turquie, a l'heure que Madame sa femme s'est ailleurs alliée, en faisant le beau mestier d'esclau, fit tant par le moyen d'aulcuns chretiens gentilshommes, & aultres qui arriuerent au pays qu'il fut deliuré, & se niit en leur galée, & retourna par deça, & comme il étoit sur son retour, il rencontra & trouua en passant pays plusieurs de sa congnoissance, qui très joyeux furent de sa deliurance, car a la verité il étoit très vaillant homme bien renommé & très vertueux, & tant se espendit ce très joyeux bruit de sa desirée deliurance qu'il paruint en France au pays d'Artois en Picardie, où ses vertus n'étoient pas moins congnues que en Flandres, d'où il étoit natif, & après ce, ne tarda gueres que ces nouuelles vindrent en Flandres jusques aux oreilles de sa très belle & bonne Dame, qui fut bien esbahie, & de tous ses sens tant alterée & surprinse qu'elle ne sçauoit sa contenance. Ha ! dit elle, après certaine piece quant elle peut parler, mon cueur ne fut oncques d'accord de faire ce que mes parens & amis m'ont a force contrainte de faire, hélas que dira mon très loyal Sei-

gneur & mary , auquel ie n'ay pas gardé loyauté comme je d'eusse , mais comme femme legiere , fresse & muable de couraige , ay baillé part & porcion a autrui de ce dont il étoit , & debuoit être Seigneur & Maître. Je ne suis pas celle que doye ne ose attendre sa presence , ie ne suis pas aussi digne qu'il me vueil ou doye regarder , ne jamais veoir en sa compagnie , & ces paroles dites , accompagnées de grosses larmes , son très honneste très vertueux cueur s'esuanoüit , & cheut a terre pasmée , elle fut prinse & portée sur vng lit , & lui reuint le cueur , mais depuis ne fut en sa puissance de homme , ne de femme de la faire menger ne dormir , aincoys fut trois jours continuels tousjours plorant en la plus grant tristesse de cueur de jamais. Pendant lequel temps elle se confessa & ordonna comme bonne Chretienne , criant mercy a tout le monde , spécialement a Monseigneur son mary. Et après elle mourut , dont se fut grant dommaige , & n'est point a dire le grant desplaisir qu'en print mondit Seigneur son mary , quant il sceut la nouvelle & accause de son deüil fut en grant dangier de suy par semblable accident sa très loyale espouse , mais Dieu qui l'auoit saulué d'aultres grans perils le preserua de ce dangier.



LXX. NOUVELLE.

LA CORNE DU DIABLE.

VN gentil Cheualier d'Allemaigne , grant voya-
gier & aux armes preux & courtois , & de tou-
tes bonnes vertus largement doué , au retourné
d'vng loingtain voyage étant en vng sien Chateau ,
fut requis d'vng bourgeois son subget demourant en
sa ville même d'être parrain & tenir sur sons son en-
fant , dequoi la mere étoit déliurée droit a la venuë
du retour dudit Cheualier , laquelle requête fut au-
dit bourgeois liberalement accordée , & jasoit ce que
ledit Cheualier eut en sa vie tenus plusieurs enfans
sur sons , si n'auoit-il jamais donné son entente aux
saintes paroles que le Prêtre profere au mystere de
ce saint & digne Sacrement comme il feist a cette
heure , & lui sembloit comme elles sont a la verité
pleines de beaulx & diuins mysteres. Ce baptisme
acheué comme il étoit liberal & courtois afin d'être
veu de ces hommes , il demoura au disner a la ville
sans monter au Chasteau , & lui tindrent compaignie
le Curé son Compere & aucuns aultres des plus
gens de bien , deuises monterent en jeu d'vnes &
d'aultres matieres , tant que Monseigneur commen-
ça a louer beaucoup le digne Sacrement de baptes-
me , & dit haült & cler oyant tout se ie scauoye ve-

ritablement que a mon baptisme eussent été prononcées les dignes & saintes paroles que j'ay oüyes a cette heure au baptisme de mon nouveau filleul, ie ne craindroye en rien le diable qu'il eut sur moy puissance ni autorité, sinon seulement de moy tanter, & me passeroye de faire le signe de la croix, non pas afin que bien vous m'entendez, que ie ne sache très bien que ce signe est suffisant a rebouter le diable, mais ma foy est elle que les paroles dites au baptisme d'vng chascun chrestien, se elles sont telles comme aujourd'hui j'ay oüyes, sont vailables a rebouter tous les diables d'enfer, s'il y auoit encores autant. Et en verité respondit lors le Curé, Monseigneur ie vous assure *in verbo sacerdotis* que les mesmes parolles que ont été aujourd'hui dites & celebrées au baptisme de votre filleul furent dites & celebrées a votre baptisement, ie le sçay bien, car moy même vous baptisé & en ay aussi fresche memoire comme si eut été hyer, Dieu fasse mercy a Monseigneur votre pere, il me demanda le lendemain de votre baptisme, qu'il me sembloit de son nouveau filz, telz & telz furent vos parainz, & telz & telz y étoient, il raconta toute la maniere du baptisme & le fit bien certain que mot auant ne mot arriere ny eut plus en son baptisement que a celui de son filleul, & puis que ainsi est, dit alors le Cheualier, ie promets a Dieu mon Createur tant honorer de ferme foy le sacrement de baptisme que jamais pour quelque peril, ou ennuy que le diable me fasse ie ne fe-

ray le signe de la croix , mais par la seule memoire du mystere du sacrement de baptesme ie l'en chassero-
ray arriere de moy , tant ay ferme esperance en ce diuin mystere , & ne me semblera jamais que le diable puisse nuire a homme armé de tel escu , car il est tel & si ferme que seul y vault sans aultre ayde , voire accompaignié de vraye foy. Ce disner passa & ne
scay quans ans après ce bon Cheualier se trouua en vne ville en Allemagne pour aulcunes affaires qu'il y tirerent , & fut logié en l'hostellerie. Comme il étoit vng soir avec ses gens après souper , deuissant & esbattant avec eulx , fin le prist d'aller au retrait & pource que les gens s'esbattoient , il n'en voulut nulz oster de l'esbat. Si print vne chandelle & tout seul s'en va au retrait. Comme il entra dedens il vit deuant lui grant monstre horrible & terrible ayant grandes & longues cornes , les yeux plus allumés que flambes de fournaise , les bras gros & longs , les grifs aguz & tranchans , brief c'étoit vng très espou-
uentable monstre & vng diable comme ie croy & pour tel le tenoit le bon Cheualier , lequel de prime face fut assez esbahy d'auoir ne rencontre , neantmoins routefois print cueur hardyement , & vouloit de soy deffendre s'il étoit assailly , & lui souuint du veu qu'il auoit fait , & du saint & diuin mystere du sacrement de baptesme. Et en cette foy marche vers ce monstre que ie appelle diable , & lui demanda que il étoit , & qu'il demandoit. Ce diable le com-
mença a accoupler , & le bon Cheualier de soy deff-

fendre , qui n'auoit toutefois pour toutes armeures que ses mains , car il étoit en pourpoint comme pour aller coucher , & son escu de ferme foy ou mystere de baptesme. La lute dura longuement , & fut ce bon Cheualier tant las que merueilles , de soutenir ce dur assault , mais il étoit tant fort armé de son escu de foy , que peu lui nuisoient les faits de son ennemy. En la parfin après que cette bataille eut bien duré vne heure le bon Cheualier se print aux cornes du diable , & lui en arracha vne , dont il le baccula trop bien & maulgré lui comme victorieulx se departit du lieu , & le laissa comme recreu , & vint trouuer ses gens qui se esbattoient comme ils faisoient auant son partement qui furent bien effrées de voir leur maître en ce point eschauffé qui auoit tout le visage esgratiné , le pourpoint , chemises & chausses tout derompus & dechirés & comme tout hors d'alaine. Ha Monseigneur , dirent-ils , dont venez vous , & qui vous a ainsi habillé. Qui , dit-il , ça été le diable a que ie me suis tant combattu que j'en suis tout hors d'alaine & en tel point que me vées , & vous assurer par ma foy que ie tiens veritablement qu'il m'eut étranglé & deuoré , sa a cette heure , ne me fut souuenu du baptesme , & du grant mistere de ce vertueux sacrement , & de mon veu que ie fis adonques , & créés que ie ne l'ay pas faulcé , car quelque dangier que j'aye oncques ny fis le signe de la croix , mais comme souuent du saint sacrement dessusdit me suis hardiment deffendu , & franchement

franchement eschappé, dont ie louë & mercie notre seigneur Jesus-Christ que par ce bon escu de sainte foy ma si haultement preserué, viennent tous les autres qui en enfer sont, tant que cette enseigné demeure ie ne les crains, viue viue notre benoist Dieu qui ses Cheualiers de telz armes fait adouber. Les gens de ce bon seigneur oyant leur maître ce cas raccompter furent bien joyeux de le voir en bon point. Mais esbahis de la corne qu'il leurs monstroït qu'il auoit esrachée de la teste du diable & ne sçauoient jnger non fit oncques personne que, depuis la vit de quoy elle étoit se c'étoit os ou corne, comme autres cornes sont ou que c'étoit. Alors vng des gens de ce Cheualier dit qu'il vouloit aller voir si ce diable étoit encore où son maître l'auoit laissé, & s'il le trouuoit il se combattroit a lui & lui arracheroit de la teste l'autre corne. Son maître lui dit qu'il n'y allast point, il dit que si feroit. N'en fais rien, dit son maître, car le peril est trop grant. Ne m'en chaud, dit l'autre, ie y vueil aller, se tu me crois, dit son maître, tu n'yras pas, quoy qu'il fut il y voulu aller, & desobeir a son seigneur. Il print en sa main vne troche & vne grande hache, & vint au lieu où son maître s'étoit combattu, quelle chose il y fit on n'en scet rien, mais son maître qui de lui se doubtoit, ne le seut si tost fuir, qu'il ne le trouua pas, ne pareillement le diable aussi, & n'ouït oncques plus nouuelles de son homme. En la façon que auez oïy se combattit ce bon Cheualier au diable, &

Tome II.

L

le surmonta par la vertu du saint sacrement de
baptême.

LXXI. NOUVELLE.

LE CORNARD
DEBONNAIRE.

A SAINT Omer n'a pas long-temps aduint vne assez bonne hystoire qui n'est pas moins vraie que l'Evangile comme il a été & est congnue de plusieurs notables gens dignes de foy & de croire, & fut le cas tel pour le brief faire, vng gentil Chevalier des marches de Picardie pour lors bruyant & frisque de grant autorité & de grant lieu, se vint logier en vne hostellerie qui par le fourrier de Monseigneur le Duc Phelippe de Bourgogne son maître lui auoit été deliurée, tantost qu'il eut mis le pié a terre, & qu'il fut descendu de son cheual ainsi comme il est de coutume auxdictes marches. Son hostesse lui vint au deuant & très gracieusement comme elle étoit accoutumée & bien aprinse de ce faire aussi le recut moult honorablement, & lui qui étoit des courtois le plus honorable & le plus gracieux, l'accola & la baïsa doucement, car elle étoit belle & gente & en bon point, & mise sur le bon bout appellant sans mot dire trop bien son marchant a ce

haïssier & accollement , & de prin fault n'y eut celui des deux qui ne pleut bien a son Compaignon , si pensa le Cheualier par quel train & moyen il parviendroit a la jouissance de son hostesse , & s'en descouvrit a vng sien seruiteur , lequel en peu d'heure batist tellement les besongnes qu'ils se trouuerent ensemble. Quant ce gentil Cheualier vit son hostesse prête d'ouïr & d'entendre ce qu'il vouldroit dire , pensez qu'il fut joyeux oultre mesure , & de grant haste & ardent desir qu'il eut d'entamer la matiere qu'il vouloit ouurir , il oublia de ferrer l'huis de la chambre , & son seruiteur au partir qu'il fit de leur assemlément , laissa l'huis entreouvert. Alors ledit Cheualier commença sa harangue bonne alleure sans regarder a aultre chose & l'hostesse qui ne l'escoutoit pas a regret si lui respondit au propos , tant qu'ils étoient si bien d'accord que oncques musiques ne fut pour eulx plus douce ne instrumens ne pourroient mieulx être accordés que eulx deulx la mercy Dieu étoient. Or aduint ne sçai par quelle aduerture , ou se l'hoste de leans mary de l'hostesse queroit sa femme pour aulcune chose lui dire en passant d'adventure pardeuant la chambre où sa femme avec le Cheualier jouïoient ensemble des cymbales. Il en ouït le son si se tira vers le lieu , où ce beau deduit se faisoit & au heurter a l'huis qu'il fit trouua l'atellée du Cheualier & de sa femme dont il fut de eulx trois le plus esbahy de trop , & en reculant subitement , doubtant l'empescher & destourber de la-

dite œuvre qu'ils faisoient, leurs dit pour toutes menaces & tançons & par la mort bieu vous êtes bien meschans gens, & a votre fait mal regardans, qui n'auez eu en vous tant de sens quant vous voulez faire telz choses que de ferrer & tirer l'huis après vous. Or pensez que ce eut été se vng aultre que moy vous y eut trouué, & pardieu vous étiez gastés & perdus, & eut été votre fait descelé, & tantost sceu par toute la ville, faites aultrement vne autrefois de par le diable, & sans plus dire, tire l'huis & s'en va, & bonnes gens de raccorder leurs musettes, & parfaire la note encommencée, & quant ce fut fait, chascun s'en alla en sa chascune sans faire semblant de riens, & n'eut été comme j'espere leurs cas jamais découuert, ou au moins si publicq de venir a vos oreilles ne tant d'autres gens ce n'eut été le mary qui ne se douloit pas tant, de ce que l'on l'auoit fait coux, que de l'huis qu'il trouua deserré.



LXXII. NOUVELLE.

LA NECESSITE'
EST INGENIEUSE.

A PROPOS de la nouvelle précédente, és marches de Picardie auoit nagueres vng gentil homme , lequel étoit tant amoureux de la femme d'vng Cheualier son prochain voisin , qu'il n'auoit ne jour ne heure de repos , se il n'étoit auprès d'elle , & elle pareillement l'aimoit tant qu'on ne pouroit dire ne penser qui n'étoit pas peu de chose , mais la douleur étoit qu'ils ne sçauoient trouuer façon ne maniere d'être a part & en lieu secret pour a loisir dire & déclarer ce qu'ils auoient sur le cueur , au fort après tant de males nuits & jours douloureux , amours que a ses loyaux seruiteurs ayde & secoure quant bien lui plait leur apresta vng jour très desiré auquel le douloureux mary plus jaloux que nul homme viuant , fut contraint d'abandonner le menage , & aller aux affaires que tant lui touchoit que sans y être en personne il perdoit vne grosse somme de deniers , & par sa présence il la pouoit conquerir ce qu'il fit , en laquelle gaignant il conquist bien meilleur butin comme d'être nommé eux , avec le nom de jaloux qu'il auoit auparauant , car il ne fut pas

L iij

fitost failly de l'hostel que le gentilhomme qui ne glatissoit après aultre beste , & sans faire long sejour incontinent executa ce pourquoy il venoit & print de sa Dame tout ce que vng seruiteur en ose ou peu demander si plaissamment & a son bon loisir que on ne pouroit mieulx souhaïter , & ne se donnerent de garde que la nuit les surprint dont ne se donnerent du mal temps , esperans la nuit paracheuer ce que le jour très joyeux & pour eux trop court auoient encommencé pensant a la verité que ce diable de mary ne deust point retourner en sa maison jusques a lendemain au disner voire au plus tard , mais autrement en alla car les diables le rapporterent a l'hostel , ne sçay en quelle maniere , & aussi ne chault de sçauoir comment il sceut tant abreger de ses besongnes , assez souffrit de dire qu'il reuint le soir dont la beste compaignie , c'est a sçauoir de nos deux amoureux fut bien esbahie , pource qu'ils furent si hastiuelement surprins , car en nulle maniere ne se doubtoient de ce dolent retourner. Aussi jamais n'eussent euidé que si soudainement & si legierement il eut fait & accompli son voyage. Toutefois notre pource gentilhomme ne sceut aultre chose que faire ne ou se mucer , smon que de soy boutter dans le retrait de la chambre , esperant de saillir par quelque voye que sa Dame trouueroit auant que le Cheualier y eut mis le pié dont il vint tout autrement. Car nostre Cheualier qui ce jour auoit cheuauché seize ou dix-huit grosses lieues , étoit tant las qu'il ne pouoit

les rains tourner & voulut souper en sa chambre où il s'étoit deshouffé, & si voulut tenir sans aller en la salle. Pensez que ce pource gentilhomme rendoit bien gaige du bon temps qu'il auoit eu ce jour, car il mouroit de faim, de froit & de pœur, encorés pour plus engreiger son mal, vne toux le va prendre si grande & si horrible que merueille, & ne se failloit gueres que chascun coup qu'il touffoit qui ne fut ouï de la chambre où étoit l'assemblée du Cheualier, de la Dame & des aultres Cheualiers de leans. La Dame que auoit l'œil & l'oreille tousiours a son amy, l'entrouit d'aduenture dont elle eut grant freur au cueur, doubtant que son mary ne l'ouïst aussi. Si trouue maniere tantost après souper de soy boutter seulette en ce retrait, & dit a son amy pour Dieu qu'il se garda ainsi de touffer. Helas ! dit-il, Madame, ie ne puis pas, mais Dieu sçait comment ie suis pugny, & pour Dieu pensez moy tirer d'ici. Si feray ie, dit-elle, & a tant se part & bon Escuyer de recommencer sa chançon, voire si très hault que l'on peut bien ouir de la chambre se n'eut été les deuises que la Dame faisoit mettre en termes. Quant ce bon Escuyer se vit en ce point assailly de la toux il ne sceut aultre remede, afin de non être ouï que de boutter sa teste au trou du retrait où il fut bien ensencé Dieu le sçait, de la confiture de leans, mais encores aimoit-il ce mieulx que être ouï. Pour abregier il fut long temps la tête a ce retrait, crachant, touffant & mouchant, tant il sembloit que jamais

ne d'eust faire aultre chose , neantmoins après ce bon coup , sa toux le laissa & se cuidoit tirer hors , mais n'étoit pas en sa puissance de ce retirer , tant étoit auant & fort boutté leans , pensez qu'il étoit bien a son aise , brief il ne sçauoit trouuer façon de saillir quelque peine qu'il y nait , auoit tout le col escorché & les oreilles arrachées , en la parfain comme Dieu le voulut , il se força tant qu'il arracha l'ais percé du retrait , & le rapporta a son col , mais en sa puissance ne eut été de l'en oster , & quoy qu'il lui fut ennuyeux si aimoit il mieulx être ainsi que comme il étoit pardeuant. Sa Dame le vint trouuer en ce point dont elle fut bien esbahie , & ne lui sceut secourir : mais lui dit pour tous potages qu'elle ne sçauoit trouuer façon du monde le traire de leans , est ce cela , dit-il , par la mort bieu ie suis assez armé pour combattre vng aultre , mais que j'aye vne épée en ma main , dont il fut tantost saisi d'une bonne , sa Dame le voyant en tel point , quoy qu'elle eut grant doubte ne se sçauoit tenir de rire , ne l'Escuyer aussi. Or ça a Dieu me commend , dit-il alors , ie m'en vois essayer comment ie passeray par ceans , mais premier brouillés moy le visage bien noir , si fit elle , & le commanda a Dieu , & bon Compaignon a tout l'ays du retrait a son col , l'épée nuë a sa main , sa face plus noire que charbon , commença a saillir de la chambre , & de bonne encontre le premier qu'il trouua , ce fut le dolent mary que eut de le veoir si grant paour cuidant que ce fut le diable qu'il

se laissa tomber du hault de lui a terre que a peu qu'il ne se rompit le col , & fut longuement pasmé sa femme le voyant en ce point saillit auant , montrant plus de semblant deffray qu'elle ne sentoît beaucoup , & le print au bras en lui demandant qu'il auoit , puis après qu'il fut reuenu , dit a voix cassée & bien piteuse , & n'avez vous point veu ce diable que j'ay encontré , certe si ait dit-elle a peu que ie n'en suis morte de la frayeur que j'ay eu de le veoir , & dont peut il venir ceans , dit-il , ne que le nous a enuoyé , je ne seray de cet an , ne de l'autre rassuré tant ait été espouuenté. Ne moy pardieu dit la deuote Dame , créés que c'est signifiante de aucune chose , Dieu nous vueil garder & deffendre de toute maladventure le cueur ne me gyst pas bien de cette vision , alors tous ceux de l'hostel dirent chacun sa ratelée de ce diable a l'épee cuydant que la chose fut vraye , mais la bonne Dame sçauoit bien la trainée qui fut bien joyeuse de les veoir tous en cette opinion , & depuis continua le diable dessusdit le metier que chacun fait si volentiers au deceu du mary & de tous les autres , fors vne chamberiere secrette.



LXXIII. NOUVELLE.

L' O Y S E A U EN LA CAGE.

COMME il aduint en la Comté de saint Pol en vng Villaige assez prochain de ladite Ville de saint Pol , auoit vng homme Laboureur marié avec vne femme belle & en bon point de laquelle le Curé dudit Villaige étoit amoureux , & pource qu'il se sentit si esprins du feu d'amours , & que difficile lui étoit seruir sa Dame sans être suspeconné ; se pensa qu'il ne pouoit bonnement venir a la jouissance d'elle sans premier auoir celle du maty. Cet aduis decourrit a sa Dame pour en auoir son opinion laquelle lui dit que très bonne & propre étoit pour mettre a fin leurs amoureuses intencions. Notre Curé donc par gracieux & subtiles moyens s'accointa de celui dont il vouloit être le Compaignon , & tant bien se conduisit avec le bon homme qu'il ne mangeoit sans lui , & quelque besongne qu'il fit tous-jours parloit de son Curé, mesmement chascun jour le vouloit auoir au disner , & au souper , brief riens n'étoit bien fait a l'hostel du bon homme se le Curé n'étoit present. Quant les voisins de ce poure simple Laboureur veirent ce qu'il ne pouoit veoir , lui dirent qu'il ne lui étoit honnête auoir ainsi continuellement le repaire du Curé , & qu'il ne se pouoit

ainſi continuer ſans grant deſhonneur de ſa femme, meſmeient que les aultres voiſins amis l'en aduiſoient, & parloient en ſon abſence. Quant le bon homme ſe ſentit ainſi aigrement reprins de ſes voiſins, & qu'ils lui blaſinoient le repaire du Curé en ſa maiſon, force lui fut de dire au Curé que ſe deſportait de hanter en ſa maiſon, & de fait lui deſſendit par mots exprès & menaces, que jamais ne s'y trouuaſt s'il ne lui mandoit, affermant par grant ſerment que s'il lui trouuoit, il compteroit avecques lui & le feroit retourner outre ſon plaſir, & ſans ſçauoir gré. La deſſence deſplut au Curé plus que ie ne vous ſçauroye dire, mais nonobſtant qu'elle fut aigre, pourtant ne furent les amourettes rompuës car elles étoient ſi profond enracinées és cueurs des deux parties, que impoſſible étoit les rompre ne deſjoindre. Or oyez comme notre Curé ſe gouerna après que la deſſence lui fut faite; par l'ordonnance de ſa Dame, il print regle & coutume de la venir viſiter toutes les fois qu'il ſentoit le mary abſent. Mais lourdement s'y conduiſit, car il n'eut ſceu faire ſa viſitacion ſans le ſceu des voiſins qui auoient été cauſe de la deſſence auſquels le fait deſplaſoit autant que s'il leurs eut touché. Le bon homme fut de rechief aduertty que le Curé alloit étraindre le feu a ſon hoſtel comme auparauant de la deſſence. Notre ſimple mary oyant ce, fut bien eſbahy & encore plus couroucé la moitié, lequel pour y remedier penſa tel moyen que ie vous diray. Il dit a ſa femme

qu'il vouloit aller vng jour tel qu'il nomma mener à S. Omer vne charette de blé, & que pour mieulx besongner, il y vouloit lui-même aller. Quant le jour nommé qu'il deuoit partir fut venu, il fit ainsi qu'on a de coutume en Picardie especiallement és marchés d'autour saint Omer, chargea son chariot de blé a minuit, & a celle même heure voulut partir & print congé de sa femme, & vuida avec son chariot, & fi tost qu'il fut hors, sa femme ferma tous les huys de sa maison. Or vous devez entendre que notre Marchand fit son saint Omer chez l'vng de ses amis qui demouroit au bout de la ville où il allast arriuer, & mist son chariot en la cour dudit ami que sçauoit toute la trainée, lequel il enuoya pour faire le guet & escouter tout entour de sa maison pour veoir se quelque larron y viendrait. Quant il fut la arriué, il se tapit au coin d'vne forte haye, duquel lieu il veoit toutes les entrées de la maison dudit Marchand dont il étoit seruiteur, & grant amy en cette partie gueres n'eut escouté que vecy maître Curé que vint pour allumer sa chandelle, ou pour mieulx dire l'estaindre, & tout coyement & doucement heurter a l'huys de la court, lequel fut tantost ouï de celle que n'auoit talent de dormir a celle heure, laquelle sortit habillement en chemise, & vint mettre dedans son confesseur & puis ferme l'huys le menant au lieu où son mary d'eust auoir été. Or reuenons a notre guet, lequel quant il apperceut tout ce qui fut fait, se leua de son guet, & s'en alla sonner

sa trompette & declaira tout au bon mary, surquoy
 incontinent conseil fut prins & ordonné en cette ma-
 niere. Le Marchand de blé faignit retourner de son
 voyage avec son chariot de blé pour certaine aduen-
 ture qu'il doubtoit lui aduenir. Si vint heurter à sa
 porte & hucher sa femme que se trouua bien esbahie
 quant elle ouït sa voix, mais tant ne le fut qu'elle
 ne print bien le loisir de mussier son amoureux, le
 Curé en vng casier que étoit en la chambre, & pour
 vous donner entendre quelle chose est vng casier,
 c'est vng garde mengier en la façon d'une huche, long
 & étroit pour raison & assez profond, & après que le
 Curé se fut mussé où l'en mussé les œufs & le beure,
 le fourmaige, & aultres telles vitailles, la vaillante
 mesnagere comme moitié dormant, moitié veillant
 se presenta deuant son mary a l'huis & lui dit : Helas !
 mon bon mary, quelle aduenture pouez vous auoir
 que si hastiuement retournés, certainement il y a
 aulcun que ne vous laisse faire votre voyage. Helas !
 pour Dieu dites le moy, le bon homme voulut aller
 en sa chambre, & illec dire les causes de son hastif
 retour. Quant il fut où il cuidoit trouuer son Curé,
 c'est a sçauoir en sa chambre, commença a comter
 les raisons du retour de son voyage. Premier dit pour
 la suspecion qu'il auoit de la desloyaulté d'elle,
 craignoit très fort être du rang de bleus vestus qu'on
 appelle communement nos amis, & que au moyen
 de cette suspecion étoit-il ainsi tost retourné. Item
 que quant il s'étoit trouué hors de sa maison aultre

chose ne lui étoit venu au deuant, sinon que le Curé étoit son Lieutenant, tandis qu'il alloit marchander. Item pour experimenter son imagination, dit qu'il étoit ainsi retourné, & a celle heure voulut auoir la chandelle & regarder se sa femme osoit bien coucher sans compaignie en son absence. Quant il eut acheué les causes de son retour, la bonne Dame s'écria, disant : Ha mon bon mary, dont vous vient maintenant cette vaine jalousie, auez vous apperceu en moy autre chose qu'on ne doit juger d'une bonne loyalle & prudente femme, hélas que maudite soit l'heure que oncques ie vous congnüe pour être suspeconnée de ce que mon cueur ne sceut penser, vous me congnoissez mal, & ne sçavez vous combien net & entier mon cueur veult être & demourer.

Le bon Marchand eut peut être contraint de ses bourdes, sil n'eut rompu la parole, si dit qu'il vouloit guerir son imagination, & incontinent vint chercher & visiter les cornets de sa chambre au mieulx qu'il fut possible, mais il ne trouua point ce qu'il queroit. Adonc se donna garde du casier, & jugea que son Compaignon y étoit, & sans en montrer semblant hucha sa femme, & lui dit : Ma mye a grant tort, ie vous ait suspeconnée de me être desloyalle, & que telle ne soyez que ma faulse imagination me aporte, toutefois, ie suis si aheurté & enclin a croire & m'arrêter a mon opinion que impossible me est de jamais être plaisamment avec vous, & pource ie vous prie que soyez contents,

que la separation soit faite de nous deux, & que amoureuxment partissions nos biens communs par esgalle porcion. La gouge qui desiroit assez le marché afin que plus aisement se trouua avec son Curé accorda sans gueres faire difficulté a la requeste de son mary, par telle condicion toutefois qu'elle faisant la particion des meubles, elle commenceroit & feroit le premier choix, & pour quelle raison, dit le mary, voulez vous choisir la premiere, c'est tout contre tout droit & justice. Ils furent long temps en difference pour choisir, mais a la fin le mary vinguist, car il print le casier, où il n'y auoit que fians, tartes & fromaiges, & autres menuës vitailles, entre lesquels notre Curé étoit enseveli, lequel oyoit les bons deuis qui a ceste cause se faisoient. Quant le mary eut choisi le casier, la Dame choisit la chaudiere, puis le mary vng autre meuble; puis elle consequemment jusqu'a ce que tout fut parti & portionné, après laquelle porcion faicte, le bon mary dit: Je suis content que vous demourez en ma maison, jusqu'a ce que vous aurez trouué logis pour vous, mais de cette heure ie vueil emporter ma part, & la mettre a l'hostel d'vng de mes voisins, faites en, dit-elle, a votre bon plaisir, il print vne bonne corde & en lia & adouba son casier, & fit venir son charreton a qui il fit atteler son casier d'vng cheual, & lui chargea qu'il mena a la maison d'vng tel sondit sien voisin. La bonne Dame tout oyant cette deliberacion laissoit tout faire, car de donner

conseil au contraire ne se osoit aduancier , doubtant que le casier ne fut ouuert , si habandonna tout a telle aduenture que souruenir pouoit. Le casier fut ainsi que dit est attelé au cheual , & mené par la ruë pour aller a l'hostel où le bon homme l'auoit ordonné , mais gueres n'allait que le maître Curé a que les œufs & le beure creuoient les yeux , criâ pour Dieu mercy , le charreton oyant cette piteuse voix raisonnante du casier descendit tout esbahy , & hucha les gens & son maître qui ouurirent la casier , où ils trouuerent ce poure prisonniet , doré & empa-piné d'œufs , de fromaige , & de lait & autres choses plus de cent. Ce poure amoureux étoit tant piteusement appointé qu'on ne sçauoit duquel il auoit le plus. Et quant le bon mary le vit en ce point , il ne se peut contenir de rire , combien que couroucé deust être , si le laissa courir , & vint a sa femme montrer comment il auoit eu tort d'être suspecon-neux de sa faulse desloyaulté , elle qui se vit par exemple vaincuë , cria merci , & il lui fut pardonné par telle condicion que se jamais le cas lui aduenoit que elle fut mieulx aduisée , de mettre son homme autre part que ou casier. Car le Curé en auoit été en peril de être a tousjours gasté , & après ce ils demou-terent ensemble long temps , & rapporta l'homme son casier , & ne sçai point que le Curé si trouua de-puis , lequel par le moyen de cette aduenture fut comme encores est appelé sire vadin casier.

LXXIV. NOUVELLE.

LE CURE

TROP RESPECTUEUX.

A INSI que nagueres Monseigneur le Seneschal de Boulannois cheuauchoit parmi le pays d'une ville a l'autre en passant par vng hamelet où l'on sonnoit au Sacrement , & pource qu'il auoit doubté de non pouoir venir a la ville où il contendoit en temps pour ouïr messe , car l'heure étoit près de midy , il s'aduifa qu'il descendroit audit hamelet pour veoir Dieu en passant. Il descendit a l'huis de l'Eglise , & puis s'en alla rendre assez près de l'autel , où l'en chantoit la grande Messe , & si prochain se mit du Prêtre qu'il le pouoit en celebrant de costiere apperceuoir. Quant il eut leué Dieu & Calice , & fait ainsi qu'il appartenoit pensant a part lui après qu'il eut perceu Monseigneur le Sneschal être derriere lui & non sachant se a bonne heure étoit venu pour veoir Dieu leuer ayant toutefois opinion qu'il étoit venu tard , appella son Clerc & lui fit allumer arriere la torche , puis en gardant les cerimonies qu'il fault garder , leua encores vne fois Dieu , disant que c'étoit pour Monseigneur le Seneschal , &

Tome II.

M

puis ce fait proceda oultre jusqu'a ce qu'il fut parvenu a son Agnus Dei , lequel quant il eut dit trois fois , & que son Clerc lui bailla la paix pour baïser, il la refusa , & en rabrouant très bien son Clerc , il dit qu'il ne sçauoit ne bien ny honneur , & la-fit bailler a Monseigneur le Seneschal , qui la refusa de tout point deux ou trois fois , & quant le Prêtre vit que Monseigneur le Seneschal ne vouloit prendre la paix deuant lui , il laissa Dieu qu'il tenoit en ses mains , & print la paix qu'il apportoit a mondit Seigneur le Seneschal , & il lui dit que s'il ne la prenoit deuant lui , il ne la prendroit ja lui-même , & ce n'est pas dit le Prêtre raison que j'aye la paix deuant vous. Adonc Monseigneur le Seneschal voyant que sagesse n'auoit illec lieu se accorda au Curé & print la paix premier , puis le Curé après , & ce fait s'en retourna parfaire sa Messe , de ce qui restoit , & puis c'est tout ce que on m'en a racompté.



LXXV. NOUVELLE.

LA MUSETTE.

PAR aucun temps de la guerre des deux parties les vngs nommés Bourgoignons , les aultres Armignacz. Il aduint en la ville de Troye vne assez gracieuse aduenture qui très bien vault le reciter , & mettre en compte , qui fut telle. Ceulx de Troye pour lors que oncques parauant ils eussent été Bourgoignons c'étoient tournés Armignacz en entre eux auoit conuersé vng Compaignon a demy fol , non pas qu'il eut perdu l'entiere congnoissance de raison , mais a la verité il tenoit plus du costé de Dame folie qu'il ne tenoit de raison , combien que aucune fois il executast , & de la main & de la bouche plusieurs besongnes que plus saige de lui n'eust sceu acheuer. Pour venir donc au propos encommencé , le galant dessusdit étoit en garnison avec les Bourgoignons a sainte Mencho , mit vne journée en terme a ses Compaignons , & leurs commença a dire , que s'ils le vouloient croire qu'il leur bailleroit bonne doctrine pour attrapper vng hoste des lourdiars de Troye , lesquels a la verité ils hayoient mortellement , & ils ne l'aimoient gueres , mais le menassoient toujours de pendre s'ils le pouoient tenir. Vecy qu'il dit , je

M ij

m'en yray deuers Troye , & m'approucheray des faulx bours , & feray semblant d'espier la ville , & de taster de ma lance les fossés & si près de la ville me tireray que ie seray prins. Je suis seur si tost que le bon Bailly me tiendra qu'il me condamnera a pendre , & nul de la ville ne s'y opposera pour moy car ils me hayent trestous , ainsi seray ie bien matin au gibet , & vous soyez embuschés au boquet qui est au plus près dudit gibet , & tantost que vous orrez venir moy & ma compagnie vous sauldrez sur l'assemblée , & en prendrez & tiendrez a votre voullenté , & me deliurez de leurs mains. Tous les Compaignons de la garnisons s'y accorderent très voullentiers , & lui commencerent a dire que puis qu'il osoit bien entreprendre cette aduventure que ils aideroient a la fournir au mieulx qu'ils scauroient , & pour abreger le gentil folastre s'approcha de Troye , comme il auoit deuant dit , & aussi comme desiroit fut prins , dont le bruit s'espendit tost parmi la ville , & n'y eut celui qui ne le condamnaist a pendre , mesmement le Bailly si tost qu'il le vit dit & jura par ses bons Dieux qu'il sera pendu par la gorge. Helas ! Monseigneur , dit-il , ie vous requiers mercy , ie ne vous ay rien messait. Vous mentez ribault dit le Bailly , vous auez guidé les Bourgoignons en cette marche , & auez accusé les bourgeois & bons marchands de cette ville : vous en aurez votre payement , car vous en ferez au gibet pendu. Ha pour Dieu Monseigneur , dit notre bon Compai-

gnon , puis qu'il faut que ie meures , au moins qu'il vous plaife que ce foit bien matin , & qu'en la ville où j'ay tant eu de congnoiffance & d'accointance , ie ne reçoie trop publique punicion. Bien , dit le Bailly , on y penfera. Le lendemain dès le point du jour , le boureau avec la charette fut deuant la prifon , où il n'eut gueres été , que vecy venir le Bailly a cheual & fes Sergens & grant nombre de gens pour l'accompagner , & fut notre homme , mis , trouffé , & lié fur la charette , & tenant fa mufette dont il jouïoit couftumierement , on le maine deuers la Juftice , où il fut plus accompagné que beaucoup d'autres n'euffent été tant étoit hay en la ville. Or deuez vous fçauoir que les Compaignons de la garnifon de fainte Meneho n'oublierent point eulx embufcher au bois auprès de la Juftice , dès la minuit , tant pour faouer l'homme quoy qu'il ne fut pas des fages , comme pour gagner prifonniers & aultre chofe s'ils pouoient. Eux la doncques arriuez difpoferent de leurs befongnes comme de guere , & ordonnerent vng guet fur vng arbre qui leurs deuoit dire quant ceux de Troye feroient a la Juftice. Cette guette ainfi mife & logée , dit qu'elle feroit bon deuoir. Or font defcendus ceulx de la Juftice deuant le gibet , & le plus abregement que faire fe peult , le Bailly commanda qu'on defpechaft notre pource quart que étoit bien esbahy , où fes Compaignons étoient qui ne venoient ferir dedans fes ribaulx Armignacz , il n'étoit pas bien a fon aife , mais regar-

doit deuant & derriere, & le plus vers le bois, mais il noyoit riens, il se confessa le plus longuement qu'il peut, toutefois il fut osté du Prêtre, & pour abreger monta sur l'eschelle, & lui la venu bien esbahi, Dieu le sçait regarde toujours vers ce bois, mais c'étoit pour neant, car la guette ordonnée pour faire faillir ceulx qui recourre le deuoient étoit endormie sur cet arbre, si ne sçauoit que dire ne que faire ce pource homme, sinon qu'il pensoit être a son dernier jour. Le bourreau a certaine piece après fit ses preparatoires pour lui bouter la hart au col pour le despecher. Et quant il vit ce il se aduifa d'vng tour qui lui fut bien proufitable & dit : Monseigneur le Bailly, ie vous prie pour Dieu, que auant qu'on mette plus la main a moy, que ie puisse jouer vne chanson de ma musette, & ie ne vous demande plus aultre chose, ie suis après content de mourir, & vous pardonne ma mort & a tout le monde. Cette requeste lui fut passée, & sa musette lui fut en hault portée, & quant il la tint, le plus a loisir qu'il peut, il la commença a sonner & jouer une chanson que ceulx de la garnison dessusdite, congnoissoient très bien & y auoit, tu demeure trop Robin, tu demeure trop, & au son de la musette la guette s'esueilla, & de paour qu'elle eut se laissa cheoir du hault en bas de l'arbre où elle étoit, & dit on pend notre homme, auant auant, hastez-vous tost, & les Compaignons étoient tous prêts, & au son d'vne trompette faillirent tous hors du bois, se vindrent souter sur le

Bailly , & sur tous ceux qui deuant le gibet étoient. Et a dest effroy le bourreau fut tant esperdu qu'il ne sçauoit ne eut oncques d'aduis de lui boutter la hart au col ne le boutter jus , mais lui pria qu'il lui sauua la vie , ce qu'il eut fait très voutentiers , mais il ne fut en sa puissance , trop bien y fit aultre chose & meilleure , car lui que étoit sur l'eschelle , crioit a ses Compaignons prenez cestuy ça , prenez cestuy là , vng tel est riche , vng tel est mauuais , brief les Bourgoignons en tuerent vng grant tas en la venuë de ceulx de Troye , & prindrent des prisonniers vng grant nombre , & sauuerent leur homme en la façon que vous oyez que leurs dit que jour de sa vie n'eut si belles affres qu'il auoit a cette heure eüe.

LXXVI. NOUVELLE.

LE LAQS D'AMOUR.

L'ON m'a plusieurs fois dit & racompté par gens dignes de foy vng bien gracieulx cas , dont je fourniray vne petite nouuelle , sans y descroitre ne ajouter chose que ce que sert au propres ; entre les aultres Cheualiers de Bourgoigne en y auoit vng nagueres , lequel contre la coutume & vsage du pays , tenoit a pain & a pot vne Damoiselle belle & gente en son Chasteau que point ne vueil nommer , son

Chapelain qui étoit jeune & frais, voyant cette belle fille n'étoit pas si content que souuent ne fut par elle tenté, & en deuint amoureux, & quand il vit mieulx son point compta sa ratelée a la Damoiselle qui étoit plus fine que monstarde, car la mercy Dieu elle auoit rodé & couru le pays tant que du monde ne sçauoit que trop, elle pensa bien en soy même que s'elle accordoit au Prêtre sa requeste que son maître qui veoit cler quelque moyen que elle sçauoit trouuer, il s'en donneroit bien garde, & ainsi perdroit le plus, pour le moins, si delibera de decouurer l'embuche a son maître, lequel quant il le sceut n'en fit que rire, car assez s'en doubtoit attendu le regard, déuis & esbattement qu'il auoit veu entre eulx deulx, ordonna neantmoins a sa gouge qu'elle entretenist le Prêtre sans faire la courtoisie, & si fit elle si bien que notre sire en auoit tout au long du bras & notre bon Cheualier souuent lui disoit : Pardieu notre sire, vous êtes trop priué de ma chamberiere, ie ne sçay qu'il y a entre vous deux, mais se ie sçauoye que vous y pourchassissiez a mon desauantaige par notre Dame, ie vous pugnirroye bien, & en verité, Monseigneur, respondit maître Dominé, ie n'y chalange ne demande riens, ie me devise a elle, & passe temps comme font les aultres de ceans, mais oncques jour de ma vie ne la requis d'amours ne d'aultres choses. Pourtant le vous dis-je, ce dit le Seigneur, se aultrement en étoit ie n'en seroye pas content. Se notre Dominé en auoit
bien

bien pourfuy auparavant ses paroles , plus aigre & a toute force continua la poursuite , car ou qu'il rencontra la gouge de tant près la tenoit que contrainte étoit voullist ou non donner l'oreille en sa douce requeste , & elle duite & faite a l'esperon & a la lance , endormoit notre Prêtre & en son amour tant fort le bouttoit qu'il eut pour elle vng Ogier combatu , si tost que de lui s'étoit saulvée , tout le plaidoyé d'entre eulx deulx étoit au maître par elle racompté pour plus grant plaisir en auoir , & pour faire la farce au vif , & bien tromper son Chapelain , il commanda a sa gouge quelle lui assignast journée d'être en la ruelle du lit où ils couchoient & lui dit : Si tost que Monseigneur sera couché , je feray ce que vous voudrez , rendez vous donc en la ruelle du lit tout doucement. Et fault , dit-il , que tu lui laisse faire , & moy aussi , je suis seur que quant il cuidra que je dorme que il ne demourera gueres que il ne t'enfermes , & j'auray apresté a l'enuiron de ton deuant le las joly où il sera attrapé. La gouge en fut joyeuse & bien contente , & fit son raport a notre Dominé qui jour de sa vie ne fut plus joyeux , & sans penser ne ymaginer peril ne dangier où il se bouttoit comme en la chambre de son maître toute la raison étoit de lui a ce arriere mise , seulement lui chailloit d'accomplir sa folle volenté , combien que naturelle est de plusieurs accoutumée. Pour faire fin a long procès , maître Prêtre vint a l'heure assignée bien doucement en la ruelle Dieu le sçait , & sa maitresse

lui dit tout bas : Ne sonnez mot quand Monseigneur dormira bien fort ie vous touchera de la main , & viendrez emprés moy , en la bonne heure , ce dit-il , le bon Cheualier que a cette heure ne dormoit mie , se tenoit a grant peine de rire. Toutefois pour parfaire la farce il s'en garda , & comme il auoit proposé & dit , il tendit son fil ou son laqs lequel qu'on veut , tout a l'endroit de la partie où maître Prêtre auoit plus grant desir de se heurter. Or est tout prest & notre Dominé appelé , & au plus doucement qu'il peult entra dedans le lit , & sans plus barguigner , il monte sur le tas pour veoir plus loin. Si tost qu'il fut logié le bon Cheualier tire son las bien fort , & dit bien hault : Ha ribault Prêtre , êtes vous tel & bon Prêtre a soy retirer , mais il ne alla gueres loin , car l'instrument qu'il vouloit accorder au bedon de la gouge étoit si bien enueloppé du laqs , qu'il n'auoit garde d'esslongner , dont si très esbahy se trouua qu'il ne sçauoit sa contenance ne que lui étoit a aduenir , de plus fort tiroit son maître le laqs que grant douleur lui eut été se paour & esbahissement ne lui eussent tollu tout sentiment. A petit de piece il reuint a lui , & sentit très bien ses douleurs , & bien piteusement cria mercy a son maître que tant grant faim auoit de rire , que a peine sçauoit-il parler , si lui dit-il , neantmoins après qu'il l'eut auant en la chambre , parbondy allez vous en notre sire & ne vous aduiengne plus , cette fois vous sera pardonnée. Mais la seconde seroit irremissible.

Helas ! Monseigneur, se respond-il, jamais ne m'aduiendra, elle est cause de ce que j'ai fait. A ce coup, il s'en alla & Monseigneur se recoucha qui acheua ce que l'autre auoit commencé. Mais saichez que oncques puis ne si trouua le bon Prêtre au sceu du maître. Il peult bien être que en recompense de ces maux la gouge en eut depuis pitié, & pour sa conscience acquitter, lui prêta son bedon, & tellement s'accorderent que le maître en valut pis tant en biens comme en honneurs. Au surplus ie me tais & a tant ie fais fin.

LXXVII. NOUVELLE.

LA ROBBE SANS MANCHES.

VN gentilhomme des Marches de Flandres auoit sa mere bien ancienne, & très fort debilitée de maladie, plus languissant & viuant a malaise que nulle aultre femme de son aage, esperant d'elle mieulx valoir & amender, & combien que és Marches de Flandres, il fit sa residence si la visitoit-il souuent, & a chascune fois que vers elle venoit toujours étoit de mal oppressée, tant quelle en cnidast que l'ame en d'eust partir, & vne fois entre les aultres, comme il étoit venu veoir elle au partir lui dit adieu mon fils ie suis seur que jamais ne me verrez, car ie m'en vois mourir. A des Madameiselle ma

N ij

mere vous m'avez tant de fois cette leçon recordée que j'en suis saoul, & a trois ans passez que toujours ainsi m'avez dit, mais vous n'en avez rien fait, prenez bon jour ie vous en prie, si ne faillez point. La bonne Damoiselle oyant de son fils la responce quoy que malade & vieille fut, en soubzriant lui dit adieu. Or se passerent puis ung an, puis deux ans toujours en languissant. Cette femme fut arriere de sondit fils visitée & vng soir nomme en son lit en l'hostel d'elle étoit couchée, sans oppressée de mal qu'on cuidast bien qu'elle allast a mortaigne, si fut ce bon fils appelé de ceulx que sa mere gardoient & lui dirent que en haste a sa mere, venist, car seurement elle s'en alloit. Dites vous donc, dit-il, qu'elle s'en va, par ma foy ie ne l'ose croire, toujours dit-elle ainsi, mais riens n'en fait. Nenny nenny dirent les gardes, c'est a bon escient, venez vous en car on veoit bien qu'elle s'en va. Je vous diray, dit-il, allez vous en devant & ie vous suivray, & dites bien a ma mere puis quelle s'en veult aller, que par Douay point ne s'en aille, que le chemin est trop mauvais, a peu que devant hyer moy & mes cheuaulx n'y demourassmes. Il se leua neantmoins, & houlé de sa robbe longue se mit en train pour aller veoir se sa mere feroit la derniere & finable grimace. Lui la venu la trouua fort malade & mal disposée, passé auoit subite faulte que la cuiduit bien emporter, mais Dieu mercy elle étoit vng petit mieulx. N'est-ce pas ce que ie vous dy, commence a dire ce bon fils l'en dit tou-

jours ceans & si fait elle même quelle se meurt & riens n'en fait. Prenez bon terme de pardieu comme tant fois lui ay dit , & si ne faille point , ie m'en retourne dont ie viens , & si vous aduise que plus ne m'appellez s'elle deuoit s'en aller toute seule si ne lui feray ie pas a cette heure compaignie. Or conuient-il que ie vous compte la fin de mon entreprise. Cette Damoiselle ainsi malade que dit est reuint de cette extrême maladie , & comme auparauant depuis vesquit en languissant l'espace de trois ans pendant lesquels le bon fils la vint veoir d'aduenture vne fois , & au point qu'elle rendit l'esprit. Mais le bon fut quant on le vint querir pour être au trépas d'elle , il vestoit vne robbe neufue , & n'y voulut aller , messages sur aultres venoient vers lui , car sa bonne mere qui tiroit a sa fin le vouloit veoir & recommander aussi son ame. Mais toujours aux messagers respondoit , ie sçay bien qu'elle n'a point de haste qu'elle n'attende bien que ma robbe soit mise a point. En la parfin tant lui fut remontré qu'il s'en allast tantost deuers sa mere sa robbe vestuë sans les manches , lequel quant en ce point fut d'elle regardé , lui demanda où étoient les manches de sa robbe , & il dit elles sont ja dedans que n'attendent a être parfaites sinon que vous descombrez la place , elles feront donc tantost acheuées ce dit la Damoiselle. Je m'en vois a Dieu auquel humblement mon ame recommande & a toy aussi mon fils. Lors rendit l'ame a Dieu sans plus mot dire la croix entre ses bras , la-

quelle chose voyant son bon fils commença tant fort a plourer que jamais ne fut veu la pareille , & ne le pouoit nul reconforter , & tant en fit que au bout des quinze jours il mourut de dūcil.

LXXVIII. NOUVELLE.

LE MARI CONFESSEUR.

OU bon pays de Brebant qui est bonne marche & plaifante , fournie , a droit & bien garnie de belles filles , & bien saiges coustumierement , & le plus & des hommes , on veult dire & se trouue assez veritable que tant plus viuent que tant plus sont sotz. Nagueres aduint que vng gentilhomme en ce point né & destiné , il lui print vouldenté d'aller oultre mer voyager en diuers lieux , comme en Cypre en Rodes & és marches d'environ , & au dernier fut en Jherusalem où il reçut l'ordre de Cheualerie. Pendant lequel temps de son voyage , sa bonne femme ne fut pas si oyseuse qu'elle ne presta son quoniam a trois Compaignons , lesquels comme a tout seruent par temps & termes eurent audience & tout premier vng gentil Escuyer fréz & frisque & en bon point qui tant remboura son bras a son chier coust & substance tant de son corps comme en depence de pecune , car a la verité elle tant bien le pluma qu'il n'y failloit point renvoyer , qu'il s'ennuya

& retira , & de tous points l'abandonna. L'autre après vint qui Cheualier étoit & homme de grant bruit , que bien joyeux fut d'auoir gagné la place & besongné au mieulx qu'il peut comme dessus moyen-
nant de quibus que la gouge tant bien sçauoit auoir , que nul autre ne la passoit , & brief se l'Escuyer qui auparavant auoit la place auoit été rongé damp Cheualier n'en eut pas moins. Si tourna bride & print congié & aux autres habandonna la queste. Pour faire bonne bouche , a la bonne Damoiselle d'vng maître Prêtre s'accointa , & quoy qu'il fut subtil de son argent bien garder si fut-il ranconné de robbes , de vaisselle & des autres bagues largement. Or aduint Dieu mercy que le vaillant mary de ceste gouge fit sçauoir sa venue & comme en Jherusalem auoit été fait Cheualier , si fit sa bonne femme l'hostel apprestre , tendre , parer & nettoyer au mieulx qu'il fut possible. Brief tout étoit bien net & plaisant fors elle seulement car le plus de butin qu'elle auoit a force de rains gagné auoit acquis vaisselle , tapissierie & d'autres meubles assez. A l'arriuée qu'il fit le doux mary Dieu sçait la ioye & la feste qu'on lui fit , celle en especial qui le moins en tenoit compte , c'est a sçauoir sa vaillante femme , je passe tous ses biens veillans & viens a ce que Monseigneur son mary quoi , coquart qu'il fut si se donna garde de soison de meubles , que auant son partement n'étoient pas leans. Vint aux coffres , aux buffets , & en assez d'autres lieux & treuve tout multiplié dont le butin

lui monta en la tête , & de prinſault ſon cueur en voulut deſcharger , ſi ſ'en vint eſchauffé & malmeu deuers ſa bonne femme , & lui demanda tantost d'où ſourdoient tant de biens comme ceulx que j'ai deſſus nommés. Saint Jehan Monſeigneur ce dit ma Dame ce n'eſt pas mal , demandé vous auez bien cauſé d'en tenir telle maniere , & de vous eſchauffer ainſi , il ſemble que vous ſoyez couroucé a vous veoir. Je ne ſuis pas bien a mon aïſe , dit-il , car je ne vous laiſſé pas tant d'argent a mon partir , & ſi ne pouez pas tant auoir épargné que pour auoir tant de vaiſſelle , de tapifferie , & le ſurplus de bagues que j'ay trouué par ceans , il fault & ie n'en doubte point , car j'ay cauſe , que quelqu'un ſe ſoit de vous accointé que notre meſnage a ainſi renforcé , & pardieu Monſeigneur , repond la ſimple femme , vous auez tort que pour bien faire me mettez ſur telle vilennie , ie vuëil bien que vous ſaichez que ie ne ſuis pas telle , mais meilleure en tous endroits que a vous n'appartient , & ne eſſe pas raiſon avec tout le mal que j'ay eu d'amaffer & eſpargner pour accroïſtre & embellir votre hoſtel & le mien i'en ſoye reprouchée & tencée. C'eſt bien loing de congnoiſtre ma peine comme bon mary doit faire a ſa bonne prude femme , telle l'auuez veus meſchant malheureux dont c'eſt grant dommaige , par mon ame ſe n'étoit pour mon honneur & pour mon ame. Ce procès quoy qu'il fut plus long pour vng temps ceſſa , & ſ'aduifa maître mary pour être acertené de l'état

de sa femme qu'il feroit tant avec son Curé, que son très grant amy étoit, que d'elle orroit la deuote confession ce qu'il fit au moyen du Curé que tout conduit, car vng bien matin en la bonne sepmaine que de son Curé pour confesser aproucha en vne chapelle, deuant, il enuoya & a son mary vint, lequel il adouba de son habit & l'enuoya deuers sa femme. Se notre mari fut joyeux il ne le faut ja demander quant en ce point il se trouua il vint en la chapelle & au siege du Prêtre sans mot dire entra & sa femme d'aprocher que a genoux se mit deuant ses piez cuidant pour vray être son Curé & sans tarder commença a dire benedicite, & notre sire son mary respondit Dominus, au mieux qu'il sceut comme le Curé l'auoit appris, acheua de dire ce qui affiert. Après que la bonne femme eut dit la generale confession, elle descendit au particulier, & vint parler comment durant le temps que son mary auoit été dehors vng Escuyer auoit été son Lieutenant, dont elle auoit tant en or, en argent que en bagues beaucoup amendé & Dieu sçait qu'en oyant ceste confession si le mary étoit bien a son aise s'il eut osé, volentiers l'eust tuée, & a cette heure toutefois afin de ouir le surplus il eut patience. Quant elle eut dit tout au long de ce bon Escuyer, du Cheualier c'est accusée qui comme l'autre l'auoit bien baguée, & bon mary qui de duél se créue ne sçait que faire de soy descourir, & bailler l'absolution sans plus attendre, si n'en fit-il tiens neantmoins, print loisir

descouter ce qu'il orra. Après le tour du Cheualier le Prêtre vint en jeu , mais a ce coup bon mary perdit patience & ne peut plus ouïr si getta jus chaperon & surplis en soy monstrant lui dit faulse & desloyale or voyge & congnois votre grant trahison , & ne vous suffisoit-il de l'Escuyer & puis du Cheualier , sans a vng Prêtre vous donner qui plus me desplait que tout ce que fait auez. Vous deuez sçauoir que de prinfault cette vaillante femme fut esbahie , mais le loisir qu'elle eut de respondre très bien , l'assœura & sa contenance si bien ordonna de maniere qu'a l'ouïr a sa responce , plus assœurée étoit que la plus juste de ce monde , disant a Dieu son oraison , firespendit tantost après comme le Saint Esprit l'inspira , & dit bien froidement pour ce coquart qui ainsi vous tourmentés sçaez vous bien pourquoy , or oyez moy , s'il vous plaît , & pensez vous que ie ne sœusse bien que cesties vous a qui me confessoie , si vous ay serui comme le cas le requeroit , & sans mentir de mot vous ay tout confessé mon cas , veci comment de l'Escuyer me suis accusée , & cestes vous quant vous m'eustes en mariage vous étiez Escuyer , & lors feistes de moy ce qu'il vous pleut , le Cheualier aussi dont j'ay touché cestes vous , car a votre retour vous m'auiez fait Dame , & vous êtes le Prêtre aussi car nul se Prêtre n'est ne peut ouïr confession. Par ma foy , ma mye , or m'auiez vous vaincu & bien monstre que sage vous êtes & a tort vous ay chargée dont je me repens & vous en cri mercy promet-

tant de l'amender a votre dit legiérement , il vous est pardonné ce dit sa femme puis que le cas vous congnaissez. Ainsi qu'avez ouï fut le bon Cheualier deceu par le subtil engin de sa femme.

LXXIX. NOUVELLE.

L'ASNE RETROUVÉ.

AU bon pays de Bourbonnois où de coutume les bonnes besongnes se font , auoit l'autre hyer vng Médecin Dieu sçait quel , oncques Hypocrate ne Galien ne pratiquerent ainsi la science comme il faisoit. Car en lieu de ciros , & de breuages , & de electuaires & de cent mille autres besongnes que Medecins sçaiuent ordonner tant a conseruer la santé de l'homme que pour la recouurer se elle est perduë , ce bon Medecin de quoy je vous parle ne vsoit seulement que d'une maniere de faire , c'est a sçauoir de bailler clisteres quelque maniere qu'on lui apportast il faisoit toujours bailler clisteres , & toutefois si bien lui venoit en ses besongnes & affaires que chascun étoit très bien content de lui & guarissoit chascun , dont son bruit crut & augmenta tant & en telle maniere , que on l'appelloit maître Jehan par tout , tant és maisons des Princes & Seigneurs comme és grosses abahyes & bonnes villes , & ne fut oncques

156 *L'ASNE RETROUVE.*

Aristote ne Galien ainsi autorisé par especial du commun peuple que ce bon maître dessusdit, & tant monta sa bonne renommée que pour toutes choses on lui demandoit conseil, & étoit tant embesongné incessamment qu'il ne sçauoit auquel entendre, se vne femme auoit mauuais mary rude & diuers, elle venoit au remede vers ce bon maître. Brief de tout ce dont on peult demander bon conseil de homme notre bon medecin en auoit la huée, & venoit on a lui de toutes parts pour enseigner les choses perduës. Aduint vng jour que vng bon simple homme champestre auoit perdu son Asne, & après la longue queste d'icelui sy s'anuisa ung jour de tirer vers celui maître qui très saige étoit, & a l'heure de sa venuë étoit tant enuironné de peuple qu'il ne sçauoit auquel entendre. Ce bon homme neantmoins rompit la presse, & en la presence de plusieurs lui conta son cas, c'est a sçauoir de son Asne qu'il auoit perdu, priant pour dieu qu'il lui voulüst radrecier. Ce maître qui plus aux aultres entendoit oyant le bruit & son de son langaige, se vira deuers lui cuidant qu'il eut aulcune enfermeté, & afin d'en être despeché, dit a ses gens baillez lui vng clistere, & le bon simple homme que l'Asne auoit perdu non saichant que le maître auoit dit, fut prins des gens du maître que tantost comme il leurs étoit chargié, lui baillerent vng clistere dont il fut bien esbahy, car il ne sçauoit que c'étoit. Quant il eut ce clistere tel qu'il fut dedans son ventre, il pique & s'en va

ſans plus demander ſon Aſne cuidant certainement par ce le trouuer , il n'eust gueres allé auant que le ventre lui broüilla , tellement qu'il fut contraint de ſoy boutter en vne vielle maſure inhabitée pour faire ouuerture au cliſtere que demandoit la clef des champs , & au partir qu'il fit il mena ſi grant bruit que l'Aſne du poure homme que paſſoit aſſez près comme eſgaré commença a reclamer & crier , & bon homme de s'auancer de leuer ſus & chanter *Te Deum laudamus* , & venir a ſon Aſne qu'il cuidoit auoir retrouvé par le cliſtere que lui auoit fait bailler le maître qui eut encores plus de renommée ſans comparaison qu'auparauant , car des choſes perduës on le tenoit vray enſeigneur , & de toute ſcience auſſi le parfait docteur , combien que d'vng ſeul cliſtere toute cette renommée vint.



LXXX. NOUVELLE.

LA BONNE MESURE.

NAGUERES que és marches d'Allemaigne comme pour vray oüi nagueres racompter a deux gentils & nobles Seigneurs dignes de croire, que vne jeune fille, de l'aage d'enuiron quinze a seize ans, fut donnée en mariage a vng loyal gentil Compaignon bien gracieulx, qui tout deuoir faisoit de payer le deuoir que volentiers demandent les femmes sans mot dire quant a cet aage & état sont, mais quoy que le pource homme fit bien la besongne & se efforcast j'espere plus souuent qu'il ne deust, toute fois n'étoit l'œuure qu'il faisoit en aucune maniere agreable a sa femme, car incessamment ne faisoit que rechiner, & souuent plouroit tant tendrement comme ce tous ses amis fussent tous morts. Son bon mary la voyant ainsi lamenter, ne se scauoit assez esbahir quelle chose lui pouoit faillir, & lui demandoit doucement: Helas! ma mye, & qu'auuez-vous, & n'êtes vous pas bien vestuë & bien logée & bien serui de tout ce que gens de notre état peuuent par raison desirer bien conuenablement partie. Ce n'est pas la qui me tient, dit-elle, & quelle donc dites le moy, dit-il, & se ie y puis met-

tre remede , pensez que ie le feray , pour y mettre corps & biens. Le plus des fois elle ne respondit mot , mais toujours rechinoit & de plus en plus triste chiere matte & morne elle faisoit , laquelle chose le mary ne portoit pas bien patiemment , quant sçauoir il ne pouoit la cause de cette doleance , il enquist tant qu'il en sceut vne partie , car elle lui dit qu'elle étoit desplaisante de ce qu'il étoit si petitement fourny de cela que vous sçauiez , c'est a sçauoir du baston de quoy on plante les hommes comme dit Bocace , voire , dit-il , est-ce cela dont tant vous doulez , & par saint Martin vous auez bien cause , toutefois il ne peult être aultre , & faut que vous en passiez tel qu'il est , voire ce vous ne voulez aller au change. Cette vie se continua vng grant temps tant que le mary voyant cette obstinacion d'elle , assembla vng jour a vng disner vng grant tas des amis d'elle , & leurs remontra le cas comme il est ci-dessus touchié , & disoit qu'il lui sembloit qu'elle n'auoit cause de foy douloir de lui en ce cas , car il cuidoit aussi être bien party d'instrument naturel que voisin qu'il eut , & afin , dit-il , que j'en soye mieulx creu , & que vous voyez son tort évident , ie vous montreray tout. Adonc il mit sa danrée auant sur la table deuant tous & toutes , & dit vecy de quoy. Et sa femme de plourer de plus belle. Et par saint Jehan dirent sa mere , sa sœur , sa tante , sa cousine , sa voisine , ma mye , vous auez tort , & que demandez - vous , voulez-vous plus demander , qui est-ce qui ne debueroit

être contente d'vng mary ainſi outillé , ainſi maïſt. Dieu ie me tiendrois bienheureuſe d'en auoir autant , voire beaucoup moins , appeiſez-vous & faites bonne chiere doreſnauant , pardieu vous êtes la mieulx partie de nous toutes ſe croy ie , & la jeune eſpouſée oyant le coliége des femmes ainſi parler , leurs dit bien fort en plourant , veci le petit aſnon de ceans qui n'a gueres auecques demy an d'aage , & ſi a l'inſtrument grand & gros de la longueur d'vng bras , & en ce diſant tenoit ſon bras par le coude , & le branloit trop bien , & mon mary que a bien trente trois ans , n'en a que ce tant petit qu'il a montré , & vous ſemble-t-il que j'en doye être contente. Chacun commença a rire , & elle de plus plourer tant que l'aſſemblée fut longuement ſans mot dire. Alors la mere print la parole , & a part dit a ſa fille tant d'vnes & d'autres que aulcunement ſe contenta , mais ce fut a grant peine , & vecy la guiſe des filles d'Allemaigne , ſe Dieu plaïſt ſeront toſt ainſi en France.



LXXXI. NOUVELLE.

LE MALHEUREUX.

PUIS que les comptes & histoires des Asnes sont acheuez. Je vous feray en bref & a la verité vng glorieux compte d'vng Cheualier que la pluspart de vous mes bons Seigneurs congnoissez de pieça. Il fut bien vray que ledit Cheualier s'en amoura très fort, comme il est assez bien de coutume aux jeunes gens, d'une très belle gente & jeune Dame, & du cartier du pays où elle se tenoit plus bruyante la plus mignonne & plus renommée, mais toutefois quelque semblant, quelque deuoir qu'il sceut faire pour obtenir la grace de celle Dame jamais ne peult paruenir d'être seruiteur retenu, donc il étoit très desplaisant & bien marry. Attendu que tant ardemment, tant loyalement & tant entierement l'aimoit, que jamais femme ne le fut mieulx, & n'est point a oublier que ce bon Cheualier faisoit autant pour elle, que oncques fit seruiteur pour sa Dame comme de ioustes d'habillemens & plusieurs esbattemens, & neantmoins, comme dit est, toujours trouuoit sa Dame rude & mal traitable, & lui monroit moins de semblant d'amours que par raison ne deuit, car elle sçanoit bien & de vray que loyalement & chierement étoit de lui aimée, & a dire la

Tome II.

O

verité, elle lui étoit trop dure, & est assez a penser qu'il procedoit de fierté, dont elle étoit plus chargée que bon ne lui fut comme on pouroit dire remplie. Les choses étant comme dit est, vne autre Dame voisine & amie de la dessusdite, voyant la queste dudit Cheualier, fut tant esprinse de son amour que plus on ne pouroit. Et par trop bonne façon & moyen que trop long seroit a descrire, si tant par subtilz moyens, que en petit de temps le bon Cheualier s'en apperceut, dont il ne se meut que bien a point tant c'étoit fort donné auparavant a sa rebelle & rigoureuse maitresse, trop bien comme gracieux que il étoit & bien saichant, tant sageement entretenoit celle de lui osprinse, que se a la congnoissance de l'autre fut parvenu cause n'eut eu de blasmer son seruiteur: or escoutez quelle chose aduint de ses amours, & quelle en fut la conclusion. Ce Cheualier amoureux pour la distance du lieu, n'étoit si souvent auprès de sa Dame que son loyal cueur & trop amoureux desiroit; il s'aduifa vng jour de prier aucuns Cheualiers & Escuyers ses bons amis qui toutefois de son cas rien ne sçauoient d'aller esbattre voler & querir les lieures en la marche du pays où sa Dame se tenoit, saichant du vray par ses epies que le mary d'elle n'y étoit point, mais étoit venu a la Court où souvent se tenoit.

Adonc ce gentil Cheualier amoureux & ces Compaignons partirent le lendemain bien matin de la bonne ville où la Court se tenoit & tout querant

les lieures passerent le temps joyeusement jusques a basses nonnies sans boire & sans manger. Et en grant haste vinrent repaitre en vng petit villaige , & après le disner lequel fut court & se monterent a cheual & de plus bel s'en vont querant les lieures , & le bon Cheualier qui ne tiroit qu'a vne menoit toujours sa brigade le plus qu'il pouoit arriere de la bonne ville , où ses Compaignons auoient grant envie de retirer , & souuent lui disoient Monseigneur , les vespres approchent , il est heure de retirer a la ville , se nous ny aduifons nous serons enfermés dehors , & nous fauldra gesir en vng meschant villaige , & tous mourir de faim. Vous n'avez garde se disoit notre amoureux , il est encoros assez hault heure & au fort ie sçay bien vng lieu en ce quartier , où l'en nous fera très bonne chiere , & pour vous dire , se a vous ne tient les Dames nous festoieront le plus honnestement du monde. Et comme gens de Court se treuuent volentiers entre les Dames , ils furent contens d'eux gouuerner a l'appetit de celui qui les auoit mis en train , & passerent le temps querant les lieures , & volant les perdrix tant que le jour si leurs dura. Or vint l'heure de tirer au logis , si dit le Cheualier a ses Compaignons tirons tirons pays , je vous menneray bien , enuiron vne heure ou deux de nuit ce bon Cheualier & sa brigade arriuerent a la place , où se tenoit la Dame dessusdicte de qui tant étoit seru la guide de la compaignie qui mainte nuit en auoit laissé le dormir. On heurta a la porte du Cha-

steau , & les varlets assez tost vindrent auant, lesquels leurs demanderent qu'ils vouloient , & celui a que le fait touchoit le plus print la parole , & leurs commença a dire : Messeigneurs , Monseigneur & Madame sont-ils ceans ? En verité respondit l'vng pour tous , Monseigneur n'y est pas , mais Madame y est. Or vous lui direz , s'il vous plaît , que telz & telz Cheualiers & Escuyers de la Court, & moy vng tel , venons d'esbattre & querir les lieures en cette marche & nous sommes esgaires jusques a cette heure que est trop tard de retourner a la ville. Si lui prions qu'il lui plaise nous receuoir pour ses hostes pour meshuy. Voulentiers, dit l'autre , ie lui dirai. Il vint faire ce messaige a sa maitresse , laquelle fit faire la responce sans venir deuers eulx qui fut telle. Monseigneur, dit le varlet, Madame vous fait sçauoir que Monseigneur son mary n'est pas ici dont il lui desplaît , car s'il y fut il vous fit bonne chiere , & en son absence , elle n'oseroit receuoir personne si vous prie que lui pardonnez ; le Cheualier meneur de l'assemblée , pensez qu'il fut bien esbahy & très honteux d'oüir cette responce. Car il cuidoit bien veoir & a loisir sa maitresse , & deuiser tout a son cueur saoul dont il se treuve arriere & bien loin , & encores beaucoup lui greuoit d'auoir amené ses Compaignons en lieu où il s'étoit vanté de les faire festoyer. Comme sçachant & gentil Cheualier , il ne monstra pas ce que son pource cueur portoit , si dit de plain vifage a ses Compaignons ; Messeigneurs

pardonnez moy que je vous ay fait payer labaye , ie ne cuidoye pas que les Dames de ce pays fussent si peu courtoises que de refuser vng giste aux gentilz & nobles Cheualiers errans , prenez en patience. Je vous prometz par ma foy de vous mener ailleurs , vng peu au dessus de ceans , où l'en nous fera toute autre chere , or auant donc , dirent-ils les autres , picqués auant , bonne aduventure nous doint Dieu. Et ils se mettent au chemin , & étoit l'intencion de leur guide de les mener a l'hostel de la Dame dont il étoit le chier tenu , & dont moins de conte il tenoit que par raison il ne deust & conclud a cette heure de foy oster de tous points de l'amour de celle que si lourdement auoit refusé la compaignie , & dont si peu de bien lui en étoit aduenü en étant en son seruice & se delibera d'aimer , seruir & obeir tant que possible lui seroit a celle que tant de bien lui vouloit , & où se Dieu plaît se trouuera tantost. Pour abreger après la grosse pluye que la compaignie eut plus d'une grosse heure & demie sur le dos , on arriua a l'hostel de la Dame , dont nagueres parloye & heurta l'en de bon hait a la porte. Car il étoit bien tard , & entre neuf & dix heures de nuict , & doubtoient fort qu'on ne fut couché. Varletz & meschines faillirent auant que s'en vouloient aller coucher & demanderent qu'est cela , & on leurs dit. Ils vindrent a leur maitresse qui étoit ja en cotte simple , & auoit mis son couurechief de nuit , & lui dirent : Madame , Monseigneur de tel lieu est a la porte qui

166 *LE MALHEUREUX.*

veult entrer , & avecques lui aulcuns aultres Cheualiers de la Court jusqu'au nombre de trois. Ils soient les très bien venus , dit-elle , auant , auant , vous telz & telz acoup allez tuer chappons & poullailles , & ce que nous avons de bon en haste. Brief elle disposa comme femme de grant façon comme elle étoit , & encore est tout subit ses besongnes comme vous orrez tantoist. Elle print bien en haste sa robe de nuit , & ainsi atournée qu'elle étoit le plus gentement qu'elle peut vint au deuant des Seigneurs dessusdits deux torches deuant elle , & vne seule femme avec sa très belle fille , & les aultres mettoient les chambres à point. Elle vint rencontrer ses hostes sur le pont du Chasteau , & le gentil Cheualier que tant étoit en sa grace , comme des aultres la guide & meneur , se mit en front deuant , & en faisant les recongnoissances il la baïsa , & puis après tous les aultres pareillement la baisèrent. Alors comme femme bien enseignée dit aux Seigneurs dessusdits , Messieurs vous soyez les très biens venus , Monseigneur tel c'est leur guide , ie le congnois de pieca , il est de sa grace tout de ceans s'il lui plaît , il fera mes accointances vers vous. Pour abregier accointances furent faites , le souper assez tost après bien appresté , & chascun d'eulx logié en belle & bonne chambre bien appointée & bien fournie de tapisseries & de toutes choses necessaires. Si vous fault dire que le souper s'apprestoït , la Dame & le bon Cheualier se diuisèrent tant & si longuement , & se porta con-

clusion entre eulx, que pour la nuit ils ne feroient que vng lit car de bonne aduventure le mary n'étoit point leans, mais a plus de quarante lieues loin de là. Or est heure tandis que le souper est prest & que ces deuises se font que l'en soupe le plus joyeusement qu'on pourra. Après les aduentures du jour que ie vous die de la Dame qui son hostel refusa a la brigade dessusdite, même a celui qui moult bien sçauoit que plus l'aimoit que tout le monde, & fut si mal courtoise que oncques vers eulx ne se montra. Elle demanda a ses gens quant ils furent vers elle retournés de faire son mesnaige, quelle chose auoit respondü le Cheualier l'vng lui dit Madame il le fit bien court, trop bien, dit-il, qu'il menoit ses gens en vng lieu plus en sus d'ici, où l'en leurs feroit bon recueil & meilleure chiere, elle pensa tantost ce que étoit, & dit ha il s'en est allé a l'hostel d'vne telle qui comme bien sçay ne le voit pas enuis. Leans se traitera ie ne doubte point quelque chose a mon prejudice, & elle étant en cette imaginacion, & pensée tantost tout subitement le couraige que tant auoit rigoureux enuers son seruiteur porté tout changé & alteré, & en très cordial & bon vouloir transmué dont enuie fut pour cette heure trop plus ne soit douce & desireuse d'accorder a son seruiteur tout ce qu'il voudroit requerr & demander, & doubtant que la Dame ou la brigade étoit ne jouyst de celui que tant auoit traité durement, escriuit vne lettre de sa main a son seruiteur, dont la plus-

part des lignes étoient de son précieux sang que contenoient en effect, que tantost ces lettres veuës toute aultre chose mise arriere, il venist vers elle tout seul avec le porteur, & il seroit si agreablement receu, que oncques seruiteur ne fut plus content de sa Dame qu'il seroit, & en signe de plus grande verité mit dedans la lettre vng dyamant que bien congnoissoit. Le porteur que seur étoit print ladite lettre & vint au lieu dessusdict, & trouua le Cheualier auprès de son hostesse au souper & toute l'assemblée. Tantost après graces le tira d'vng costé, & en lui baillant la lettre dist qu'il ne fit semblant de riens, mais qu'il accomplit le contenu de ce. Ces lettres veuës, le bon Cheualier fut bien esbahy & encores plus joyeux, car combien que eut conclud & delibéré de soy retirer de l'amour de celle que ainsi lui escripuoit, si n'étoit il pas si conuertý que la chose que plus desiroit ne lui fut par cette lettre promise. Il tira son hostesse a part, & lui dit comment son maître le mandoit hastiuement, & que force lui étoit de partir tout a cette heure, & monroit bien semblant que fort lui en desplaisoit. Elle qui auparavant étoit la plus joyeuse, attendant de que tant auoit désiré deuint triste & ennuyeuse, & sans faire monstre ledit Cheualier monte a cheval, & laisse ses Compaignons deans, & avec le porteur de ces lettres vient tantost arriuer après minuit a l'hostel de sa Dame, de laquelle le mary étoit nagueres retourné de Court; & s'aprestoit pour s'aller coucher, dont Dieu sçait en quel

quel point en étoit celle que son seruiteur auoit mandé querir par ses lettres. Ce bon Cheualier que tout le jour auoit culleté sa selle , tant en la queste des lieures comme pour querir logis , sceut a la porte que le mary de sa Dame étoit venu , dont fut aussi joyeux que vous pouez penser. Si demanda a sa guide qu'il étoit de faire. Ils aduisèrent ensemble qu'il feroit semblant d'être esgaré de ses Compaignons , & que de bonne aduenture il auoit trouué cette guide que leans l'auoit adrecé. Comme il fut dit il fut fait en la male heure , & vint trouuer Monseigneur & Madame , & fit son personnaige ainsi qu'il sceut. Après boire vne fois que peu de bien lui fit on le mena en sa chambre où gueres ne dormit la nuit , & lendemain avec son hoste a la Court retourna sans rien accomplir du contenu de sa lettre dessusdite. Et vous dy bien que la ne aultre depuis il ne retourna , car tost après la Court se departit du pays & il suiuit le train , & tout fut mis a non chaloir & oubly , & ne se donna plus de mauvais temps.



LXXXII. NOUVELLE.

LA MARQUE.

OR escoutez , s'il vous plaît , qu'il aduint en la chastellenie de l'Isle d'vng bergier des champs, & d'une jeune pastourelle qui ensemble gardoient leurs brebis. Marché se porta entre eulx deulx vne fois entre les aultres a la semonce de nature que les auoit ja esleués en aage de congnoître que c'est de ce monde , que le bergier monteroit sur la bergiere pour veoir de plus loin , pourueu toutefois qu'il ne l'embroscherait non plus auant qu'elle même fit le signe de la main sur l'instrument naturel du bergier, qui fut enuiron deux fois la tête franche , & étoit le signe fait d'une meure noire qui croît sur les hayes. Cela fait ils se mettent a l'ouurage de pardieu , & bon bergier fourre dedans comme s'il ne cousta riens sans regarder marché ne promesse qu'il eut faite a sa bergiere , car tout ce qu'il auoit enseveli jusques au manche , & se plus en eut eu il trouua lieu assez pour le loger. Et la belle bergiere qui jamais n'auoit été a telz nopces , tant aise se trouuoit que jamais ne voulsit faire autre chose. Les armes furent acheuées , & se tira chascun tantost vers ses brebis qui desja étoient d'eulx eslongnées accause de leur

absence. Tout fut rassemblé & mis en bon train ,
& bon bergier que on appelloit Hacquin pour passer
temps comme il auoit de coustume , se mit en con-
trepois entre deux hayes sur vne baldichere , & la
s'esbattoit & étoit plus aise que vng Roy. La bergiere
se mit a faire vng chapellet de florettes sur la riuie
d'vng fossé & regardoit toujours disant la chanson-
nette jolie se le bergier reuiendrait point a la meure,
mais c'étoit la moindre de ses pensées , & quant elle
vit qu'il ne venoit point , elle le commence a hu-
chier. Et Hacquin Hacquin , & il respond que veux
tu , vien ça vien ça , dit-elle , si feras cela. Et Hac-
quin que en étoit saoul , & lui respondit : Ha mon
Dieu ! j'ay aussi cher de n'en faire rien , je m'esbas
bien ainsi , & la bergiere lui dit : Vien ça , Hacquin ,
je te laisserai bouter plus auant sans faire marché.
Saint Jehan , dit Hacquin , j'ai passé le signe de la
meure , aussi n'en aurez vous plus maintenant. Il
laissa la bergiere a qui bien desplaisoit de demourer
ainsi oyseuse.



LXXXIII. NOUVELLE.

LE CARME GLOUTON.

ET comme il est de coustume que par tous pays és villaiges souuent s'espandent les bons Religieulx mendiens , tant de l'Ordre des Jacobins, Cordeliers , Carmes & Augustins , pour prescher au peuple la foy catholique , blasmer & reprocher les vices , les biens & vertus exaulcer , & louer. Advint que en vne bonne petite ville en la Comté d'Artois, arriua vng Carme du Couuent d'Arras , par vng Dimanche matin ayant intenſion d'y prescher , comme il fit bien deuotement & haultement , car il étoit bon clerc & bon langaigier. Tandis que le Curé diſoit la grande Meſſe, ce maître Carme se pourme-
noit attendant que quelqu'un le fit chanter pour gagner deux patars , mais nul ne s'en aduançoit. Et ce voyant vne vielle Damoiselle veufue a que il print pitié du poure Religieulx , le fit dire meſſe , par son varlet , bailler deux patars , & encores le fit prier de diſner. Et maître Moine happa cet argent , promettant de venir au diſner comme il fit après le preschement , & que la grande Meſſe de la Paroiſſe fut finée. La bonne Damoiselle , qui l'auoit fait chanter & semondre au diſner , se partit de l'Eglise elle & sa chamberiere , & vindrent a l'hostel faire tout prest

pour recevoir le Prescheur , que en la conduite d'vng seruiteur de ladite Damoiselle vint arriuer a l'hostel où il fut reçut. Après les mains lauées , la Damoiselle lui assignast sa place , & elle se mit auprès de lui , & le varlet & la chamberiere se mirent a seruir , & de prinfault apporterent la belle porée auec le beau lart & belles trippes de porc , & vne langue de bœuf rotie , Dieu sçait comment , tantost que damp Moyne vit la viande , il tire vng beau long & large cousteau bien tranchant qu'il auoit a sa sainture, tout en disant *Benedicite* , & puis se met en besongne a la porée tout premier qu'il eut despechée , & le lart aussi cy prins , cy mis de la il se tire a ses trippes belles & grasses , & fiert dedens comme le loup fait dans les brebis. Et auant que la bonne Damoiselle son hostesse eut a moitié mangé sa porée , il n'y auoit trippes ny trip-pettes dedans le plat. Si se prent a cette langue de bœuf & de son cousteau bien trenchant , en fit tant de pieces qu'il n'en demoura oncques lopin. La Damoiselle qui tout sans mot dire , regardoit gettoit souuent l'œil sur son varlet & sa chamberiere , & eulx tout doucement soubzriant pareillement le regardoient. Elle fit apporter vne piece de bon bœuf fallé , & vne belle piece de mouton , & de bon endroit , & mettre sur la table , & ce bon Moyne que n'auoit d'appetit non plus qu'un chien venant de la chasse , se print a la piece de bœuf , & s'il auoit eu peu de pitié des trippes , & de la langue de bœuf , **encores en eut-il moins de ce beau bœuf entrelardé :**

Son hofteffe que grant plaisir prenoit a le veoir manger trop plus que le varlet & la mefchine qui entre leurs dents le mandiffoient , lui faisoit toujours emplir la taffe fi toft qu'elle étoit vuide , & penfés qu'il defcouvroit bien viande , & n'efpargnoit point le boire. Il auoit fi très grant hafte de bien fournir son pourpoint qu'il ne difoit mot , au moins fi peu que rien. Quant la piece de bœuf fut comme toute defpechée , & la pluspart de celle du mouton , de laquelle l'hofteffe auoit vng tantinet mangé , & elle voyant que son hofte n'étoit point encores faoul , fit figne a fa chamberiere que elle apportast vng gros jambon cuit du deuant. La chamberiere tout maudifant le Prêtre qui tant gourmandoit , fit le commandement de fa maitrefse , & mit le jambon a la table , & bon Moyne fans demander qui vine , frappa fus , & le naura , car de prinfault il lui trancha le jaret , & de tous points le demembra , & n'y laiffa que les os. Qui adonc eu veu le varlet & la mefchine , il n'eut eu jamais les fiebures , car il auoit dégarni tout l'hoftel & auoient grant paour qu'il ne les mangeat auffi. Pour abregier , la Dame fit mettre a table vng très bon fourmaige , & vng plat bien fourni de tartes & pomes & de fourmaige , avec la belle piece de beure frais , dont on n'en rapporta fi petit que rien. Le difner fut fait ainfi qu'auetz ouï & vint a dire graces que maître Moyne abregea plus rond que vng tiquet , fe leua fus & dit a son hofteffe Damoifelle , je vous remercie de vos biens , vous m'auca

Tenu bien aise a la votre mercy. Je pense a celui que repeut cinq mille hommes de trois pains & de deux poissons, dont demoura de relief douze corbeilles qui le vous vuëil rendre. Saint Jehan dit la chambriere qui s'auança de parler. Sire vous en pouez bien tant dire, je croy se vous eussiez été l'vng de ceulx qui furent repus, qu'on n'en eut point tant raporté de reliefs, car vous eussiez bien tout mangié & moy aussi, se je y eusse été. Vrayement, ma mye, dit le Moyne, je ne vous eusse pas mangié, mais je vous eusse bien embrochée & mise en rost, ainsi que vous pouez penser qu'on fait, la Dame commença a rire, aussi firent le varlet & la chambriere maulgré qu'ils en eussent, & notre Moyne s'en alla.

LXXXIV. NOUVELLE.

LA PART AU DIABLE.

TANDIS que quelqu'vng s'aduancera de dire quelque bon compte, j'en feray vng petit qui ne vous tiendra gueres, mais il est veritable & de nouuel aduenu. J'auoye vng Marechal qui bien & longuement m'auoit serui de son métier, il lui print voulenté de soy marier, aussi le fut-il a la plus merueilleuse femme qui fut en tout le pays, & quant il vit que par beau ne par laid il ne la pouoit oster de sa mauuaitié, il l'abandonna & ne se tint plus avec

P iij

elle , mais la fuyoit comme la tempeste. Quant elle vit qu'il la fuyoit ainsi , & qu'elle n'auoit a qui toucher ne montrer sa derniere maniere , elle se mit en la queste de lui , par tout le suiuiot Dieu sçay , disant quels mots , & l'autre se taisoit , & picquoit son chemin , & elle le suiuiot toujours & disoit plus de mots , que vng diable ne sçauroit faire a vne ame damnée. Vng jour entre les aultres , voyant que son mary ne respondoit mot a chose qu'elle lui proposast en le suiuant par la ruë , crioit tant qu'elle pouoit. Vien ça traître , parle a moy , je suis a toy. Et mon Mareschal que étoit deuant , disoit a chascun mot qu'elle disoit j'en donne ma part au diable , & ainsi la mena tout du long de la ville toujours criant je suis a toy , & l'autre disoit . j'en donne ma part au diable. Tantost après comme Dieu le permit , cette bonne femme mourut , & chascun demandoit a mon Mareschal s'il étoit courroucié de la mort de sa femme , & il leurs disoit que jamais si grant heur ne lui aduint , & que se Dieu lui eut donné vng souhait a son desir , il eut demandé la mort de sa femme , laquelle il disoit être si très mauuaise , que se je la sçauoy en Paradis , je n'y voudroye jamais aller tant qu'elle y fut , car impossible seroit que paix fut en nulle assemblée où elle fut , mais je suis seur qu'elle est en Enfer , car oncques chose crée n'aproucha plus a faire la maniere des diables qu'elle faisoit , & puis on lui disoit vrayement il vous faut remarier & enquerre vne bonne & paisible ; me marier , disoit-il ,

j'aimeroye mieulx me aller pendre au gibet que jamais me reboutter au dangier de trouuer l'Enfer que j'ay la Dieu mercy a cette heure passé. Ainsi demoura & est encores , ne sçay qu'il fera le temps aduenir.

LXXXV. NOUVELLE.

LE CURÉ CLOÛÉ.

DEPUIS cent ans en ça ou enuiron en ce pays de France est aduenu en vne bonne & grosse Cité, vne joyeuse aduenture que je mettray ici pour accroître mon nombre. Et aussi pource qu'elle est digne d'être ou rang des aultres. En ladite bonne ville auoit vng Orfeure marié, de que la femme étoit belle & gracieuse, & avec tout ce très amoureuse d'vng Seigneur d'Eglise son propre Curé, que ne l'aimoit rien moins que elle lui, mais de trouuer la maniere comment ils se pouroient joindre amoureusement ensemble, fut très difficile combien que en la fin fut trouuée, & par l'engin de la Dame en la façon que je vous diray. Le bon mary Orfeure étoit tant allumé & ardent en conuoitise d'argent, qu'il ne dormoit vne seule heure de bon somme. Pour labourer chascun jour se leuoit vne heure ou deux deuant le jour, & laissoit sa femme prendre sa longue

178 *LE CURE CLOUE.*

craftine jusqu'a huit ou neuf heures , ou si longuement qu'il lui plaisoit. Cette bonne amoureuse voyant son mary continuer chascun jour la diligence & entente de soy leuer pour ouurer & marteller , s'aduifa qu'elle emploiroit son temps avec son Curé où elle étoit abandonnée de son mary , & que a telle heure foudit amoureux la pouuoit visiter sans le sçeu de son mary , car la maison du Curé tenoit a la sienne sans moyen , la bonne maniere fut descouuerte & mise en termes a notre Curé que la prisa très bien , & lui sembla bien que aisement la feroit. Ainsi doncques que la façon fut trouuée & mise en termes ainsi fut-elle executée , & le plustost que les amans peurent , & la continuerent aulcun temps qui dura assez longuement ; mais comme fortune ennuyeuse peult être de leur bien & de leurs doux passetemps , leurs voulut leur cas descourir en la maniere que vous orrez. Ce bon Orfeure auoit vng seruiteur que étoit amoureux & jaloux très amèrement de sa Dame , & pource que très souuent auoit apperceu notre maître Curé parler a sa Dame , il se doubtoit très fort de ce qu'il étoit. Mais la maniere comment se pouoit faire il ne le sçauoit imaginer , si n'étoit que notre Curé venit a l'heure qu'il forgeoit au plus fort avec son maître. Cette imagination lui heurta tant la tête , qu'il fit le guet & se mit aux escouttes pour sçauoir la verité de ce qu'il querroit. Il feist si bon guet qu'il apperceut & eut vraye experience du fait. Car vne matinée il vit le Curé venr

LE CURE CLOUE. 179

tantost après que l'Orfeure fut vuidé de sa chambre & y entrer , puis fermer l'huis. Quant il fut bien assuré que sa suspicion étoit vraie , il se descourrit a son maître , & lui dit en cette maniere : Mon maître ie vous fers de votre grace , non pas seulement pour gagner votre argent , manger votre pain , & faire bien & loyalement votre besongne , mais aussi pour garder votre honneur , & se aultrement faisoie digne ne seroye d'être votre seruiteur , j'ay eu des pieça suspicion que notre Curé ne vous fit desplaisir & si le vous ay celé jusques a cette heure , & afin que ne cuidiez que je vous vueil troubler en vain , je vous prie que nous allions en votre chambre , & je sçay de vray que nous l'y trouuerons. Quant le bon homme ouit ces nouvelles , il se tint très bien de rire , & fut bien content de visiter sa chambre en la compaignie de son varlet qui lui fit promettre qu'il ne tueroit point le Curé. Car aultrement il n'y vouloit aller. Ils monterent en sa chambre qui fut tantost ouuerte , & le mary entre le premier , & vit que Monseigneur le Curé tenoit sa femme entre ses bras , & vit qu'il forgeoit ainsi qu'il pouoit , si s'escria disant , a mort ribault que vous a ici boutté. Le pource Curé fut bien esbahy & demanda mercy. Ne sonnez mot ribault Prêtre ou je vous tueray a cette heure dit l'Orfeure. Faites de moy ce qu'il vous plaira dit le pource Curé , par l'ame de mon Pere anant que meschappés je vous metteray en tel état que jamais n'aurez volenté de marteler sur enclume feminine.

180 *LE CURE' CLOUE'.*

Le pource malheureux fut lié par ses deux ennemis si bien qu'il ne pouoit rien mouuoir que la tête , puis il fut porté en vne petite maisonnette derriere la maison de l'Orfeure & étoit la place où il fondoit son argent. Quant il fut au lieu , l'Orfeure enuoya querir deux grands cloux a large tête , desquels il attacha au long du banc les deux marteaux qui auoient forgé en son absence sur l'enclume de sa femme , & puis le dessia de tous points , cy prist après vne poignée d'eltrain , & boutta le feu en sa maisonnette , puis il s'enfuit en la ruë crier au feu. Quant le Prêtre se vit enuironné de feu , & que remede n'y auoit qu'il ne lui faillit perdre ses genitoires ou être brulé , si s'en courut & laissa sa boure cloué ; l'effroy du feu fut tantost eleué par toute la ruë , si venoient les voisins pour l'estaindre , mais le Curé les faisoit retourner disant qu'il en venoit , & que tout le dommage qui en pouoit aduenir étoit ja aduenu , mais il ne disoit pas que le dommage lui competoit. Ainsi fut le pource amoureux Curé fallarié du seruice qu'il fit a amours par le moyen de la faulx & traître jalousie comme vous auez ouï.



LXXXVI. NOUVELLE.

LA TERREUR PANIQUE,
OU L'OFFICIAL JUGE.

N A G U E R E S en la ville de Roüen , puis peu de temps en ça vng jeune homme print en mariage vne jeune tendre fille aagée de quinze ans ou environ. Le jour de leur grant fête , c'est a sçauoir des nopces la mere de cette fille pour garder & entretenir les cerimonies accoutumées en tel jour , escola & introduit la Dame des nopces , & lui aprint comment elle se devoit gouverner pour la premiere nuit avec son mary. La belle fille a que tardoit l'attente de la nuit dont elle receuoit la doctrine , mit grosse paine & grande diligence de retenir la leçon de sa bonne mere , & lui sembloit bien que quant l'heure seroit venuë où elle deuroit mettre a execution cette leçon qu'elle en feroit si bon devoir que son mary se louëroit d'elle , & en seroit très content. Les nopces furent honorablement faites en grande solemnité , & vint la desirée nuit & tantost après la feste faillie , que les jeunes gens furent retraits , & qu'ils eurent prins le congié du sire des nopces , & de la Dame , la bonne mere , les cousines , voisins , & aultres priuées femmes prirent notre Dame des nopces , & la menerent en la chambre où elle deuoit coucher

182 LA TERREUR PANIQ.

pour la nuit avec son espouſé , où elles la deſarmèrent de ſes atours joyeux , & la firent coucher , ainſi qu'il eſt de raiſon , puis lui donnerent bonne nuit , l'une diſant : Ma mye Dieu vous doit joye & plaifir de votre mary , & tellement vous gouverner avec lui que ce ſoit au ſalut de vos deux ames , l'autre diſant : Ma mye Dieu vous doit telle paix & con corde avec votre mary que puiſſiez faire œuvre dont les ſaints cieulx ſoient remplis , & ainſi chaſcune faiſant ſa priere ſe partit. La mere que demoura la derniere reduit a memoire ſon eſcoliere ſur la doctrine & leçon que aprins lui auoit , lui priant que penſer y vouliſt , & la bonne fille que n'auoit pas ſon cueur ainſi que l'en dit communement , en ſa chauffe , reſpondit que très bonne ſouuenance auoit de tout , & que bien retenu l'auoit Dieu mercy. C'eſt bien fait , dit la mere , or je vous laiſſe & recommande a la garde de Dieu , belle fille. Adieu ma bonne & ſaige mere. Si toſt que la maitreſſe d'eſcole fut vuidée , notre mary qui n'attendoit a l'huis autre choſe entra dedans , & la mere l'enferma & tira , & lui dit qu'il ſe gouverna doucement avec ſa fille , il promit que auſſi feroit-il , & ſi toſt que l'huis fut fermé , lui que n'auoit plus que ſon pourpoint en ſon dos , le ruë juſ & monte ſur le lit , & ſe joint au plus près de ſa Dame des nopces , la lance au poing & lui preſente la bataille , a l'aprocher de la barriere où l'eſcarmouche ſe deuoit faire , la Dame print & empoigna cette lance droite & roide comme

ung cornet de vachier , & tantost qu'elle la sentit ainsi dure & de grosseur très bonne , elle fut bien esbahye , & commença a s'escrier très fort , en disant que son ecu n'étoit pas assez puissant pour recevoir & soutenir les horions de si gros fust. Quelque deuoir que nostre mary peut faire , ne peut trouuer la maniere de être receu a cette iouste , & en cet estrif la nuit se passa sans riens besongner , que despleut moult a notre sire des nopces. Mais au fort il print en patience , esperant tout recouurer la nuit prochaine où il fut autant oüi que a la premiere & ainsi a la troisiéme , & jusques a la quinsiéme , où les armes furent accomplies comme je vous diray. Quant les quinze jours furent passés , que nos deux jeunes gens furent mariés , combien qu'ils n'eussent tenus encore ensemble mesnage , la mere vint visiter son escoliere , & après entre mille deuises qu'elles eurent ensemble parlé , elle parla de son mary & lui demanda quel homme il étoit , & s'il faisoit bien son deuoir , & la fille disoit qu'il étoit très bon homme doux & paisible. Voire mais disoit la mere , fait-il bien ce que l'en doit faire , oüi , disoit la fille , mais quels , mais , il y a à dire en son fait dit la mere , ie l'entens bien , dictes le moy & ne me le celés point car je veulx tout sçauoir a cette heure. Est-il homme pour accomplir le deu , où il est obligé par mariage & dont je vous ay baillé la leçon. La bonne fille fut tant pressée qu'il lui conuint dire que l'en n'auoit encores riens besongné , mais elle tai-

soit qu'elle fut cause de la dilacion , & que toujours eut refusé la jousterie. Quant la mere entendit ces douloureuses nouvelles , Dieu sçait quelle vie elle mena , disant que par ses bons Dieux elle y mettroit remede , & brief aussi que tant auoit-elle bonne acointance a Monseigneur l'Official de Rouën qui lui seroit ami , & fauorisant a son bon droit. Or ça ma fille , dit-elle , il vous conuient desmarier , je n'en fais nulle doubte que ie n'en treuve bien la façon , & soyez seure que auant qu'il soit deux jours vous le laisserez , & de cette heure vous feray auoir vng autre homme qui si paisible ne vous laissera pas , laissez moy faire , cette bonne femme a demi hors du sens vint compter ce grant meschief a son mary pere de la fille , dont ie fais mon compte , & lui dit bien comment ils auoient bien perdu leur belle & bonne fille , amenant les raisons pourquoy & comment & conclüant aux fins de la desmarier. Tant bien compta sa cause que son mary se tira de son costé , & fut content que l'en fit citer notre nouveau marié que ne sçauoit rien de ce que ainsi l'en se plaignoit de lui , sans cause toutefois il fut cité personnellement a comparoir allencontre de Monseigneur le Promoteur , a la Requête de sa femme , & par deuant Monseigneur l'Official pour quitter sa femme , & lui donner licence d'autre part se marier ou alleguer les causes pourquoy en tant de jours qu'il auoit été avec elle n'auoit montré qu'il étoit homme comme les autres , & fait ce qu'il appartient aux mariés. Quant

le jour fut venu les parties se presenterent en temps & en lieu ils furent huchiez a dire leurs causes. La mere a la nouvelle mariée , commença a compter la cause de sa fille , & Dieu sçait comment elle allegue les loix que l'en doit maintenir en mariage , lesquelles son gendre n'auoit accomplies ne d'elles vsé , parquoy requerroit qu'il fut desjoint de sa fille ; & dès cette heure même sans faire long procès. Le bon jeune homme fut bien esbahy quant ainsi ouït blasonner ses armes : mais gueres n'attendit a respondre aux alleguacions de son aduersaire , & froidement de maniere rasise compter son cas , & comment sa femme lui auoit fait refus quant il auoit voulu faire le deuoir de mariage. La mere oyant ses responce plus marrie que deuant combien que a peine le vouloit croire , demanda a sa fille se il étoit vray ce que son mary auoit respondu , & elle dit vrayment mere ouïi. Ha malheureuse dit la mere , comment l'avez vous refusé ne vous auois-je pas dit par plusieurs fois votre leçon. La pource fille ne sçauoit que dire tant étoit honteuse. Toutefois dit la mere , ie vuëil sçauoir la cause pourquoy vous avez fait refus ou se ne le me dites , vous me ferez couroucier mortellement. La fille dit tout couuertement & en jugement , que pource qu'elle auoit trouué la lance de son champion si grosse , ne lui auoit osé bailler l'escu , doutant qu'il ne la tuast comme encores elle en doubtoit , & ne se vouloit demouuoir de cette doute combien que sa mere lui disoit que

doubter n'en deuoit. Et après ce adresse sa parole au Juge en disant : Monseigneur l'Official vous auez ouï la confession de ma fille , & les deffences de mon gendre , je vous requiers rendez en votre sentence diffinitive. Monseigneur l'Official pour appointment fit faire vng lit en sa maison , & ordonna par arrest que les deux mariés yroient coucher ensemble , enjoignant a la mariée qu'elle empoigna chaudement le bourdon ou oustiel , & qu'elle le mit au lieu où il étoit ordonné. Et quant celle sentence fut rendue , la mere dit grant mercy , Monseigneur l'Official , vous auez très bien jugé. Or auant dit la mere , ma fille faites ce que vous deuez faire , & gardez de venir allencontre de l'appointment de Monseigneur l'Official , mettez la lance au lieu où elle doit être. Et je suis au fort contente , dit la fille , de la mettre où il fault , mais s'elle y devoit pourir ie ne l'en retireray ne sacqueray ja. Ainsi se partirent de jugement , & allèrent mettre a execution la sentence sans Sergent , car eux mêmes firent l'exécution , par ce moyen notre gendre vint a chief de cette jousterie dont il fut plustost saoul que celle qui n'y vouloit entendre.



LXXXVII. NOUVELLE.

LE CURÉ DES DEUX.

EN vne bonne ville du pays de Hollande , avoit
En'a pas cent ans vng Cheualier logié en vne belle
& bonne hostellerie , où il y auoit vne très belle
jeune fille chamberiere servante de laquelle il étoit
très amoureux , & pour l'amour d'elle il auoit tant
fait au Fourrier du Duc de Bourgogne , que cet ho-
stel lui auoit deliuré afin de mieulx pourchasser sa
queste , & venir aux fins où il contendoit , & où
amours le faisoient encliner , quant il eut été enui-
ron cinq ou six jours en cette hostellerie lui suruint
par accident vne malheureuse aduenture. Car vne
maladie le print en l'œil si grieue , qu'il ne le pouoit
tenir ouuert , ne en vser tant étoit aspre la douleur ,
& pource que très fort doutoit le perdre , même-
ment que c'étoit le membre où il deuoit plus de
guet , manda le Chirurgien de Monseigneur le Duc
de Bourgogne que pour ce temps étoit a la ville ,
& deuez sçauoir que ledit Chirurgien étoit vng gen-
til Compaignon Escuyer tout fait & bien & duit de
son mestier , car sifost que le maître Chirurgien vit
cet œil il le jugea comme perdu , ainsi que par ad-
uenture ils sont coutumiers de juger des maladies ;

Q ij

afin que quant ils les ont sanées & gueries , ils en rapportent plus de prouffit tout premier , & secondement plus de louïange. Le bon Cheualier a que desplaïsoit d'oüir telles nouvelles , demanda s'il n'y auoit point de remede a le guerir , & l'aulture respondit que très difficile seroit , neantmoins il oseroit bien entreprendre a le guerir avec l'aide de Dieu , mais qu'on le voulsit croire. Se me voulez deliurer de ce mal sans perte de mon œil je vous donneray bon vin , dit le Cheualier. Le marchié fut fait , & entreprit le Chirurgien a guerir cet œil Dieu deuant & ordonna les heures qu'il viendrait chascun jour pour le mettre a point. A chacune fois que notre Chirurgien visitoit notre malade , la belle chamberiere le compiaignoit , & aidait a remuer le pource patient. Se ce bon Cheualier étoit feru auant de cette chamberiere si fut le Chirurgien que toutes les fois qu'il venoit faire la visitation fïchoit ses doux regards sur le beau & poly vifage de celle chamberiere , & tant fort si ahurta qui lui déclara son cas , & en eut très bonne audience & de prin fault , on lui accorda sa requeste , mais la maniere comment l'en pouoit mettre a execution ses ardens desirs on ne le sçauoit trouuer. Or toutefois a quelque peine que ce fut façon fut trouuée par la prudence du Chirurgien que fut telle. Je donneray dit-il a entendre a Monseigneur le patient que son œil ne se peut guerir ce n'est que son œil soit caché , car l'usage qu'il a de regarder empêche la guaison de l'aulture malade. S'il est content , dit-il , qu'il

soit caché comme l'autre , ce nous fera la plus convenable voye du monde pour prendre nos delits & plaissances , & mesmement en sa chambre , afin que l'on y prenne moins de suspicion. La fille que auoit aussi grant desir que le Chirurgien prisa très bien ce conseil ou cas que ainsi ce pouroit faire , nous l'essayons dit le Chirurgien. Il vint a l'heure accoutumée veoir cet œil malade , & quant il eut descouvert il fit bien de l'esbahi. Comment , dit-il , je ne vis oncques tel mal , cet œil cy est plus lait qu'il n'étoit il y a quinze jours , certainement Monseigneur , il sera bon mestier que vous ayez patience. Comment dit le Cheualier. Il faut que votre bon œil soit couuert & caché tellement qu'il n'ait point de lumiere vne heure ou enuiron incontinent que j'auray assis l'emplastre , & ordonné l'autre , car en verité il l'empêche a guerir sans doubte. Demandez a cette belle fille que la veu chascun jour que je l'ay remué comment il amende , & la fille disoit qu'il étoit plus lait que parauant. Or ça , dit le Cheualier , je vous abandonne tout , faites de moy ce qu'il vous plaît , je suis content de cligner l'œil , & de faire tant que l'en vouldra , mais que guarison s'ensuiue. Les deux amans furent adonc bien joyeux quant ils virent que le Cheualier étoit content d'auoir l'œil caché. Quant il fut appointé & qu'il eut les yeux bandés maître Chirurgien fainst se partir , & dit adieu comme il auoit de coutume , promettant tantoit de reuenir pour descourir cet œil. Il n'alla gueres loin , car

assez près de son patient sur vne couche getta sa Dame , & d'autre planette qu'il n'auoit regné sur l'œil du Cheualier , visita les cloistres secrets de la chamberiere , trois ou quatre fois maintint cette maniere de faire enuers cette belle fille , sans que le Cheualier s'en donna garde , combien qu'il en ouït la tempeste. Mais il ne sçait que ce pouoit être jusqu'a la sixième fois qu'il se doubra pour la continuation a laquelle fois quant il ouït le tabourement & noise des combattans , il arracha bande & emplastre , & vit les deux amoureux qui se demenoient tellement l'vng contre l'autre , que il sembloit proprement qu'ils d'eussent manger l'vng l'autre tant joignoient leurs jambes ensemble. Et qu'esse la maître Chirurgien , dit le Cheualier , m'avez vous fait jouer a cligne mufette pour me faire ce desplaisir , mon œil doit-il être guery par ce moyen , que dites vous , & maître Chirurgien part & s'en va , & oncques puis le Cheualier ne le manda aussi , il ne retourna point querir son payement de ce qu'il auoit fait a l'œil de notre patient , car bien sallarié se tenoit par sa Dame qui fort gracieuse & abandonnée étoit , & a tant fais fin de ce present compte.



LXXXVIII. NOUVELLE.

LE COCU SAUVÉ.

EN vne petite ville cy entour que je ne vuëil pas nommer est nagueres aduenü l'aduenture dont je vous fourniray cette nouuelle. Il y auoit vng simple & rude payfan , marie a vne plaisante & gente femme , laquelle laissoit le boire & le manger pour aimer par amour , le bon mary auoit d'vsage de demourer très souuent és champs en vne maison qu'il y auoit , aucunes fois trois jours aucunes fois quatre , aucunes fois plus , ainsi que lui venoit a plaisir , & laissoit sa femme prendre du bon temps a la bonne ville. Car afin qu'elle ne se espouuentaist , elle auoit toujours vng homme que gardoit la place du bon homme , & entretenoit son deuant de paour que le roüil n'y vint. La reigle de cette bonne bourgeoise étoit d'attendre son mary jusques a ce que l'en ne voyoit gueres , & jusques a ce qu'elle se tenoit seure de son mary qu'il ne retournoit point , ne laissoit venir le lieutenant de paour que trompée ne fut , elle ne sceut mettre si bonne ordonnance en sa regle accoutumée que trompée ne fut ; car vne fois ainsi que son mary avoit demouré deux ou trois jours & pour le quatriéme auoit attendu aussi tard qu'il étoit possible avant la porte close , cuidant que pour ce

192 LE COCU SAUVE.

jour il ne deult point retourner , si ferma l'huis & les fenestres comme les aultres jours , & mit son amoureux au logis & commencent a boire d'autant , & faire chiere tout oultre. Gueres assis n'auois été a la table que notre mary vint huchier a l'huis tout esbahy qu'il le trouuoit fermé , quant la bonne Dame l'ouït fit sauuer son amoureux sous le lit pour le plus abregier , puis vint demander a l'huis que auoit heurté. Ouurez , dit le mary. Ha mon mary , dit-elle , êtes vous la , ie vous devoies demain enuoyer vng messaiger comment ne retournissiez point , quelle chose y a-t-il , dit-il , quelle chose , dit-elle. Helas les Sergens ont été ceans plus de deux heures & demie vous attendant pour vous mener en prison , en prison , dit-il , & comment en prison , quelle chose ay-je meffait , a qui dois-je ? qui se plaint de moy , certes je n'en sçay rien , dit la rusée , mais ils auoient grant vouloir & desir de mal faire , il sembloit qu'ils voulussent tuer vng Carefme si fiers étoient-ils. Voire , se disoit-il , nos amis ne vous ont ils point dit quelque chose qu'ils me vouloient. Nenny , dit-elle , fors que s'ils vous tenoient vous n'eschapperiez de la prison deuant longtems. Ils ne me tiennent encores gas Dieu mercy. Adieu je m'en retourne. Où yrez-vous , dit-elle , que ne demandoit autre chose , dont je viens dit-il , je yrai doncques avec vous dit-elle. Non ferez gardez bien & gracieusement la maison , & ne diètes point que j'aye ici été ; puisque vous voulez retourner aux champs ,
dit-elle ,

dit-elle , hastez-vous avant que l'on ferme la porte , il est ja bien tard , quant elle seroit fermée si sera tant le portier, dit-il , pour moy qu'il la me ouvrira très volentiers. A ces mots il se partit , & quant il vint a la porte il la trouua fermée , & pour priere qu'il sceut faire , le portier ne la voulut ouvrir , si fut bien mal content de ce qu'il conuenoit qu'il retournaſt a ſa maiſon doubtant les ſergens , touteſois failloit il qu'il y retournaſt ſ'il ne vouloit coucher ſur les rues. Il vint arriere heurter a ſon huis , & la Dame que faiſoit la ratelee avec ſon amoureux fut plus eſbahye que deuant , elle ſault ſus & vint a l'huis tout eſperdue , diſant mon mary n'eſt point reuenu , vous perdez temps, ouurez , ouurez , dit-il , ma mye ce ſuis je , helas helas vous n'avez point trouué la porte ouuerte , ie m'en doubtoy ie bien , dit-elle , veritablement , ie ne vois remede en vòtre fait que ne ſoyez prins , car les ſergens me dirent , il m'en ſouviendront maintenant qu'ils retourneroient ſur la nuit. Or ça , dit-il , il n'eſt meſtier de long ſermon aduiſons ce qu'il eſt raiſon de faire. Il vous fault muſſer quelque part ceans , dit-elle , & ſi ne ſçai lieu ne retraite où vous puiſſiez être bien aſſeuré. Serois je point bien , dit l'autre , en notre coulombier , que me chercheroit la , & elle que fut moult joyeuſe de cette inuencion & expedient ſeignànt touteſois , dit le lieu n'eſt grain honneſte il y fait trop puant. Il ne me chault , dit il , j'aime mieulx me bouter la pour vne heure ou deux , & être ſauué que en aultre hon-

neste lieu où ie seroye par aduventure trouué. Or ça ,
 dit-elle , puis que vous auez ce ferme courage ie suis
 de votre opinion. Ce vaillant homme monta en ce
 coulombier qui se fermoit par dehors a clef & se fit
 illec enfermer , & pria sa femme que se les sergens
 ne venoient tantost , elle le mit dehors. Notre bon-
 ne bourgeoise habandonna son mary , & le laissa
 toute la nuit racouler avec les coulons qui ne plai-
 soit gueres & toujours doubtoit ces sergens. Au point
 du jour qu'il étoit heure que l'amoureux se despartit
 cette bonne preude femme vint huchier son mary &
 lui ouvrit l'huis qui demanda comment on l'auoit
 laissé si longuement tenir compaignie aux coulons ,
 & elle qui étoit faite & pourueüe de bourdes , lui
 dit que les sergens auoient toute la nuit veillé autour
 de leur maison , & que plusieurs fois auoit à eux de-
 nisé , & qu'ils ne faisoient que partir , mais ils auoient
 dit qu'ils viendroient a telle heure qu'ils le trouue-
 roient. Le bon homme bien esbahy quelle chose ser-
 gens lui pouoient vouloir si partit incontinent & re-
 tourna aux champs promettant que de long temps
 ne reuiendroît. Et Dieu sçait que la gonge le print
 bien en gré , combien que s'en monstroît doulou-
 reuse , & par tel moyen elle se donna meilleur temps
 que denant , car elle n'auoit quelque soing sur le re-
 tour de son mary.

LXXXIX. NOUVELLE.

LES PERDRIX

CHANGÉES EN POISSON.

EN vng certain petit hamelet ou village de ce monde, assez loin de la bonne ville, est aduenue vne petite histoire qui est digne de venir en l'audience de vous, mes bons Seigneurs. Ce village ou hamelet étoit habité d'vng moncelet de rudes & simples payfans que ne sçauoient comment ils deuoient viure, & se bien rudes & non saichans étoient, leur Curé ne l'étoit pas vne once moins. Car lui-même failloit a congnoistre ce qui étoit de nécessaire a tous generalmente comme ie vous en donneray l'experience par vng cas qu'il lui aduint. Vous deuez sçauoir que ce Prêtre Curé comme j'ay dit auoit sa sette assublée de simplesse si parfaite, qu'il ne sçauoit point annoncer les festes des Saints qui viennent chascun an, en ung jour determiné comme chascun sçait. Et quant les Paroissiens demandoient quant la feste seroit, il failloit bien coup a coup a ce dire vrayement, & entre aultres telles fautes que souuent aduenoient en fis vne qui ne fut pas petite. Car il laissa passer cinq sepmaines du Carême sans l'annoncer a ses Paroissiens. Mais entendez comment il

R ij

se apperçut qu'il auoit failly. Le Samedi que étoit la nuit de la blanche Pâques que l'en dit Pâques fleuries, lui vint voulté d'aller a la bonne ville pour aulcune chose qui lui besongnoit. Quant il entre en la ville en cheuauchant parmi les ruës, il apperçut que les Prêtres faisoient prouision de Palmes & autres verdures, & veoit que au marché on les vendoit pour seruir a la Procession pour lendemain. Qui fut bien esbahy ce fut le Curé, combien qu'il semblant n'en fit. Il vint aux femmes que vendoient ces Palmes ou bois, en achepta faisant semblant que pour aultre chose ne fut-il venu a la bonne ville, & puis monta harinément a cheual chargé de sa marchandise, & picque a son village & le plustost que possible lui fut, il s'y trouua, auant que il fut descendu de dessus son cheual, il rencontra aulcuns de ses Paroissiens ausquels il commanda que l'en alast sonner les cloches, & que chascun vint a l'Eglise de cette heure: car il leurs vouloit dire aulcunes choses nécessaires pour le salut de leurs ames. L'assemblée fut tantost faite, & se trouua chascun en l'Eglise, Monseigneur le Curé tout housé & espéronné vint bien embesongné Dieu le sçait, il monta en son prosne, & dit les motz qui s'ensuiuent. Mes bons Seigneurs, ie vous signifie & vous fais a sçauoir que aujourd'huy a été la veille & sollemnité de la feste de Pâques fleuries, & de ce jour en huit prochain, vous aurez la veille de la grant Pâques que l'en dit la Resurrection nostre Seigneur.

Quant ces bonnes gens ouïrent ces nouvelles , commencerent a murmurer , & eux esbahir très fort comment ce pouoit faire. Mot dit le Curé je vous appaiserai bien tantost , & vous dirai vrayes raisons pourquoy vous n'avez que huit jours de Carefme a faire vos penitences pour cette année , & ne vous esmayez ja de ce que je vous diray , & que le Carefme est ainsi venu tard. Je tiens qu'il n'y a celui de vous qui ne sçache bien , & soit records comment les froidures ont été longues & aspres , cette année merueilleusement plus que oncques mais , & long temps a qu'il ne fit aussi perilleux & dangereux cheuaucher comme il a fait tout l'hyuer pour les verglats & neiges que ont longuement durés. Chascun de vous sçait ceoy être vray comme l'Evangile , pourquoy ne vous donnez merueilles de la longue demourée de Carefme , mais esmerueillez vous aincoys comment il a peu venir mesmement que le chemin est très long jusqu'a sa maison. Si vous prie que le vueillez tenir pour excusé , & même il vous en prie , car aujourd'huy j'ay disné avec lui & leurs nomma le lieu , c'est a sçauoir la ville où il auoit été , & pourtant , dit-il , disposez vous cette sepmaine de venir a confesse , & de comparoir demain a la Procession comme il est de coustume , & ayez patience cette fois , l'année que viendra se Dieu plaist sera plus doulce , parquoy il viendra plustost ainsi qu'il a d'usage chascun an. Ainsi Monseigneur le Curé trouua le moyen d'excuser sa simplessse & ignorance , & leurs donna la be-

nediction , disant priez Dieu pour moy & ie prieray Dieu pour vous. Ainsi descendit de son Progne , & s'en alla a sa maison appointer son bois & ses palmes pour les faire lendemain servir a la Procession & puis ce fut tout.

X C. NOUVELLE.

LA BONNE MALADE.

POUR accroistre & employer mon nombre des nouvelles que j'ay promises compter & descrire , j'en mettray icy vng dont la venue est fresche. Au pays de Brabant qui est celui du monde où les bonnes adventures aduiennent le plus souvent , auoit vng bon & loyal Marchand de que la femme étoit itès fort malade & gisante pour la griefueté de son mal continuellement sans abandonner le lit. Ce bon homme voyant sa bonne femme ainsi atteinte & languissante menoit la plus douloureuse vie du monde tant marry & desplaisant étoit qu'il ne pouoit plus , & auoit grant doubte que la mort ne l'en fit quitte , en cette doleance , perseuerant & doubtant la perdre , se vint rendre près d'elle & lui donnoit esperance de guarison , & la reconfortoit au mieulx qu'il scauoit , l'amonestant de penser au sauement de son ame. Et après qu'il eut aulcun petit de temps deuisé avec elle , & finé ses admonestemens & exortacions lui

cria mercy en lui requerant que s'aucune chose lui auoit meffait qu'il lui fut par elle pardonné entre les cas où il sentoit l'auoir couroucé, lui declara comment il étoit bien records qu'il l'auoit troublée plusieurs fois, & très souuent, de ce qu'il n'auoit besongné sur son harnois que l'en peut bien appeller cuir a chair toutes les fois qu'elle eut bien voulu, & mêmes que bien le sçauoit, dont très humblement requeroit pardon & mercy. Et la pource malade ainsi qu'elle pouoit parler, lui pardonnoit les petits cas & legiers, mais ce derrain ne pardonnoit elle point volentiers sans sçauoir les raisons qui auoient meu & induit son mary a non lui fourbir son harnois quant mêmes il sçauoit bien que c'étoit le plaisir d'elle, & que elle ne apetoit aultre chose ne demandoit. Comment, dit-il, voulez vous mourir sans pardonner a ceux que vous ont meffait? Je suis bien contente de le pardonner, mais je ne sçay qui vous a meu, autrement ie ne le pardonneray point. Le bon mary pour trouner moyen d'auoir pardon cuidant bien faire la besongne lui commença a dire ma mye, vous sçauiez bien que par plusieurs fois auez été malade & deshaitée, combien que non pas tant que maintenant ie vous voy, & durant la maladie ie n'ay jamais tant osé presumer que de vous requerre de bataille, ie doubroye qu'il ne vous en fut du pire, & soyez toute seure que ce que j'en ay fait amour le ma fait faire. Taisez-vous, menteur, dit cette pource patiente, oncques ne fus si malade

200 *LA BONNE MALADÉ.*

ne si deshaitée, pourquoy j'eusse fait refus de combattre a vous, querez aultre moyen si vous voulez auoir pardon, car cestuy-cy ne vous aidera ja, & puis qu'il vous conuient tout dire, meschant & lasche homme que vous êtes & aultres ne fustes oncques. Pensez-vous que en ce monde soit medecine qui puisse plus ayder ne susciter la maladie d'entre nous femmes, me voyez vous bien deffaite & seiche par griefueté de mal aultre chose ne me est necessaire sinon compaignie de vous. Ho dit l'autre, je vous gueriray prestement. Il sault sur ce lit, & besongna le mieulx qu'il peut, & tantost qu'il eut rompu deux lances, elle se lieue, & se mit sur ses pieds. Puis demie heure après allast par les rues, & ses voisines que la cuidoient comme morte furent très esmerueillées jusqu'à ce qu'elle leurs dit par quelle voye & comment elle étoit reuinée, qu'ils dirent tantost qu'il n'y auoit que ce seul remede. Ainsi notre bon Marchand aprint a guarir sa femme qui lui tourna a grant prejudice, car souuent faignoit être malade pour receuoir la medecine.



XCI. NOUVELLE.

LA FEMME

OBEISSANTE.

AINSI que j'estoye naguères en la Comté de Flandres en l'une des plus grosses villes du Pays, vng gentil Compaignon me fit vng joyeux compte d'vng homme marié de qui sa femme étoit tant luxurieuse & chaude sur le potage & tant publique qu'a paine étoit elle contente qu'on la coingnast en plaines rues auant qu'elle ne le fut, son mary sçauoit bien que de celle condicion étoit, mais de subtilité pour querir remede a lui donner empêchement il ne sçauoit trouuer, tant étoit a ce joly mestier rusée. Il la menassoit de la battre & de laisser seule, ou de la tuer. Mais querés que le face, autant eut il profité a menasser vng chien enraigé ou quelque aultre bête. Elle se pourchassoit a tous les & ne demandoit que hutin, il y auoit bien pou d'hommes en toute la contrée où elle repairoit pour étaindre vne seule étincelle de son grant feu, & quiconques la bargingnoyt, il avoit aussi bien a creance que a argent sec, fut homme bossu ou vicieux, contrefait ou aultre quelque defiguran-

ce brief nul ne s'en alloit sans dantées reporter. Le pource mary voyant cette vie continuer, & que toutes ces menasses ny prouffitoient riens il s'aduifa qu'il l'épouuenteroit par vne maniere qu'il trouua. Quant il la peut auoir seule en sa maison, il lui dit, or ça Jehanne ou Beatrix ainsi qu'il l'appelloit, ie uoy bien que uous êtes obstinée en votre meschance, & que quelque menasse que ie vous face ou punicion vous n'en tenez non plus de compte que se ie m'en taisoye. Helas mon mary, dit-elle, en bonne foy j'en suis la plus marrie, & trop me desplaît, mais ie ny puis mettre remede, car ie suis née en telle planette pour être preste & seruante aux hommes. Voire dea, dit le mary, y êtes vous ainsi destinée, sur ma foy ie ay bon remede & hastif, vous me tuerez donc, dit-elle, aultre remede n'y a, laissez moi faire, dit-il, ie sçay bien mieulx, & quoy, dit-elle, que ie le saiche, par la mort bieu, dit-il, ie vous hocheray vng jour tant, que ie vous bourteray vng quarteron d'enfans dedens le ventre, & puis ie vous abandonneray, & les vous laisseray toute seule nourir, vous, dit-elle, voire, mais où prins, vous n'avez pas pour commencer, telles menasses m'épouuantent bien pou, ie ne vous crains de cela pas vng niquet, se j'en demarche ie veulx que l'en me tonde en croix, & s'il vous semble que ayez puissance de ce faire, auancez vous, & commencez de cette heure ie suis prête pour livrer le mqule. Au diable de telle femme, dit le mary,

qu'on ne peut par quelque voye corriger. Il fut contraint de la laisser passer sa destinée, & il se fut plutoſt eſceruelé & fendu la tête pour la reprendre que lui faire tenir coy le derriere, parquoy la laiſſa courre comme vne liſſe entre deux doulzaines de chiens & accomplir tous ſes vouloirs & deſordonnés deſirs.

XCII. NOUVELLE.

LE CHARIVARI.

EN la Gité de Metz en Lorraine auoit puis certain temps en ſa vne bonne bourgeoïſe mariée qui étoit tout oultre de la confrairie de la houlette, riens ne faiſoit plus volentiers que ce joly eſbattement que chaſcun ſçait, & où elle pouoit deſployer ſes armes, elle ſe montroit vaillante & pou redoutant les horions. Or entendez quelle choſe lui aduint en exerçant ſon meſtier, elle étoit amoureuſe d'vng gros Chanoine, qui auoit plus d'argent que vng chien n'a de puces, Mais pource qu'il demouroit en lieu où les gens étoient a toute heure comme on diroit a vne gueulle béc ou place publique, elle ne ſçauoit comment ſe trouuer avec ſon Chanoine. Tant penſa & ſubtila a ſa beſogne, quelle ſ'aduifa que ſe deſcouueroit a vne ſien-

ne voisine qui étoit sa sœur d'armes touchant le mestier & vñance de sa houlette ; & lui sembla que elle pouroit aller veoir son Chanoine accompagnée de sa voisine sans que l'en y pensast nul mal ; ou suspicion. Ainsi que elle aduifa fut fait , & comme se pour vne grosse matiere fut allée vers Monseigneur le Chanoine , ainsi honnorablement y alla elle accompagnée comme dit est. Pour le faire brief incontinent , que nos bourgeois furent arriuées après toutes les salutacions , ce fut la principale memoire que l'enclore avec son amoureux Chanoine , & fit tant que le Chanoine lui bailla vne monture ainsi comme il sçauoit. La voisine voyant l'autre auoir l'audience , & le gouuernement du maître de Means , n'en eut pas peu d'enuie , & lui desplaisoit moult que non ne lui faisoit ainsi comme a l'autre. Au vuider de la chambre celle qui auoit sa pitance , dit a sa voisine nous en yrons nous. Voire , dit l'autre , s'en va l'en ainsi se l'on ne me fait la courtoisie comme a vous , pardieu ie accuseray le mesnage , ie ne suis pas icy venuë pour eschauffer la cire. Quant l'en apperceut sa bonne volenté on lui offrit le Clerc de ce Chanoine que étoit vng fort & roide galant , & homme pour la très bien fourbir , de quoy elle ne tint compte , mais le refusa de tous points , disant que aussi bien vouloit auoir le maître que l'autre , autrement ne seroit elle point contente. Le Chanoine fut contraint pour sauluer son honneur de s'accorder , &

quant ce fut fait, elle voulut bien adonques dire adieu & se partir. Mais l'autre ne le vouloit pas, ains dit toute couroucée que elle que l'auoit amené & étoit celle pour que l'assemblée étoit faite, deuoit être mieulx partie que l'autre, & qu'elle ne se departiroit point s'elle n'auoit encore vng picotin d'auoyne.

Le Chanoine fut bien esbahy quant il entendit ces nouuelles, & combien qu'il priaist celle qui vouloit auoir le surcroist, toutefois ne se vouloit elle rendre contente. Or ça, dit-il, de pardieu, ie suis content puis qu'il faut que ainsi soit, mais n'y reuenez plus pour tel prix ie seroie hors de la ville. Quant les armes furent accomplies, cette Damoiselle au surcroist au dire adieu dit a son Chanoine qu'il falloit donner aulcune gracieuse chose pour souuenance. Sans se faire trop importer ne trauailler de requestes, & aussi pour être desliuré ce bon Chanoine auoit vne piece d'vng demourant de couurechief que leur donna, & la principale reçut le don ainsi dire adieu. C'est, dit-il, ce que que ie vous puis maintenant donner, prennés chascune en gré. Elles ne furent gueres loing allées que en plaine ruë la voisine qui n'auoit eu sans plus que vng picotin, dit a sa Compaigne qu'elle vouloit auoir sa porcion de leur don, & bien, dit l'autre, ie suis contente combien en voulez vous auoir. Fault il demander cela, dit-elle, j'en doy auoir la moitié & vous autant. Comment

osez vous demander, dit l'autre, plus que vous n'avez desservi, avez vous point de honte, vous sçavez bien que vous n'avez été que vne fois au Chanoine, & moy deux fois, & pardieu ce n'est pas raison que vous soyez partie aussi avant que moy. Pardieu j'en auray autant que vous, dit l'autre, ay ie pas fait mon deuoir aussi avant que vous, comment l'entendez vous. N'est-ce pas autant d'une fois comme de dix, & afin que vous congnoissiez ma voulenté sans tenir ici halle de neant ie vous conseille que me baillez ma part, justement la moitié, ou vous aurez incontinent butin, me voulez vous ainsi gouverner. Voire dea, dit la compaigne, y voulez vous proceder d'armure, de fait & par la puissance Dieu vous n'en aurez fors ce qu'il sera de raison, c'est a sçauoir des trois parts l'une, & j'auray tout le demourant, n'ay ie pas eu deux fois plus de paine que vous. Adonc l'autre haulce & de bon point charge sur le visage de la Compaigne pour que l'assemblée auoit été faite qui ne le tint pas longuement sans rendre brief; elles se battirent tant & de si bonne maniere que a bien petit qu'elles ne s'entretuerent, & l'une appelloit l'autre ribaulde. Quant les gens de la rue virent la bataille des deux Compaignes qui peu de temps devant auoient passé par la rue ensemble amoureusement furent tous esbahis, & les vindrent tenir & deffaire l'une de l'autre. Puis après les gens qui là étoient, hucherent leurs maris que

vindrent tantost , & chascun d'eux demandoit a sa femme la matiere de leur difference. Chascune comptoit a son plus beau , & tant par leur faux donner a entendre , sans toucher de ce pourquoy la question étoit meüe , les emeurent tellement l'vng contre l'autre , qu'ils se vouloient entretuer , mais les sergens les menerent refroidir en prison. La Justice voulut sçavoir dont étoit procedé le fondement de la question entre les deux femmes , elles furent mandées , & contraintes de confesser que ce avoit été pour vne piece de couurechief & cetera. Les gens de Conseil voyant que la congnissance de cette cause n'appartenoit a eulx la renuoierent deuant le Roy de Bordelois , tant pour les merites de la cause , comme pour ce que les femmes étoient de ses subgectes , & pendant le procès les bons maris demourerent en la prison attendans la sentence deffinitive , qui pour le nombre infini deulx , en est taillée de demourer penduë au clou.



XCIII. NOUVELLE.

LA POSTILLONE
SUR LE DOS.

TANDIS que j'ay bonne audience je vueil compter vng gracieulx compte aduenu au pays de Hainault en vng villaige du pays que j'ay nommé, avec vne gente femme mariée qui aimoit plus chier le Clerc de la Paroisse dont elle étoit paroissienne que son mary, & pour trouuer quelque moyen d'être avec son Clerc, faignit a son mary quelle deuoit vng pelerinaige a vng saint qui n'étoit gueres loing de la, & que promis lui avoit quant elle étoit en trauail, lui priant qu'il fut content qu'elle y allast vng jour quelle nomma. Le bon simple mary qui ne se doubtoit de rien accorda ce pelerinaige & pource que le mary demouroit seul, il lui dit quelle appresta son disner & souper tout ensemble auant qu'elle se partist, aultrement il yroit menger a la tauerne, elle fit son commandement & apprêta vng bon pouffin, & vne piece de mouton, & quant toutes ces preparatiues furent faites, elle dit a son mary que tout étoit prest, & quelle alloit querre de l'eau benoiste pour soy partir après. Elle
entra

entra en l'Eglise & le premier homme qu'elle trouua ce fut celui quelle querroit, c'est a sçauoir son Clerc a qui elle compta les nouuelles comment elle auoit congié d'aller en pelerinage & cetera, pour toute la journée, mais il y a vng cas, dit-elle, je suis feure que s'itost qu'il me sentira hors de l'hostel qu'il s'en ira a la tauerne, & n'en retournera jusqu'au vespres bien tard, ie le congnois tel & pourtant j'aime mieulx demourer a l'hostel tandis qu'il n'y sera point que aller hors, adoncques vous vous rendrez dedans vne demi-heure autour de nostre hostel, afin que ie vous mette dedans par derriere s'il aduient que mon mary ny soit point, & s'il y est nous irons faire notre pelerinage. Elle vint a l'hostel où elle trouua encores son mary dont elle ne fut point contente qui lui dit, comment êtes vous encores ici, ie m'en vois, dit-elle, chauffer mes fouliers, & puis ie ne songerai plus gueres que je ne parte, & tandis qu'elle faisoit chauffer ses fouliers, son mary passa pardeuant l'hostel du Cordonnier avec vng aultre son voisin qui alloit de coustume volentiers a la tauerne. Et combien qu'elle supposast que pource qu'il étoit accompagné du dit voisin qu'il s'en allast a la tauerne, toutefois n'en auoit nulle volenté, mais il s'en alloit sur le marché pour trouuer encores vng bon Compaignon ou deux, & les amene d'isner avec lui au commencement qu'il auoit dauantage, c'est assauoir le pousin & la piece de mouton. Or nous laisserons ici nostre mary chercher compaignie, & retournerons a

celle qui chauffoit ses souliers, que sitost que ils furent chauffez, revint a l'hostel le plus hastiement quelle peut, où elle trouua le gentil escolier qui faisoit la procesion tout autour de la maison a qui elle dit. Mon amy nous sommes les plus heureux du monde, car j'ay veu mon mary aller a la tauerne j'en suis seure, car il y a vng sien fortes qui le maine par les bras, lequel ne le laissera pas retourner quant il voudra, & pourtant donnons nous joye. Le jour est notre jusques a la nuit. J'ay appointé vng pouffin & vne belle piece de mouton dont nous ferons gouguetes. Et sans plus rien dire le mit dedans, & laissa l'huis entrouuert, afin que les voisins ne s'en doublassent. Or retournons maintenant a notre mary que a trouué deux bons Compaignons avec le premier dont j'ai parlé, lesquelz ils amainent tous pour desconfire & deuorer ce pouffin en la compagnie de beau vin de beaune ou de meilleur s'il est possible de finer. A l'arriuer a sa maison il entre le premier dedans, & incontinent qu'il fut entré il appercent nos deux amans, que s'étoient mis a faire vng tronçon de bon ouurage, & quant il vit sa femme qui auoit les jambes leuées, il lui dit qu'elle n'auoit garde de vser ses souliers, & que sans raison auoit trauaillé le Cordonnier, puis qu'elle vouloit faire son pelerinage par telle maniere. Il hucha ses Compaignons & dit, Messieurs regardez que ma femme aime mon prouffit, de paour que elle ne vse ses beaulx souliers neufs, elle chemine sur son

dos , il ne la pas telle qui veult. Il prent vng petit demourant de ce pouffin & lui dit quelle parfit son pelerinage , puis ferma l'huis & la laissa avec son Clerc , sans lui aultre chose dire , & s'en alla a la tauerne , de quoi il ne fut pas tancé au retourner , ne les aultres fois aussi quant il y alloit pource qu'il n'auoit rien ou pou parlé de ce pelerinage que sa femme auoit fait a l'hostel avec son amoureux le Clerc de la Paroisse.

X C I V. NOUVELLE.

LE CURE DOUBLE.

ES marches de Picardie ou Diocèse de Therouenne auoit puis an & demy en ça ou environ , vng gentil Curé demourant en la bonne ville qui faisoit du Gorgias tout oultre , il portoit robe courte , chausses tirées a la façon de Court , tant gaillard étoit que l'en ne pourroit plus , qui n'étoit pas paou desclandre aux gens d'Eglise. Le Promoteur de Therouenne que telles manieres de gens appelloit le grant diable , soy informé du gouuernement de notre gentil Curé , & le fit crier pour le corriger & lui faire müer ses meurs. Il comparut es habits courts comme s'il ne tenist compte du Promoteur , cuidant par aduerture que pour ses beaux

yeulx on le delivraſt , mais ainſi n'aduint pas , car
quant il fut devant Monſeigneur l'Official & ſa par-
tie le Promoteur lui compta ſa legende ou long &
demanda par ſa concluſion , que ſes habillemens &
autres menuës manieres de faire lui fuſſent deffen-
duës , & avec ce qu'il fut condamné a payer certai-
nes amendes. Monſeigneur l'Official voyant a ſes
yeulx que tel étoit notre Curé que on lui baptiſoit ,
lui fit les deſſences ſur les paines du Canon que plus
ne ſe deguiſaſt en telle maniere qu'il avoit fait &
qu'il pourtaſt longues robes & cheveulx longs , &
avec ce le condamna a payer vne bonne ſomme
d'argent. Il promiſt que ainſi en feroit-il , & que
plus ne ſeroit cité pour telle choſe. Il print congie
au Promoteur , & retourna a ſa Cure & ſtoſt qu'il
y fut venu il fit huchier le Drapier , & le Coutu-
rier , ſi fit tailler vne robe qui lui trainoit plus de
trois quartiers ; diſant au Couturier les nouvelles
de Theroüenne comment c'eſt aſſavoir qu'il avoit
été reprins de porter courte robe , & qu'on lui
avoit chargé de la porter longue. Il veſtit cette
robe longue , & laiffa croiſtre ſes cheveulx de la
teſte & de la barbe , & en cet état ſervoit la Paroiſ-
ſe , chantoit Meſſe & faiſoit les autres choſes ap-
partenantes a Curé. Le Promoteur fut arriere aduer-
ty comment ſon Curé ſe gouvernoit oultre la rigne
& bonne & honnête converſacion des Prêtres , le-
quel le fit citer comme devant , & il ſe comparut en
longs habits. Queſſe cecy , dit Monſeigneur l'Offi-

cial quant il fut deuant lui, il semble que vous trompés des estatuts & ordonnances de l'Eglise, voyez vous point comme les aultres Prêtres s'habillent, se se ne fut pour l'amour de vos bons amis, ie vous feroye affubler la prison de ceans. Comment Monseigneur, dit notre Curé, ne m'avez vous pas chargié de porter longue robe & longs cheueulx, fais ie point ainsi que vous m'avez commandé, n'est pas cette robe assez longue, mes cheueulx sont ils pas longs que voulez vous que je face. Je vueil, dit Monseigneur l'Official, & si vous commandé que vous portez robe & cheueulx a demy longs, ne trop ne pou, & pour cette grande faulte ie vous condamne a payer dix liures d'amende au Promoteur, vingt-liures a la fabrique de ceans, & autant a Monseigneur de Therouanne a conuertir a son aumosne. Notre Curé fut bien esbahi. Mais toutefois il faillit qu'il passast par là, il prent congé & s'en reuint en sa maison bien pensant comment il pourroit subtilier pour garder la sentence de Monseigneur l'Official. Il manda le Couturier a que il fit tailler vne robe longue d'vng costé comme celle dont nous auons parlé, & courte comme la premiere de l'autre costé, puis il se fit barber du costé ou la robe étoit courte, en ce point alloit par les ruës, & faisoit son diuin office & combien qu'on lui dit que c'étoit mal fait, toutefois si n'en tenoit il compte. Le Promoteur en fut encores aduertty, & le fit citer comme deuant. Quant il comparu, Dieu sçait comme Monseigneur l'Official fut

214 *LE CURE' DOUBLE.*

mal content a paine qu'il ne failloit de son siege hors du seus quant il regardoit son Curé être habillé en guise de momneur, si les aultres deux fois il auoit été bien rachassé il fut encores mieulx celle cy, & condamné a belles grosses amendes. Lors notre Curé se voyant ainsi desplumé de amendes & de condamnations, dit Monseigneur l'Official. Il me semble, sauue votre reuerence, que j'ay fait votre commandement. Et entendez moy ie vous en diray la raison. Adonc il couurit sa barbe longue de sa main qu'il étendit sus, & puis dit si vous voulez ie n'ay point de barbe, puis mit sa main de l'autre les couurant la partie tonduë ou rasoer, en disant se vous voulez j'ay longue barbe, esse ce pas ce que m'auiez commandé. Monseigneur l'Official voyant que c'étoit vng vray trompeur, & qu'il se trompoit de lui, fit venir le barbier & le parementier, & deuant tous les assistaus lui fit faire sa barbe, & puis couper sa robe de longueur qu'il étoit de mestier & de raison, puis le renuoya a sa Cure où il se conduit hautement en maintenant cette derniere maniere qu'il auoit apprinse a la sueur de sa bourse.



XCV. NOUVELLE.

LE DOIGT DU MOINE
G U E R I.

COMME il est assez de coutume , Dieu mercy , qu'en plusieurs Communautéz y a de bons Compaignons au moins quant au jeu des bas instrumens , au propos naguères auoit en vng Conuent de Paris vng très bon Frere Prescheur , que auoit de coutume de visiter ses voisins. Vng jour entre les aultres , il choisit vne très belle femme qui étoit sa prochaine voisine , jeune & en bon point , & s'entre-aimoient de bon couraige , & la jeune femme étoit mariée nouuellement a vng bon Compaignon , & deuint maître moyne très bien amoureux d'elle , & ne cessoit despluser & subtiliser voyes & moyens pour paruenir a ses attaintes , qui a dire en gros & en brief étoient pour faire cela que vous sçauéz. Or disoit ie feray ainsi : or conclut autrement , tant de propos lui venoient en la teste qu'il ne sçauoit surquoy s'arrester trop bien disoit - il , que le langaige n'étoit point de abattre , car elle est trop bonne & trop seure , force m'est que se ie vueil paruenir a mes fins que par cautelle & deception ie la gaigne. Or escourrés de quoy le larron s'aduisa , & comment fraudu-

216 *LE DOIGT DU MOINE*

leusement la pource beste il attrapa , & son desir très honnesté comme il proposa accomplit. Il faignit vng jour auoir mal en vng doigt d' emprés le poulce que est le premier des quatre en la main destre , & de fait l'enveloppa de draps , linges , & le dora d'aulecuns oingnemens très fort sentans. Et en ce point se tint vng jour ou deux se montrant aual son Eglise deuant la dessusdit , & Dieu scait s'il faisoit bien la douleur. La simplette le regardoit en pitié , & voyant a sa contenance qu'il auoit grant douleur , & pour la grant pitié que elle en eut lui demanda son cas , & le subtil regnard lui compta si très piteusement qu'il sembloit mieulx hors du sens que autrement. Ce jour se passa , & a lendemain enuiron l'heure des vespres que la bonne femme étoit a l'hostel seulette, ce pacient la vient trouuer ourant de foye , & auprès d'elle se met , faisant si très bien le malade que nul ne l'eut jugié en très grant dangier. Or se viroit vers la fenestre , maintenant vers la femme , tant d'étranges manieres il faisoit que vous fussiez esbahy & abusé a le veoir , & la simplette qui toute pitié en auoit a peine que larmes ne lui pailloient des yeulx le confortoit au mieulx que elle pouoit. Helas , Frere Henry auez vous parlé aux medecins telz & telz. Oüi , certes ma mye , disoit-il, il n'y a ny Medecin ne Chirurgien en Paris , qui n'ait veu mon cas , & qu'en disent-ils , souffrirez vous longuement cette douleur , helas ouï , voire encores plus la mort , se Dieu
ne

me m'aide, car en mon fait n'a que vng seul remede, & j'aimeroye autant a peine mourir que le desceler. Car il est moins que bien-honneste & tout étrange de ma profession. Coment dea, dit la pourette, puis qu'il y a remede & n'est-ce pas mal fait & peché a vous de vous laisser ainsi passionner, si est en vérité me semble vous vous mettez en danger de perdre sens & entendement, a ce que ie voy votre douleur si aspre & si terrible. Pardieu bien aspre & terrible, est elle, dit Frere Henry, mais quoy Dieu la m'a enuoyé loué soit ie prens bien la maladie en gré & auray en patience, & suis tout assuré d'attendre la mort. Car c'est le uray remede de ce, veoire, excepté vng, dont ie vous ay parlé, qui me gueriroit, tantost, mais quoy comme ie vous ay dit, ie n'oseroye dire quel il est, quant ainsi seroit qu'il me seroit force a desceler ce que c'est, ie n'auroye point le vouloir de l'accomplir. Et par saint Martin, dit la bonne femme, Frere Henry, il me semble que vous avez tort de tenir telz termes, & pour Dieu, dites moy qu'il faut pour votre guari-son, & ie vous assure que ie metteray paine & diligence a trouuer ce qui y seruira. Pour Dieu ne soyez cause de votre perdicion, laissez vous aider & secourir. Or dites moy que c'est & vous verrez se ie ne vous aideray, si feray par Dieu me d'eust il couster plus que vous ne pensez. Damp moyne voyant la bonne volenté de sa voisine après vng grant tas d'excusances & de refus, que pour être brief ie.

218. *LE DOIGT DU MOINE*

trespasse , dit a basse voix , puis qu'il vous plaît que ie le die , ie vous obeiray , les Medecins m'ont tous dit d'vng accord , que en mon fait n'a que vng seul remede c'est de boutter mon doigt malade dedens le lieu secret d'vne femme nette & honneste , & la le tenir assez bonne piece , après les oindre d'vng oignement dont ils m'ont baillé la recepte , vous oyez que c'est & pourtant que ie suis de ma nature & de propre coutume honteux , j'ay mieulx aimé endurer & souffrir jusques icy les maulx que j'ay portés qu'en riens dire a personne vivant , vous seule sçavez mon cas , & malgré moy , hélas , hélas , dit la bonne femme , ie ne vous ay dit chose que ie ne face , ie vous vueil aider & guerir ie suis contente & me plaît bien votre guarison , & vous oster de la terrible angoise qui vous tourmente , que vous preste lieu pour boutter votre doigt malade. Et Dieu le vous rende Damoiselle , dit Damp moyne. Je ne vous eusse osé requerer ne aultre , mais puis qu'il vous plaît de me secourir ie ne seray ja cause de ma mort.

Or nous mettons doncques s'il vous plaist en quelque lieu secret que nul ne nous voye , il me plaist bien , dit-elle , si le mena en vne belle garde-robe , & ferra l'huy , & sur le lit la mit , & maître moyne lui lieue ses Drapeaux , & en lieu du doigt de la main , bouta son perchant , dur & roide dedans , & a l'entrée qu'il fit , elle que le sentit si très gros dit. Et comment votre doigt est il si gros , ie

n'oüi jamais parler du pareil. Et en verité, dit-il, ce fait la maladie que en ce point le m'a mis, vous me contés merueille, dit-elle. Et durant ces langaiges, maître moyne accomplit ce pourquoy si bien auoit fait le malade. Et elle qui sentit & cetera, demanda que c'étoit, & il respondit que c'est le clou de mon doigt qui est effondré, je suis demi gari se me semble, Dieu merci, & la votre, & par ma foy ce me plaît moult, ce dit la Dame, qui lors se leua se vous n'êtes bien gari se retournés toutefois qu'il vous plaira, car pour vous oster de douleur, il n'est rien que je ne face, & ne soyez plus si honteux que vous auez été pour votre garison & santé recouurer.

XCVI. NOUVELLE.

LE TESTAMENT CYNIQUE.

R ACOMPTER ie vous vueil ce que aduint l'autre hyer a vng simple Curé de villaige. Ce bon Curé auoit vng chien qu'il auoit noury & gardé que tous les aultres chiens du pays passoit sur le fait d'aller en l'eauë querir le vireton & a l'occasion de ce son maître l'aimoit tant, qu'il ne seroit pas legier a compter combien il en étoit assoté. Aduint

T ij

toutefois ie ne sçai par quel cas ou s'il eut trop grant chaut, ou trop grant froit, toutefois il fut malade & mourut. Que fit se bon Curé lui qui son Presbiterie auoit tout contre le Cymetiere, quant il vit son chien trespasé, il pensa que grant dommaige seroit que vne si sage & bonne bête demourast sans sepulture. Et pourtant il fit vne fosse assés prés de l'huys de sa maison & la l'enfoüit. Je ne sçai pas s'il en fit vne de marbre & par dessus grauer vne Epitaphe si m'en tais. Ne demoura gueres que la mort du bon chien du Curé fut par le villaige anoncée & tant espadue que aux oreilles de l'Evêque du lieu paruint, & de sa sepulture faite que son maître lui bailla. Si le manda vers lui venir par vne belle citacion par vng chicaneur. Helas, dit le Curé, & quay ie fait qui suis cité d'office. Quant a moy, dit le chicaneur, ie ne sçai qu'il y a se n'est pourtant que vous auez enfoüit votre chien en terre sainte où l'en met les corps des Chrestiens. Ha se pense le Curé c'est cela. Or lui vint en tête qu'il auoit mal fait, & que s'il se laisse emprisonner qu'il sera escorché, car Monseigneur l'Evêque est le plus conuoiteux de ce Royaulme, & si a gens autour de lui qui sçauent faire venir l'eau au moulin, Dieu sçait comment. Il vint a sa journée, & de plain bond s'en alla vers Monseigneur l'Evêque qui lui fit vng grant prologue pour la sepulture du bon chien. Et sembloit a l'oüir que le Curé eût pis fait que d'auoir regnié Dieu. Et après tout son dire, il commanda qu'il fut mené en

sa prison. Quant Monseigneur le Curé vit qu'on le vouloit bouter en la boîte aux cailloux, il fut plus esbahy que vng canet, & requit a Monseigneur l'E-
vêque qu'il fut ouït, lequel lui accorda; Et deuez sçauoir que a cette calenge étoient grand foison de gens de bien & de grant façon, comme l'Official, les Promoteurs, le scribe, Nôtaires, Aduocatz, Procureurs, & plusieurs aultres, lesquelz tous ensemble grant joye menoient du cas du bon Curé, que a son chien auoit donné la terre sainte. Le Curé en sa deffence & excuse parla en brief, & dit en verité, Monseigneur se vous eussiez autant congneu mon bon chien a qui Dieu pardoint comme j'ay fait, vous ne seriez pas tant esbahy de la sepulture que ie lui ay ordonnée comme vous êtes, car son pareil comme j'espere ne fut jamais trouué, ne sera, & lors commença a dire baufme de son chien aussi pareillement s'il fut bien sage en son viuant encores le fut plus a sa mort, car il fit vng très beau testament, & pource qu'il sçauoit votre necessité & indigence, il vous ordonna cinquante escus d'or que ie vous apporte. Si les tira de son sein, & les bailla a l'Eueque, lequel les reçeut vœlentiers, & lors loua & approuua les sens du vaillant chien, ensemble son testament, & la sepulture qu'il lui bailla.

XC VII. NOUVELLE.

LE HAUSSEUR.

ADVINT nagueres que étoit vne assemblée de bons Compaignons faisans bonne chiere en la tauerne & beueans d'autant , & quant ils eurent beu & mangé , & fait si bonne chere jusques a louer Dieu & aussi *Usque ad hebreos* la plus part , & qu'ils eurent compté & payé leur escot , les aucuns commencerent a dire comment nous serons festoyez de nos femmes quant nous retournerons a l'hostel , Dieu sçait que nous ne serons pas excommuniez , on parlera bien a nos barbes. Notre Dame , dit l'vng , ie crains bien a m'y trouuer , ainsi maist Dieu , dit l'autre , aussi fais ie moy , ie suis tout seur d'oüir la passion , plut a Dieu que ma femme fut muette , ie beuueroy ttop plus hardiment que ie ne fais ainsi , disoient tretous , fors l'vng d'eulx qui étoit bon Compaignon qui leurs alla dire , & comment beaulx seigneurs vous êtes tous bien malheureux qui auez tous chascun femme qui si fort vous reprunt d'aller a la taverne , & est tant mal contente que vous beueez. Par ma foy , Dieu mercy , la mienne n'est pas telle. Car si je beuuoie dix , voire cent fois le jour , si nesse pas assés a son gré , brief ie ne vis

Donques que elle ne eut voulu que ie eusse plus beu la moitié. Car quant je reuiens de la tauerne, elle me souhaite tousjours le demourant du tonneau dedens le ventre, & le tonneau auecques, si nesse pas signe que ie boiue assés a son gré. Quant ses Compaignons ouïrent cette conclusion, ils se prinrent a rire & louïrent beaucoup son compte, & sur ce, s'en allerent tous, chascun en sa chascune. Notre bon Compaignon, qui le compte auoit fait s'en vint a l'hostel, où il trouua pou paisible sa femme toute preste a tencer que de si loing quelle le vit venir, commença la souffrance accoutumée, & de fait comme elle souloit, lui souhaita le demourant du vin du tonneau dedens le ventre. La votre mercy ma mye, dit-il, encores avez meilleure coutume que les aultres femmes de cette ville, & elles enraigent de ce que leurs maris boient ne tant ne quant, & vous Dieu le vous rende voudriez bien que ie beusse tousjours ou vne bonne fois qui tousjours durat. Je ne sçai, dit-elle, que ie voudroye, sinon que ie prie a Dieu que tant beuez vng jour que creuer en puisfiez. Comme ils se deuisoient ainsi doucement que vous oyez le pot a la pourée qui sur le feu étoit commence a s'enfoïir par dessus bource que trop aspre feu auoit, & le bon homme qui voyoit que sa femme n'y mettoit point la main lui dir, & ne voyez vous Dame ce pot qui s'enfoïit. Et elle que encores rapaisée n'étoit respondit, si fais, sire ie le vois bien. Or le haussés Dieu vous mette en mal an.

T iij

Si feray ie , dit-elle , ie le haufferay , ie le mez a sept deniers voire , dit-il , Dame esse la responce , haussés ce pot de par Dieu , & bien , dit-elle , ie le metz a sept soulds , esse assés hault , hen , hen , dit-il , & par saint Jehan ce ne sera pas sans trois coups de baston , & il choisit vng gros baston & en descharge de toute sa force sur le dos de Mademoiselle , en disant ce marchié vous demeure , & elle commença a crier alarme tant que les voisines si assemblerent qui demanderent que c'étoit , & le bon homme racompta l'histoire comme elle alloit , dont ils rirent trestous , fors elle a qui le marchié demoura.

XCVIII. NOUVELLE.

LES AMANS

INFORTUNÉS.

ADVINT nagueres és marches & mettes de France entre les aultres nobles , auoit vng Cheualier riche & noble , tant par l'ancienne noblesse de ses predecesseurs ; comme par ses propres nobles & vertueux faits , lequel Cheualier de sa femme espousée auoit eu seulement vne fille , qui étoit très belle & très adressée pucelle comme a son état

appartenoit , aagée de quinze a seize ans ou environ. Ce bon & noble Cheualier , voyant sa fille être assez aagée , habille & ydoine pour être alliée & accointée par le sacrement de mariage , il eut très grant voulenté de la joindre & donner a vng Cheualier son voisin , non toutefois tant noble de parantage comme de grosses puissances & richesses temporelles , avec ce , aussi aagé de soixante a quatre-vingt ans ou enuiron. Ce vouloir rongea tant enuiron la teste du pere dont j'ay parlé que jamais ne cessera jusques a ce que les alliances & promesses furent faites entre lui & sa femme mere de la fille & ledit ancien Cheualier touchant le mariage de lui avec ladite fille , qui des assemblées , promesses & traictez , ne scauoit rien ne ny pensoit aucunement. Assez prochain de l'hostel de celui Cheualier pere de la pucelle , auoit vng aultre Cheualier vaillant & preux , riche moyennement , non pas tant de beaucoup que l'aultre ancien , dont j'ay parlé que étoit très ardamment & fort embrasé de l'amour de ycelle pucelle , & pareillement elle par la vertueuse & noble renommée de lui en étoit très fort entachée , combien que en dangier parlassent l'vng a l'aultre , car le pere s'en doubtoit , & leurs rompoit les moyens & voyes qu'il pouoit toutefois il ne les pouoit forclorre de l'entiere & très lealle amour , dont leurs deux cueurs étoient entreliez & enlacez. Et quant la fortune leurs fauorisoit tant que ensemble les faisoit deuifer , d'aultres choses ne tenoient leurs deuises , comme de pourpen-

ser le moyen par lequel leur seul & souverain desir pourroit être accomply par legitime mariage. Or s'aproucha le temps que ycelle pucelle deust être donnée a ce seigneur ancien , & le marchié lui fut par son pere descouvert , & assigné le jour quelle le deuoit espouser dont ne fut pas peu couroucée , mais elle pensa quelle y donneroit remede , elle enuoya vers son très chier amy le jeune Cheualier , & lui manda que il venist celéement le plustost que il pourroit , & quant il fut venu , elle lui compta les alliances faites d'elle & de l'autre ancien Cheualier , demandant sur ce conseil afin de tout rompre , car d'autre que de lui ne vouloit point être espousée. Le Cheualier lui respondit , ma mye très chiere , puisque votre bonté se veult tant humilier que de moy offrir , ce que ie n'oseroye requerir sans très grande vergongne ie vous remercie , & se vous voulez persuerer en cette bonne volenté ie sçay que nous deuons faire. Nous prendrons & assignerons vng jour auquel ie viendray en cette ville bien accompaignié de mes amis , & a certaine heure vous rendrez en quelque lieu que vous me direz maintenant où ie vous trouueray seule , vous monteray sur mon cheual & vous meneray en mon Château & puis se nous pouuons appaiser Monseigneur votre pere & Madame votre mere , nous procederons a la consommation de nos promesses , laquelle dit que c'étoit bien aduisé , & quelle sçauoit comment on s'y pourroit conuenablement conduire. Sy lui dit que tel jour &

telle heure venist en tel lieu où il la trouveroit , & puis feroit tout bien ainsi qu'il auoit aduisé Le jour de l'assignation vint , & se comparut le jeune Cheualier au lieu où l'en lui auoit dit , & où il trouua sa Dame qui monta sur son cheual & picqua fort tant qu'ils eurent eslongné la place. Le bon Cheualier craignant qu'il ne trauaillast sa très chiere & parfaite amie , rompit son legier pas & fit espandre tous ses gens par diuers chemins pour veoir se quelqu'vng ne les suiuroit point , & cheuauchoit a trauers champs sans tenir voyes ne sentiers le plus doucement qu'il pouoit , & chargea ses gens qu'ils se trouuassent ensemble tous a vng très gros villaige qu'il leurs nomma , où il auoit bonne intencion de repaître. Ce villaige étoit assez étranger & hors de la commune voye des chemins , & tant cheuaucherent qu'ils vindrent arriver au villaige , où la dedicasse & la generale feste du lieu se faisoit , laquelle feste y auoit des gens de toutes sortes , & de moult grande façon. Ils entrerent a la meilleure tauerne de tout le lieu , & incontinent demanderent a boire & a manger , car il étoit tard après disner , & la pucelle si étoit fort trauaillée. Ils firent faire bon feu , & très bien appointer a manger pour les gens dudit Cheualier qui n'étoient pas encores venus , gueres n'eurent été en leur hostellerie que voicy venir tout present quatre gros lourdiere , charretiers , ou bouuiers par aduenture encores plus vaillans , & entrerent en cette diste hostellerie baudement demandans moult

goureuſement où étoit la ribaulde que vng ruffien nagueres auoit amenée derriere lui ſur ſon cheual & qu'il ſailloit que ils beuſſent avec elle & a leur tour la gouverner. L'hoſte qui étoit homme bien connoiſſant le Cheualier, ſaiſſant que ainſi n'étoit pas que les ribaulx diſoient il leurs dit moult gracieuſement que telle n'étoit elle pas qu'ils cuidoient. Par la mort bieu, dirent ils, ſe vous ne nous la liurés incontinent nous abattons les huys, & l'emmenons par force mauſgré vos dents. Quant le bon hoſte entendit leur rigueur, & que ſa douce reſponce ne prouffitoit point, leur nomma le nom du Cheualier, lequel étoit très renommé és marches, mais peu congneu de gens, a l'occafion, que toujours auoit été hors du pays acquerant honneur & renommée glorieuſe és guerres & voyages loingtains. Leurs dit auſſi que la femme étoit vne jeune pucelle parente audit Cheualier, laquelle étoit née & yſſuë de grant maiſon, de très noble paraintaige. Helas meſſeigneurs vous pouez, dit-il, ſans dangier de vous ne d'aultruy eſtandre & paſſer vos chaleurs deſordonnées avecques pluſieurs aultres qui a l'occafion de la feſte de ce villaige ſont venuës, & non pour aultre choſe que pour vous, & vos ſemblables, pour Dieu laiſſez en paix cette noble fille, & mettez deuant vos yeulx les grands dangiers où vous vous bouttez. Penſez a vos vuloir, & le grant mal que vous voulez commettre a petite occaſion. Cefſez votre ſermon, dirent les lourdiere tous allumés du feu

de concupiscence charnelle , & donnez nous voye que la puissions sans violence auoir , aultrement vous ferons honte , car en public icy nous l'amenerons , & chascun de nous quatre en fera son plaisir. Ces paroles finées le bon hôte monta en la chambre où le Cheualier & la bonne pucelle étoient , puis hucha le Cheualier appart a que les nouuelles compta , lequel quant il eut tout bien & constamment entendu sans être guere troublé , il descendit garny de son espée , parle aux quatre ribaulx leur demandant très-doucement quelle chose il leurs plaisoit , & ainsi rudes & mausfades qu'ils étoient respondirent qu'ils vouloient auoir cette ribaulde qu'il tenoit fermée en sa chambre & que se doucement ne leurs bailloit ils lui tolliroient & rauiroient a son dommaige. Beaux seigneurs , dit le Cheualier se vous me congnoissiez bien , vous ne me tienderiez pour tel qui maine par les champs , les femmes telles que vous appelez cete , oncques ie ne fis telle folie la mercy Dieu , & quant la volenté me seroit telle que Dieu ne vueil jamais ne le feroye és marches dont ie suis , & tous les miens , ma noblesse & netteté de mon couraige ne le pouroient souffrir , que ainsi me gouuernasse. Cetre femme est vne jeune pucelle ma cousine prochaine yssüe de noble maison & ie vais pour esbattre & passer temps doucement la menant auec moy accompagnié de mes gens lesquels jasoit qu'ils ne soyent cy presens , toutefois viendront ils tantost & ie les attens , & ne soyez pas ja si abusez en vos cou-

raiges que ie me repute si lasche que ie la laisse villenner ne souffrir lui faire injure tant ne quant , mais la garderay & deffendray aussi auant & longuement que la vigueur de mon corps pourra durer , & jusques a la mort. Auant que le Cheualier eut finé sa parolle les villains platriers lui entrerompirent en oyans tout premier qu'il fut celui qu'il avoit nommé pource qu'il étoit seul , & ledit Cheualier jamais ne cheuauchoit que en grande compaignie de gens pourquoy lui conseilloyent qu'il baillast ladite femme s'il étoit sage ou autrement lui roberoient par force , quelque chose qu'il en peut ensuivre. Helas quant le vaillant & courageux Cheualier apperceut que douceur n'auoit lieu, en ses responcez , & que rigueur & hauteur occupoient la place , il se ferma en son courage , resolu que les villains n'auroient point la jouissance de la pucelle ou il mourut en la deffendant. Pour faire fin , l'vng de ces quatre s'auança de ferir son baston a l'huys de la chambre , & les autres l'ensuiuent que furent rebouttés vaillamment de celui Cheualier , & ainsi se commença la bataille qui dura assez longuement , combien que les deux parties fussent despareillés , ce bon Cheualier vainquit & reboutta ces quatre ribaulx , & ainsi qu'il les poursuivoit & chassoit pour en être tout au dessus , l'vng de ceux qui auoit vng glaiue se vira subit , & le dar-da en l'estomac du Cheualier & le perça de part en part , & du coup incontinent cheut mort , dont ils furent très joyeux. Cela fait l'hostes at contraint par

eux de l'enfoûir au jardin de l'hostel sans esclandre ne noise. Quant le bon Cheualier fut mort, ils vindrent henrter a la chambre ou étoit la pucelle a que desplaïsoit que son amoureux tant demouroit, & bouterent l'huis oultre, & sïtoït qu'elle vit les brigands entrer, elle jugea que le Cheualier étoit mort, disant hélas où est ma garde, où est mon seul refuge, que est il deuenue, dont vient qu'ainsi me blesse le cueur, & qu'il me laisse ainsi seulette.

Les ribaulx voyant quelle étoit moult troublée la cuiderent faulcement decepuoir par doulces parolles, en disant que le Cheualier si étoit en vne aultre maison, & qu'il lui mandoit quelle y allat avec eulx & que plus seurement pour cela si pouroit garder, mais riens n'en voulut croire, car le cueur tousjours lui jugeoit qu'ils l'auoient tué, si commença a soy demener, & de crier plus amèrement que deuant quesse cy, dirent-ils, que tu nous fais étrange maniere, cuides tu que nous ne te congnoissons, se tu as soustpeccion sur ton ruffien qu'il ne soit mort tu n'es pas abusée, nous en auons deliuré le pays, pourquoy soyes toute assurée que nous quatre aurons tous chascun l'vng après l'autre ta compaignie, & a ces mots l'vng d'eux s'auance qui la prend le plus rudement du monde, disant qu'il aura sa compaignie auant quelle lui eschappe. Quant la pource pucelle se vit ainsi efforcée & que la doulceur de son langaige ne lui portoit point de prouffit, si leurs dit hélas Messeigneurs, puis que votre mauuaïse voue

lente est ainsi tournée, & que humble priere ne la peult adoucir, au moins ayez en vous cette honnesteté de courage que puis qu'il faut que a vous je soye habandonnée se soit priuement c'est a sçauoir a l'vng sans la presence de l'autre. Ils lui accorderent jasoit que très ennuis & puis lui firent choisir & pour eslire celui d'eux quatre lequel cuidoit être le plus bening & doux, elle esleut, mais de tous étoit il le pire. La chambre fut fermée, & tantost après la bonné pucelle se getta aux pieds du ribault, auquel elle fit plusieurs piteuses remonstrances, en lui priant que il eut pitié d'elle, mais tousjours perseverant en malignité, dit qu'il feroit sa volenté. Quant elle le vit si dur, que sa priere très humble ne vouloit exhaulcer lui dit. Or ça, puis qu'il conient qu'il soit, je suis contenté, mais je vous supplie que cloiez les fenestres, afin que nous soyons plus secrettement. Il accorda bien enuis; & tandis qu'il les cloyoit la pucelle print vng petit cousteau qu'elle auoit pendu a sa sainture, & en faisant vng très piteux cri se trancha la gorge & rendit l'ame. Et quant le ribault la vit couchée a terre, il s'ensuit avec ses Compaignons, & est a supposer que depuis ils ont été punis selon l'exigence du piteux cas. Ainsi finirent leurs jours les deux beaulx amoureux, tantost l'vng après l'autre sans apercevoir riens des joyeux plaisirs où ils cuidoient ensemble viure & durer tout leur temps.

XCIX. NOUVELLE.

LA METAMORPHOSE.

S'IL vous plaît auant qu'il soit plus tard , d'écouter tout a cette heure ma petite ratelée & compte abregé d'vng vaillant Evêque de Castille ou d'Espagne , qui pour aulcune affaire du Roy de Castille son maître , ou temps de cette histoire s'en alloit en Cour de Rome. Ce vaillant Prelat dont j'entends fournir cette nouvelle , vint vng soir en vne petite villette de Lombardie , & lui étant arriué par vng Vendredy assez de bonne heure vers le soir , ordonna a son maître d'hostel le faire souper assez de bonne heure , & le tenir le plus aise que faire le pouroit , de ce dont on pouroit recouurer en la ville , car la Dieu mercy , quoy qu'il fut gros , gras & en bon point , & ne se donnât de mauuais temps que bien appoint & sobrement si n'en jeusnoit journée. Son maître d'hostel pour lui obeir , s'en alla au marché & par toutes les poissonneries de la ville , chercha pour trouuer du poisson. Mais pour faire le compte brief , il n'en put oncques trouuer vng seul loppin , quelque diligence que lui & son hoste en sceussent faire. Daurenture eux retournans a l'hostel sans poisson trouuerent a vng bon homme des champs qui

Tome II.

V

234 *LA METAMORPHOSE.*

auoit deux bonnes Perdrix , & ne demandoit que marchand ; si se pensa le maître d'hostel que s'il en pouoit auoir bon compte que elles ne lui eschapperoient pas , & que ce seroit bon pour le Dimanche , & que son maître en feroit grant feste. Il les achepta & en eut bon prix. Il vint vers son maître les Perdrix en la main , toutes viues grasses & bien reffaites , & lui compta l'eclipse de poisson qui étoit en la ville dont il n'étoit pas trop joyeux , & lui dit : Et que pourons nous souper , Monseigneur , respondit-il , je vous feray faire des œufs en plus de cent mille manières , vous aurez aussi des pommes & des poires , notre hôte a aussi de bon fourmaige & bien gras , nous vous tiendrons bien aise , ayez patience pour meshui , vng souper est tantost passé , vous serez demain plus aise se Dieu plaît , nous yrons en la ville qui est trop mieulx empoisonnée que cette cy , & Dimanche vous ne pouez faillir de être bien disné , car vecy deux Perdrix que j'ay pourueüs , qui sont a bon escient bonnes & bien nouries. Ce maître Evêque se fit bailler ces Perdrix , il les trouua telles qu'elles étoient bonnes a bon escient , si se pensa que elles tiendroient a souper la place du poisson qu'il cuidoit auoir dont il n'auoit point , car il n'en peut oncques trouuer , si les fit tuer & bien en haste plumer , larder & mettre en broche. Lors le maître d'hostel voyant qu'il les vouloit rostir , fut esbahi & dit a son maître : Monseigneur , elles sont bonnes suées , mais les rostir maintenant pour le Dimanche

Il ne me semble pas bon, ledit maître d'hostel perdoit son temps, car quelque chose qu'il sceut remontrer, si ne le voulut-il croire, car elles furent mises en broche & rosties. Le bon Ptêtre étoit la pluspart du temps qu'elles mirent a cuire toujours present dont son maître d'hostel ne se sçauoit assez esbahir, & ne sçavoit pas bien l'appetit desordonné de son maître qu'il eut a cette heure de deuorer ces Perdrix, aincoys cuidoit qu'il le fit pour Dimanche, les auoir plus prestes au disner. Lors les fit ainsi habiller, & quant elles furent prestes & rosties, la table couuerte & le vin apporté, œufs en diuerses façons habillés, & mis a point, si s'assit le Prelat, & le benedicite dit, demanda lesdites Perdrix avec la moutarde. Son maître d'hostel desirant sçauoir que son maître vouloit faire de ces Perdrix, si les lui mit devant lui toutes venantes de la broche ardante, vne fumée aromatique assez pour faire venir l'eau a la bouche d'vng friant, & bon Evêque d'assaillir ces Perdrix, & desmembrer d'entrée la meilleure qui y fut, & commença a trancher & manger, car tant auoit haste que oncques ne donna loisir a son Escuyer, qui deuant lui tranchoit qu'il eut mis son pain ne ses cousteaux a point. Quant ce maître d'hostel vit son maître satraper a ces Perdrix il fut bien esbahy, & ne se peut taire ne tenir de lui dire : Ha Monseigneur, que faites-vous, êtes vous Juif ou Sarrazin ? Que ne gardez - vous aultrément le Vendredy, par ma foy je me donne grant merueille de votre fait.

236 *LA METAMORPHOSE.*

Tais toy tais toy , dit le bon Prelat , qui auoit toutes les mains grasses , & la barbe aussi de ces Perdrix , tu es beste , & ne sçais que tu dis , je ne fais point de mal , tu sçais & congnois bien que par paroles moy & tous aultres Prêtres , faisons d'une hostie qui n'est que de bled & d'eau , le precieulx Corps de JESUS-CHRIST , & ne puis-je donc pas par plus forte raison , moy qui tant ay veu de choses en Cour de Rome , & en tant de diuers lieulx , sçauoir par paroles faire conuertir ces Perdrix qui est chair de poisson deuenir , jasoit ce qu'elles retiennent la forme de Perdrix. Si fais dea , maintes journées sont passées que j'en sçay bien la pratique , elles ne furent pas sitost mises a la broche que par les paroles que je sçay , je les charmé tellement que en substance de poisson se conuertirent , & en pouriez trestous qui êtes icy menger , comme moy sans peché , mais pour l'imaginacion que vous en pouriez prendre , elle ne vous feroient ja bien , si en feray tout seul le meschief. Le maître d'hostel & tous les aultres de ses seruiteurs commencerent a rire , & firent semblant de adjoûter foy a la bourde de leur maître , trop subtillement fardée , & coulourée & en tindrent depuis maniere du bien de lui , & aussi maintefois en diuers lieulx joyeusement racompterent.



C. NOUVELLE.

LE SAGE NICAISE.

OU L'AMANT VERTUEUX.

EN la puissante Cité de Genes , puis certain temps en ça y demourqit vng Marchant tout comblé de biens & de richesses , duquel l'industrie & maniere de viure étoit de mener & conduire grosses marchandises par les mers & étranges pays , & spécialement en Alexandrie. Tant vacqua & entendit au gouvernement des Nauires , & a entasser & amasser trefors , & amonceler grandes richesses que durant tout le temps qu'il s'y adonna qu'il fut depuis sa tendre jeunesse jusqu'a l'aage de cinquante ans , ne lui vint voulenaté ne souuenance de aultre chose faire. Et comme il fut paruenü en l'aage dessusdit , ainsi comme vne fois pensoit sur son état , voyant qu'il auoit despendu & employé tous ses jours & ans a rien autre chose faire que cuider accroistre ses richesses , sans jamais auoir vng seul moment ou minute de temps , auquel sa nature lui eut donné inclination pour le faire penser ou induire de soy marier , afin d'auoir très belle & bonne generation qui aux grans biens qu'il auoit a diligence , veille & grant labeur amasse & acquis lui succedast , & après lui les posse-

daft , conceut en son couraige vne aigre & très poignante douleur & desplaisant étoit a merueilles , que ainsi auoit exposé & despendu ses jeunes jours , en cette aigre doléance & a regret demoura aucuns jours , lesquels jours pendant aduint que en la Cité dessus nommée les jeunes & petits enfans , après qu'ils auoient solemnisé aucune feste accoustumée entre eulx pour chascun an , habillés & deguifés diuersément , & assez étrangement les vngs d'une maniere , & les aultres d'aultres se vindrent rendre en grant nombre en vng lieu , où les publiques & accoustumés esbatemens de la Cité se faisoient communément pour jouër en la presence de leur pere & mere , & aussi afin de remporter gloire & renommée & louange. A cette assemblée se comparut & se trouua , ce bon Marchand rempli de fantaisies , & de foudroy , & voyant les peres & les meres prendre grant plaisir a voir leurs enfans jouër & faire souplesses & appertises agraua sa douleur , qui parauant auoit de soy-même conceüe , en ce point sans le pouoir plus aduifer , ne regarder triste & marry , retourna en sa maison & seulet se rendit en sa chambre ou il fut aucune espace de temps , faisant complaints en cette maniere. Ha pource malheureux vieillard tel que je suis , & toujours ay été , de qui la fortune & destinée sont dures , ameres & mal goustables ; ô chetif homme plus que tous reuerant. Helas par les veilles , peines & labeurs & ententes que tu as princes & portées tant par mer que

LE SAGE NICAISE, &c. 239

par terre , ta grande riche & tes comblés trefors sont bien vains , lesquels sous perilleuse aduventure en peines dures & sueurs tu as amassé , & amoncelé & pour lesquels tout ton temps as despendu sans auoir oncques vne petite espace ne souuenance de penser a qui toy mort , & party de ce siecle les possedera , & a qui par la loy humaine les deura laisser en memoire de toy & de ton nom. Ha meschant couraige , comment as tu mis en non chaloir cela , a quoy tu deuois donner entente singuliere , jamais ne ta pleu mariage & toujours las craint , & refusé mèmement hay & meprisé les bons & justes conseils de ceulx qui t'y ont voulu induire , afin que tu eusse lignée qui perpetua ton nom , ta louange aussi ta renommée , & bienheureux sont les peres & les meres , qui laissent a leurs successeurs bons & sages enfans. Combien ay-je aujourd'huy regardé & apperceu de peres étans aux jeux de leurs enfans que se disoient très heureux , & jugeoient très bien auoir employé leurs ans se après leurs deceds , leur pouoient laisser vne petite partie des grands biens que je possède maintenant. Mais quel plaisir & soulas puis-je jamais auoir , quel nom & quelle renommée auray-je après la mort , où est maintenant le fils qu'il maintiendra , & fera memoire de moy après mon trepas. Benoit soit ce saint mariage , par lequel la memoire & souuenance des peres & des meres , est entretenuë & dont tenons possessions , & heritaiges ont pour leurs doux enfans a éternelle permanence & durée. Et

quant ce bon marchant eut a soy-mêmes longue espace de temps argué, subit donne remede & solution a ses argumens disant ces paroles : Or ça il ne m'est desormais mestier nonobstant le nombre de mes ans, tourmenter ne troubler de douleurs, d'angoisse ne de pensement. Au fort ce que j'ay par cy deuant fait prend ressemblance aux oiseaux qui font leurs nids, & les preparent auant qu'ils pondent leurs œufs. J'ay la mercy Dieu richesses suffisantes pour moy & pour vne femme & pour plusieurs enfans, s'il aduient que j'en aye, & ne suis si ancien ne tant defourni de puissance naturelle que je me doye soulcier de perdre esperance de n'en pouoir jamais auoir generacion. Si me conuient arrester & donner toute entente, veiller & trauailler, aduisant où je trouueray femme propice & conuenable a moy. Ainsi finant son procès vuida de sa chambre, & fit venir vers lui deux de ses Compaignons mariniers comme lui ausquels il decouurit son cas tout au plain très affectueusement, que ils lui voulsissent aider a trouuer & querir pour lui qui étoit la chose de ce monde que plus il desiroit. Les deux Marchands ayant entendu le bon propos de leur Compaignon, le priserent & louerent beaucoup, & prindrent la charge de faire toute la diligence & inquisition possible pour lui trouuer femme. Et ce temps pendant que la diligence & enqueste se faisoit, nostre Marchand tant eschauffé de marier, que plus il ne pouoit, faisoit de l'amoureux cherchant par toute la

Cité,

LE SAGE NICAISE, &c. 241

Cité, entre les plus belles la plus jeune, & d'autres ne tenoit compte. Tant chercha que a la parfin il en trouua vne a son plaisir, & cette telle qui la demandoit car de honnestes parents née, belle a merueille, jeune de quinze ans ou enuiron, gente, doulce & très bien adreſſée étoit. Après qu'il eut congneu les vertus & condicions doulces d'elle, il eut telle affection & deſir qu'elle fut Dame de ſes biens par juſte mariage, qu'il la demanda a ſes parents & amis, leſquels après aulcunes petites difficultés & legières, qui gueres ne durerent, lui donnerent volentiers en la même heure, & lui firent fiancer & donner caution & ſeureté du doüaire, dont il la vouloit doüer. Le bon Marchand auoit prins grant plaisir en ſa marchandise, pendant le temps qui la menoit encores, l'eut-il plus grant quant il ſe vit aſſeuré de être marié, & mêmeement avec femme telle que il en pouoit auoir de beaux enfans. La feſte & ſolemnité des nopces fut honorablement & en grant ſumptuoſité faite & celebrée, laquelle feſte faillie il mit en oubly & non chaloir ſa premiere maniere de viure, c'eſt a ſçauoir ſur la mer il faiſoit très bonne chiere, & prenoit grande plaifance avec ſa belle & doulce femme, mais le temps ne lui dura gueres que ſaoul & ennuyé en fut, car la premiere année auant qu'elle fut expirée, print deſplaifance de demourer a l'hoſtel en oyſance, & de y tenir meſnage en la maniere que conuient a ceulx qui y ſont liés, ſe hoda & ennuya ayant très grant regret a ſon aultre meſtier de mari-

Tome II.

X

nier , qu'il lui sembloit plus aisé & legier a maintenir qui n'étoit celui qu'il auoit si volentiers entrepris a gouverner par nuit & par jour , aultre chose ne faisoit que subtiller & penser comment il se pouroit trouuer en Alexandrie en la maniere qu'il auoit accoutumée , & lui sembloit qui n'étoit pas seulement difficile de soy abstenir de mariner & non hanter la mer & l'abandonner de tous points , mais aussi chose la plus impossible de ce monde , & combien que la voulenté fut plainement deliberée & resoluë de soy retraire & remettre a son premier mestier , toutefois le celoit il a sa femme doutant que ne le print a desplaissance , & aussi auoit vne crainte & doubte qui le destournoit & donnoit vng moult grant empêchement executer son desir , car il congnoissoit la jeunesse du couraige de sa femme , & lui étoit bien aduis que s'il s'absentoit , elle ne se pouroit contenir , consideroit aussi la muable & variableté de couraige femenin , & mémement que les jeunes galans lui present étoient coutumiers de passer souuent deuant son huys pour la veoir , dont il supposoit que en son absence ils la pouroient de plus près visiter , & aussi par aduanture tenir son lieu. Et comme il eut été par longue espace point & esguillonné de ces difficultés , & diuerses imaginacions sans en dire mot , & qu'il congneut qu'il auoit ja acheué & passé la pluspart de ses ans , il mit a non chaloir femme & tout le demourant qui affiert au mesnaige & aux argumens & disputacions qui lui auoient troublé la teste , donna

briefue solution, disant en cette maniere : Il m'est trop plus conuenable viure que mourir, & se je laisse & abandonne mon mesnaige en briefs jours, il est certain que je ne puis longuement viure ne durer, laisseray-je donc cette belle & douce femme, oùi je la lairray, elle ait dorefnauant la cure & le soin de elle-même s'il lui plaît, je n'en vuëil plus auoir la charge, hélas que feray-je, quel deshonneur, quel desplaisir sera-ce pour moy, s'elle ne se contient & garde chasteté. Ho il vaut mieulx viure que mourir pour prendre soin pour la garder, ja Dieu ne vuëil que pour le ventre d'une femme, je prengne si étroite cure ne soin sans auoir loyer ne salaire, & ne en recepuoir que torment de corps & d'ame. Ostez moy ces rigueurs & angoïses que plusieurs souffrent pour demourer avec leurs femmes, n'est chose en ce monde plus cruelle, ne plus greuant les personnes. Ja Dieu ne me laisse tant viure, que pour quelque aduventure que en mariage puissent soudre, je m'en courouce ne monstre triste, Je vuëil auoir maintenant liberté & franchise de faire tout ce qu'il me vient a plaisir. Quant ce bon Marchand eut donné fin a ses très bonnes deuises, il se trouua avec ses Compaignons mariniers, & leur dit qu'il vouloit encores vne fois visiter Alexandrie, & charger marchandises comme autrefois, & souuent auoit fait en leur compaignie, mais il ne leur declara pas les troubles qu'il prenoit a l'occasion de son mariage. Ils furent tantost d'accord, & luy dirent qu'il se fit

prest pour partir au premier bon vent qui surviendrait. Les mariniers & batteaux furent chargés & préparés pour partir, & mis es lieux où il falloit attendre vent propice & opportun pour nager. Ce bon Marchand donc ferme, & tout arresté en son propos comme le jour précédent, celui donc qui se devoit partir se trouua seul après souper avec sa femme en sa chambre, & lui descouvrit son intencion, & maniere de son prochain voyage, & afin que très joyeuse fust lui dit ces paroles. Ma très chière épouse que j'aime mieulx que ma vie, faites ie vous requiers bonne chiere, & vous monstres joyeuse, & ne prenez de desplaissance ne tristesse en ce que je vous declareray. J'ay proposé de visiter se c'est le plaisir de Dieu, vne fois encores Alexandrie en la façon que j'ay de long temps accoustumée, & me semble que n'en deuez être marie, attendu que vous congnoissez que c'est maniere de viure mon art & mon mestier, ausquels moyens j'ay acquis richesses, maisons, nom, renommée, & trouué grant nombre d'amis & de familiarité, les beaux & riches ornemens, anneaux, vestemens, & toutes les aultres precieuses bagues dont vous êtes parée & ornée, plus que nulle aultre de cette cité, comme bien sçavez, ie les ay achetées du gain & aduantaige que je ay fait en mes marchandises. Ce voyage donc ne vous doit gueres ennuyer, car le retour sera brief. Et je vous promets que a cette fois comme j'espere, se la fortune ne me donne heur que jamais plus n'y

LE SAGE NICAISE, &c. 245

veux retourner, ie y vuëil prendre congïé a cette fois. Il conuient donc que preniez maintenant couraige bon & ferme, car je vous laisse la disposition, administration & gouuernement de tous les biens que je possède, mais auant que je me parte, je vous vuëil faire aulcunes requestes. Pour la premiere, je vous prie que vous soyez joyeuse, tandis que je feray mon voyage, & vivez plaïsamment, & se j'ay quelque peu d'imaginacion que ainsi le facés, je en chemineray plus liément. Pour la deuxieme, vous sçauéz qu'entre nous deux rien ne doit être tenu couuert ne celé, car honneur, profit & renommée doiuent être comme je tiens qu'ils sont communs a tous deulx & la louange & l'honneur de l'ung, ne peut être sans la gloire de l'autre, non plus que le deshonneur de l'vng ne peut être sans la honte de tous deulx. Or je vuëil bien que vous entendez que je ne suis pas si très despourueu de sens, que je ne pense bien comment je vous laisse jeune, belle fille, douce, frefche & tendre, sans soulas d'homme, & que de plusieurs en mon absence vous serez desirée. Combien que je cuide fermement que vous auez maintenant nette pensée, couraige ferme, toutefois quand je connois quel est votre aage, & l'inclination de la secrette chaleur en quoy vous abondez, il ne me semble pas possible qu'il ne vous faille par pure necessité & contrainte au temps de mon absence auoir compaignie d'homme, dont c'est bien mon plaïsir que vous vous accordez où votre nature vous forcera

X iij

& contraindra. Veuzy doncques le point où je vous vuëil prier , c'est que gardez notre mariage le plus longuement que vous pourrez en son entiere intention , ne ay voulenté aulcune de vous mettre en garde de autrui pour vous contenir ; mais vuëil que de vous-même ayez la cure & le soin , & en soyiez gardienne. Veritablement il n'est si étroite garde au monde qui puisse destourber la femme oultre sa voulenté a faire son plaisir. Quant doncques votre chaleur vous esguillonnera & poindera je vous prie , chere espouse , que en l'exécution de votre desir vous vous aduissiez prudemment , & tellement qui n'en puisse être publique renommée , que se autrement le faites vous & moy & tous nos amis sommes diffamés , & deshonorés en fait doncques , & par effet se vous ne pouuez garder chasteté , au moins mettez peine de la garder tant qu'il touche fame & commune renommée.

Mais je vous vuëil apprendre & enseigner la maniere que vous devez tenir en cette maniere si elle suruient. Vous sçauiez qu'en cette bonne Cité a très grant nombre & foison de beaux jeunes hommes d'entre eulx tous , vous en choisirés vng seul , & vous en tenez contente pour faire ce où votre nature vous inclinera. Toutefois je vuëil que vous ayez en faisant l'election singulier regard que il ne soit homme vague , deshonneſte & pou vertueux , car de tel ne vous devez accointer pour le grant peril qui vous en pourroit soudre. Car sans doubte il descouriroit & pu-

bliqueroit a la vollée votre secret. Doncques vous elirés celui que vous connoitrés fermement être saige & prudent, afin que se le meschief vous aduient, il mette aussi grant peine a le celer comme vous, de cet article vous requiers je, & que me promettez en bonne & ferme loyaulté que vous garderez cette leçon. Si vous aduise que ne me respondes sur cette matiere en la forme & façon que ont de coustume les aultres femmes quant on leurs parle de tels propos comme je vous dis maintenant, je sçay bien leurs responces, & de quels mots sçavent user qui sont tels. He mon doulx & parfait mary, qui vous a meü a dire ce, où auez-vous chargé cette opinion cruelle plaine de tempeste? par quelle maniere ne quant me pouroit aduenir vng si abominable delit? nenny nenny, ja Dieu ne vuëil que je vous fasse telles promesses, a qui je prie que il permette la terre ouurir qui m'englotiue, & deuore route visue au jour & heure que ne dy pas commettray, mais auray vne seule pensée a le commettre. Ma chiere espouse, je vous ay ouuert les manieres de respondre, afin que vers moy en vsez aucunement en bonne foy, je croy & tiens fermement que vous auez pour cette heure moult bon & entier propos, auquel je vous prie que demourez autant que votre nature en pourra souffrir. Et ne entendez point que je vuëil que me promettez faire ce entretenir ce que je vous ay montray, fors seulement au cas que ne pourez donner resistance, ne batailler contre l'appetit de votre fresse &

248 *LE SAGE NICAISE, &c.*

doulce jeunesse. Quant cedit bon Marchand eut finé la parole, la belle & doulce & debonnaire la femme la face toute rosée se print a trembler quant deut donner responce aux requêtes que son mary lui auoit faites. Ne demoura guieres toutefois que la rogeut s'éuanoüit & print assurance en fermant son courage de constance, & en cette maniere causa la gracieuse responce. Mon doulx & très aimé mary, je vous assure que oncques je ne feus si espouventée ne troublée de mon entendement, que j'ay été présentement par vos paroles, quant elles me ont donné la congnoissance de ce que oncques je oüi, ne aprins, ne pensé, vous congnoissez ma simplessse jeunesse & innocence, certainement il n'est point possible a mon aage de faire ou pourpenser vng tel meschief ou deffaulte comme vous m'avez dit que vous êtes seur & sçavez vrayment que vous absent je ne pouroye contenir ne garder l'entiereté de notre mariage, cette parole me tourmente fort le courage & me fait trembler toute, & ne sçay quelle chose je dois maintenant dire, respondre ne proposer a vos raisons. Ainsi m'avez priué & tollu l'usage de parler, je vous diray toutefois vng mot qui viendra de la profondeur de mon cueur, & en telle maniere qu'il y gyft en telle vuidra-t-il de ma bouche; je requiers très humblement a Dieu & a jointes mains lui prie qu'il fasse & commande vng abisme ouurir où je soye gettée les membres tous arrachés & tourmentée de mort cruelle se jamais le jour vient où je doye non

seulement commettre de leaulté en nostre mariage ; mais sans plus en auoir vne briefue pensée de le commettre , & comment ne par quelle maniere vng tel delit ne pouroit aduenir , je ne scauroye entendre , & pource que m'avez fortclos & reclus de telles manieres de respondre , disant que les femmes sont coutumieres d'en vser pour trouuer les eschappatoires & alibis forains afin de vous faire plaisir & donner repos a votre imaginacion , & que voyez que a vos commandemens je suis prête d'obéir , garder & maintenir ; je vous promets de cette heure de courage ferme arresté & estable oppinion d'attendre le jour , de votre revenuë en vraye pure & entiere chasteté de mon corps , & que Dieu ne vuëil pas qu'il adviengne le contraire , tenez vous en tout assésuré , & je le vous promets , je tiendray la regle & doctrine que m'avez donnée en tout ce que je feray sans la trepasser aucunement , s'il y a aultre chose dont votre courage soit chargé , je vous prie descouurez tout & me commandez faire & accomplir votre bon desir , aultre rien ne desirer non pas le mien. Notre Marchand ouye la responce de sa femme fut tant joyeux qu'il ne se peut contenir de plourer , disant ma très chiere espouse , puisque votre douce bonté , m'a voulu faire la promesse que j'ay requise , je vous prie que l'entretenez. Le lendemain matin le bon Marchand fut mandé de ses Compaignons pour entrer en la mer. Si print congié de sa femme , & elle le commanda a la garde de Dieu , puis monta en la

mer, & se mirent a cheminer & nager vers Alexandrie, où ils paruindrent en briefs jours, tant leur fut le vent agreable & propice, ou quel lieu s'arrestèrent longue espace de temps, tant pour deliurer leurs marchandises comme pour en charger des nouvelles, pendant & durant lequel temps, la très gent & gracieuse Damoiselle dont j'ay parlé, demoura garde de l'hostel & pour toute compaignie, n'auoit que vne jeune petite fillette qui la seruoit, & comme j'ay dit cette belle Damoiselle, n'auoit que quinze ans, pourquoy se aulcune faulte fit on ne le doit pas tant imputer a malice, comme a la fragilité de son jeune aage. Comme donc le marchant eut été plusieurs fois absent des yeux d'elle pou a pou, il fut mis en oubly sitost que les jeunes gens sceurent ce partement ils la vindrent visiter, laquelle au premier ne vouloit vider de sa maison ne soy montrer, mais toutefois par force de continuation & frequentation quotidienne pour le très grant plaisir qu'elle print aux doux & melodieux chants & armonie de tous instrumens dont on jouoit a son huis, elle s'aduança de venir beyer & regarder par les creuances des fenestres & secrets trillis d'ycelle, par lesquels très bien pouoit veoir ceulx qui l'eussent plus volentiers veüe. En escoutant les chansons & dances prenoit a la fois si grant plaisir que amour esmouuoit son courage, tellement que chaleur naturelle souuent l'induisoit a briser sa continence. Tant souuent fut visitée en la maniere dessusdite, qu'en la parfin sa con-

cupiscence & desirs charnels la vainquirent, & fut touchée du dard amoureux bien auant, & comme elle pensa souuent comment elle auoit si a elle ne tenoit très bonne habitude & opportunité de temps & de lieu, car nul ne la gardoit, nul ne lui donnoit empêchement pour mettre a execution son desir. Conclud & dit que son mary étoit très sage quant si bien lui auoit acertené que garder ne pouroit sa continence & chasteté, de qui toutefois elle vouloit garder la doctrine & avec ce la promesse que faite lui auoit.

Or me conuient-il, dit-elle, user du conseil de mon mary, en quoy faisant ie ne puis encourir deshonneur puisqu'il m'en a baillé la licence, mais que je ne ysse les termes de la promesse que j'ay faite, il m'est aduis & il est vray qu'il m'en chargeat, que quant le cas aduiendroit que rompre me conuiendroit ma chasteté que je esleusse homme qui fut saige, bien renommé & de grande vertu, & non autre, & bonne foy, aussi feray-je, mais que je puisse en non trespasant le bon conseil de mon mary, il me souffrit largement, & je tien qu'il n'entendoit point que l'homme d'eust être ancien, ains comme il me semble qu'il fut jeune, ayant autant de renommée en clergie & science comme vng aultre viel, telle fut la leçon comme il me est aduis. Es mêmes jours que ces argumens se faisoient pour la partie de notre Damoiselle, & que elle queroit vng saige jeune homme pour lui refroidir les entrailles, vng très

saige Clerc arriua de son heur qui venoit freschement de l'vniuersité de Boulongne la grasse, la où il auoit été plusieurs ans sans retourner, tant auoit vacqué & donné son attente a l'étude, qu'en tout le pays n'y auoit Clerc de plus grant renommée par les Magistraux de la Cité, & avec eux assistoit continuellement. Il auoit coustume d'aller par chascun jour sur le machié a l'hostel de la ville, & jamais ne pouoit passer que pardeuant la maison de ladite Damoiselle, a laquelle pleut très bien sa doulce maniere, & combien qu'elle ne l'eut jamais veu exercer l'office de clergié, toutefois elle jugea tantost qu'il étoit très grant Clerc, ausquels moyens elle ficha toute son amour en lui, disant qu'il garderoit la leçon de son mary, mais par quelle maniere elle lui pouroit montrer son grant & ardent amour, & ouurir le secret desir de son couraige elle ne sçauoit, dont elle étoit très desplaisante. Elle s'aduifa neantmoins pource que chascun jour ne failloit point de passer deuant son huys allant au marchié, elle se mettroit ou peron parée le plus gentement que pouroit, afin que au passer quant il getteroit son regard sur sa beauté, il la conuoitast & requist de ce dont on ne lui feroit refus. Plusieurs fois la Damoiselle se montra, combien que ce ne fut auparauant sa coutume, & jasoit ce que très plaisante fut & telle pour que vng jeune couraige deuoit tantost être esprins & allumé d'amours, toutefois le saige Clerc jamais ne l'apperceut, car il marchoit si gracieuse-

ment que en marchant ne gettoit sa veuë ne ça ne la ; & par ce moyen la bonne Damoiselle ne prouffitast rien en la façon qu'elle avoit pourpensée & aduisée, s'elle fut dolente il n'en est ja mestier de faire enqueste, & plus pensoit a son Clerc, & plus allu-moit & esprenoit son feu. A fin de piece après vng tas d'imaginacions que pour abregier ie passe, le reciter conclud, & se determina d'envoyer sa petite meschinette deuers lui. Si la hucha & commanda qu'elle s'en alla demander vng tel, c'est a sçavoir de ce grant Clerc, & quant elle l'auroit trouué où qu'il fut, lui dit que le plus en haste qu'il pourroit, venist a l'hostel d'une telle Damoiselle, femme & espouse d'vng tel, & que s'il demandoit quelle chose il plaisoit a la Damoiselle, elle lui respondit que rien n'en sçauoit, mais tant seulement lui auoit dit qu'il étoit grande necessité qu'il venist. La fillette mit en sa memoire les mots de sa charge & se partit pour querir cellui qu'elle trouua & ne demoura gueres, car l'en lui enseigna la maison où il mangeoit au dîner, en vne compaignie de ses amis & aultres gens de grant façon. Cette fillette entra dedens & en saluant toute la compaignie se vint adresser au Clerc, lequel elle demandoit, & oyant tous ceulx de la table, lui fit son messaige bien saignement ainsi que sa charge le portoit. Ce bon seigneur qui congnoissoit de sa jeunesse le marchant dont la fille lui parloit, & sa maison aussi bien comme la sienne, mais ignorant qui fut marié ne fut que sa femme, pensa

254 *LE SAGE NICAISE, &c.*

tantost que pour l'absence dudit marchand , sadite femme le demandoit pour être conseillée en aulcune grosse cause comme elle vouloit , car ledit Clerc sçauoit bien que le bon mary étoit dehors , & n'entendoit point la cautelle , ainsi comme elle , toutefois il dit a la fillette , ma mye allez dire a votre maitresse qui incontinent que notre dîner sera passé ie yray vers elle. La messagiere fit la responce telle qu'il falloit & que on lui auoit enchargé , & Dieu sçait comme elle fut receuë de sa maitresse quant elle entendit les nouvelles que le Clerc son amy par amours deuoit venir , elle étoit la plus joyeuse que oncques fut femme , pour la grande joye que elle auoit de tenir son Clerc en la maison , trembloit & ne sçauoit tenir maniere. Elle fit balaiz courre , par tout espan dre la belle verdure , en sa chambre couvrir le lit & la couchette , desployer riches couuertures , tapis & courtines & se para & atourna des meilleurs atours & plus precieux quelle eut. En ce-point l'attendit aucun petit de temps , qui lui sembla long a merueilles pour le grant desir qu'elle auoit. Tant fut désiré & attendu qu'il vint , & ainsi qu'elle l'apperceut venir de loing , elle montoit & descendoit de sa chambre , alloit & venoit , maintenant cy , maintenant la , tant esmuë qu'il sembloit quelle fut rauie de son sens , & en la fin monta en sa chambre & illec prepara & ordonna les bagues & joyaux quelle auoit attrains & mis dehors pour festoyer & recevoir son amoureux. Si fit demourer en bas la fillette cham-

beriere pour l'introduire & mener où étoit sa dite maitresse. Et quant il fut arriué la fillete le reçut très gracieusement & le mit dedens , & ferma l'huis laissant tous ses seruiteurs dehors , auxquels il fut dit qu'ilz attendissent illec leur maître. La Damoiselle oyant son amoureux être arriué , ne se peut tenir de venir en bas a l'encontre de lui quelle salua doucement , quant elle le vit , le print par la main & le mena en la chambre que lui étoit appareillée , & où il fut bien esbahy quant il trouua tant pour la diuersité des paremens belles & precieuses ordonnances qui y étoient , comme aussi pour la très grande beaulté de celle qui le menoit. Sitost qu'il fut en la chambre entré , elle se assit sur vne escabelle auprès de la couchette , puis le fit seoir sur vne aultre joignant d'elle , où ils furent aulcune espace tous deux sans mot dire , car chascun attendoit tousjours la parolle de son Compaignon , l'vng en vne manière , l'autre en l'autre , car le Clerc cuidant que la Damoiselle , lui d'eut ouurir aulcune grosse & difficile matiere la vouloit laisser commencer. Et elle , d'aultre costé , pensant qu'il fut si saige & si prudent que sans rien lui dire ne remontrer plus auant , il deust entendre pourquoy elle l'auoit mandé. Quant elle vit que semblant ne faisoit pour parler , elle commença & dit. Mon très cher parfait amy & très saige homme , ie vous vueil dire presentement la raison pourquoy & la cause qui ma meu a vous mander. Je cuide que vous avez bonne congnoissance & sa-

miliarité avec mon mary, en l'état que vous me voyez icy, il m'a laissée & abandonnée pour aller sur la mer, & mener ses marchandises en Alexandrie comme il a de long-temps accoutumé. Avant son partement me dit quant il seroit absent, il se tenoit tout seur que ma nature & fragilité me contraindroient a rompre & briser ma continence, & que par nécessité me conuiendrait conuerser avec homme, afin d'estaindre la chaleur qui en moy deuoit venir après son partement. En bonne foy ie le repete vng très saige homme, car de ce qu'il me sembloit adoneques impossible aduenir ie vois l'experience veritable, car mon jeune aage, ma beauté & mes tendres ans ne peuuent souffrir ne endurer que le temps despende & consume ainsi mes jours en vain, ma nature aussi ne se pouroit contenter, & afin que vous m'entendez bien a plain, mon saige & bien aduisé mary qui auoit regard a mon cas quant il se partit en plus grande diligence que moy même. voyant comme les jeunes & tendres fleurettes se seichent & amantissent quant aulcun accident leur aduiant, & contre l'ordonnance & inclination de leur nature par telle maniere consideroit il ce que m'étoit aduenir. Et voyant clèrement que se ma complexion & condicion n'étoient gouuernés selon l'exigence de leurs naturels principes gueres ne lui pouroye durer. Si me fit jurer & promettre que quant il aduiendroit ainsi que ma nature me forceroit a rompre & a briser mon entiereté, je esleusse vng homme

me faige & de haulte autorité qui couuert & subtil fut a garder notre secret. Si est il que en toute la Cité ie n'ay sceu penser , pour homme qui soit , plus ydoine que vous , car vous êtes jeune & très faige homme. Or m'est-il aduis que ne me refuserés pas , ne rebouterés , vous voyez quelle ie suis , & si pouez l'absence de mon mary suppléer & son lieu tenir , voire maintenant se c'est votre bon plaisir , car nul homme n'en sçaura parler. Le lieu , le temps , toute opportunité nous fauorisan. Le bon seigneur preuenue & anticipé fut tout esbahy en son couraige de ce que la bonne Dame dit , combien que nul semblant n'en fit. Il print la main destre a la Damoiselle & de joyeux visaige & plaisante chere lui commença a dire ces parolles. Je doy bien rendre & donner graces infinies a Madame fortune qui aujourd'hui me donne tant d'heure & me fait percevoir le fruit du plus grant desir que ie pouuoie au monde auoir jamais , ne me reputeray ne clameray infortuné , quant en elle treuve si large bonté. Je puis seurement dire que ie suis aujourd'hui le plus heureux de tous les aultres , car quant ie concoy en moy ma très belle & doulce amie , comment ensemble passerons joyeusement nos jeunes jours sans ce que personne s'en puisse appercevoir ne donner garde ie sanglatis de joye. Où maintenant l'homme qui est plus aimé de fortune que moy , si ne fut vne seule chose qui me donne vng petit & legier empê-

chement a mettre a execution de ce dont la dilacion aigre me poise & desplaist, ie seroye le plus & mieulx fortuné de tout le monde, & me desplaist souuerainement que ie ne le puis amander.

Quant la bonne Damoiselle qui a nul mal n'y pensoit, ouit qu'il y avoit aucun empeschement qui ne lui laissoit desployer ses armes, elle très dolente & bien marrie, lui priaist qu'il le declarat pour y remédier s'elle pouoit. L'empêchement, dit-il, n'est point si grant qu'en petit de temps n'en soye delivré, & puis qu'il plaist a votre douceur le sçavoir ie le vous diray. Du temps que j'estoye a l'étude a l'yniuerité de Boulongne la grasse, le peuple de la Cité fut seduit & meu tellement, que par Muthemathe s'éleua contre le seigneur, si fus accusé avec les aultres mes Compaignons d'auoir été cause & moyen de la seduction de Muthematherie pourquoy ie fus mis en prison étroite ou quel lieu quant ie m'y trouuay craignant perdre la vie pource que ie me sentoye innocent du cas, ie me donnay & vouay a Dieu, lui promettant que s'il me deliuroit des prisons, & rendoit ici entre mes parens & amis, ie iureroye pour l'amour de lui vng an entier chacun jour au pain & a l'eau, & durant cette abstinence, ne seroye peché de mon corps. Or ay ie par son aide fait la plus part de l'année & ne m'en reste gueres, ie vous prie & requiers toutefois puis que votre plaisir a été moy essire pour vostre que vous ne me chan-

griez pour nul aultre qui vive, & ne vous vueil en-
nuyer le petit delay que ie vous donneray pour ac-
complir mon abstinence qui sera brief faite & qui
pieca eut été parfaite se ie me eusse osé confier
en aultruy qui me eut peu aider & donner secours,
car ie suis quitte de chascune jeune que vng aultre
feroit pour moy comme se ie la faisoie, & pource
que j'apperçoy votre grande amour & confiance que
vous auez fichée en moi, je mettray, s'il vous
plaist la fiance en vous que jamais n'ay osé mettre
sur freres, amis ne parens que j'aye doubtant que
fautte ne me feissent touchant la jeune, & vous
prieray que m'aydiez a jeuner vne partie des jours
qui restent a l'accomplissement de mon an afin que
plus bref ie vous puisse secourir en la gracieuse requê-
te que vous m'avez faite. Ma doulce & entiere amie
ie n'ay mais que soixante jours, lesquels se c'est vo-
tre plaisir & voulenté, ie partiray en deux parties,
de quoy vous en aurez l'une & moy l'autre, par
telle condicion que sans fraude me prometterés m'en
acquitter justement, & quant ils seront accomplis,
nous passerons plaifamment nos jours, doncques se
vous auez la voulenté de moy aider en la maniere
que j'ay ci-dessus dite, dite le moy maintenant. Il est
a supposer que la grande & longue espace de temps
ne lui pleut gueres, mais pource qu'elle étoit si doul-
cement requise de son amy, & aussi qu'elle desiroit
moult la jeune être parfaite & accomplie, afin qu'el-

le peut accomplir ses vouloir & desirs avec son amoureux pensant aussi que trente jours n'arrêteroient gueres , elle promet de les faire & accomplir sans fraulde, ne sans deception ou mal engin. Le bon & notable seigneur dessusdit voyant qu'il avoit gagné sa cause , & que ses besongnes se portoient très bien , si print congié a la bonne Damoiselle que ny pensoit nul mal , en lui disant que puis que sa voye & son chemin si étoit en venant de sa maison au marchié de passer deuant son huys que sans faulte il la viendroit bien souvent visiter , & a tant se departit. Et la belle Dame commença le lendemain a faire son abstinence en prenant ordonnance que durant le temps de sa jeûne elle ne mangeroit son pain & son eau jusques après soleil reconsié. Quant elle eut jeûné trois jours , le sage Clerc ainsi qu'il s'en alloit au marché a l'heure qu'il auoit accoutumé , vint veoir sa Dame a qui il se deuifia longuement , puis au dire adieu , il lui demanda si la jeune étoit ainsi encommencée , & elle respondit que oui. Entretenés vous ainsi , dit-il , & gardés votre promesse ainsi que l'avez faite. Tout entierement , dit-elle , ne vous en doutez. Il print congié & se partit , & elle perseverant de jour en jour en la jeûne , & gardoit l'obseruance en la façon qu'elle auoit promis tant étoit de bonne nature , elle n'auoit pas jeûné huit jours , que sa chaleur naturelle commença fort a refroidir , tellement que force lui fut de changer ha-

billemens, car les mieulx fourrez & enpennez qui ne seruoient qu'en l'hyver vindrent seruir au lieu des simples & tendres quelle portoit auant l'abstinence entreprinse. Au quinzième jour fut arriere visitée de son amoureux le Clerc qui la trouua foible que a grant paine pouoit aller par la maison & la bonne simplette ne se sçauoit donner garde de la tromperie tant s'étoit abandonnée a amours & parfaitement mis son attente a perseuerer a celle jeûne, & pour les joyeux & plaisans delits qu'elle attendoit seurement a auoir auecques son grant Clerc lequel quant a l'entrer en la maison la veoit ainsi foible, lui dit quelle visaige esse la & comment marchez vous maintenant, j'apperceoy que faites l'abstinence a regret, & comment ma très doulce amie, ayez ferme & constant couraige, nous auons auourd'hui acheué la moitié de notre jeûne, se votre nature est foible vainquez la par roideur & constance de cuer, & ne rompez votre lealle promesse. Il lamonestâ si doulcement qu'il lui fit prendre couraige par telle façon qu'il lui sembloit bien que les aultres quinze jours qui restoient ne lui dureroient gueres. Le vingtiesme vint auquel la simplette auoit perduë toute couleur, & sembloit a demi morte, & ne lui étoit plus le desir si grant comme il auoit esté. Il lui conuint prendre le lit & y continuellement demourer, où elle se donna aulcunement garde que son Clerc lui faisoit faire abstinence pour chastier

son desir charnel , si jugea que la façon & maniere étoient faigement aduifées , & ne pouoient venir que d'homme bien faige , toutefois ce ne la desment point ne descourist qu'elle ne fut deliberée & arrêtée de entretenir sa promesse. Au penultiesme jour elle enuoya querir son Clerc que quant il la vit couchée au lit , demanda se pour vng seul jour qui restoit auoit perdu couraige , & elle enterrompant sa parole lui respondit , ha mon bon ami vous m'avez parfaitement & de loyalle amour aimée , non pas deshonestement comme j'auois presumé vous aimer , pourquoy ie vous tiens & tiendray tant que Dieu me donnera vie & a vous aussi pareillement , mon très chier & singulier amy qui auez gardé & moy aprins mon entiere chasteté , & l'honneur & la bonne renommée de moy , mon mary , mes parens & amis. Benoit soit mon cher espoux de qui j'ay gardé & entretenu la leçon qui donne grant apuïement a mon cuer. Or ça , mon amy , ie vous rends telles graces & remercie comme ie puis du grant honneur & biens que m'avez fais , pour lesquels ie ne vous sçauroye ne pouroye jamais donner suffisantes graces non feroient tous mes amis. Le bon faige seigneur voyant son entreprinse être bien acheuée , print congié de la bonne Damoiselle , & doucement lamonesta qu'il lui souuint de chastier deormais sa nature par abstinence , & toutes les fois qu'elle s'en sentiroit esguillonée , par lequel moyen elle demoura entiere

LE SAGE NICAISE, &c. 263

jusques au retour de son mary qui ne sceut rien de l'aventure , car elle lui cela , si fit le Clerc pareillement.

Cy finissent les cent nouveaux compres des cent Nouvelles , composées & recitées par nouvelles gens depuis nasguieres.

Nargue des Amours
Sans les beaux Tours.

Fin du second Tome.

T A B L E

Des cent Nouvelles Nouvelles du second Tome.

Les Piores payées.

46. **N**O U V E L L E racontée par Monseigneur de Thianges, d'vng Jacopin & de la Nonnain qui s'étoient boutés en vng preau pour faire armes a plaifance deffous vng Poirier, où s'étoit caché vng qui sçauoit leur fait, tout a propos qui leur rompit leur fait pour cette heure comme plus a plain vous oyres cy après déclarer. Page 1

Les deux Mules noyées.

47. Nouuelle par Monseigneur de la Roche, d'vng President, sçachant la deshonneſte vie de ſa femme, la fir noyer par ſa Mule, laquelle il fit tenir de boire par l'eſpace de huit jours, pendant ce temps lui faiſoit bailler du ſel a menger comme il vous ſera recordé plus a plain. 6

La Bouche honnête.

48. Nouuelle racontée par Monseigneur de la Roche, de celle qui ne vouloit ſouffrir qu'on la baiſaſt

T A B L E.

baïsaft; mais bien vouloit qu'on lui rembouraſt ſon
bas, & abandonna tous ſes membres fors la bouche,
& de la raïſon qu'elle y mettoit. 10

Le Cul d'Ecarlatte.

49. Nouvelle racontée par Pierre David, de ce-
lui qui vit ſa femme avec vng homme auquel elle
donnoit tout ſon corps entierement, excepté ſon
derriere qu'elle laiſſoit a ſon mary, lequel la fit hz-
biller preſent ſes amis, d'une robe du bureau, & fit
mettre ſur ſon derriere vne belle piece d'Ecarlatte,
& ainſi la laiſſa devant tous ſes amis. 13

Change pour Change.

50. Nouvelle racontée & dite par Antoine de
la Salle, d'vng pere qui vouloit tuer ſon fils pour-
ce que il a voulu monter ſur ſa mere grand & de
la reſponce dudit fils. 18

Les vrays Peres.

51. Nouvelle dite & racontée par l'acteur de la
femme qui departoit ſes enfans au lit de la mort en
l'abſence de ſon mary qui ſiens les tenoit, & com-
me vng des plus petits en auertit ſon pere. 20

Les trois Monumens.

52. Nouvelle racontée par Monſieur de la
Roche, de trois enſeignemens qu'vng pere bailla a

Tome II.

Z

T A B L E.

son fils , lui étant au lit de la mort , lesquels ledit fils mit en avant , & en effet tout au contraire de ce qu'il lui avoit enseigné. Et comment il se délia d'une jeune fille qu'il avoit épousée pource qu'il la vit coucher avec le Prêtre de la maison la premiere nuit de ses nopces.

23

Le qui pro quo des Eponsailles.

53. Nouvelle racontée par Monseigneur Lamant de Bruxelles , de deux hommes & deux femmes qui attendoient pour épouser a la premiere messe bien matin , & pource que le Curé ne veoit pas trop clair , il print l'une pour l'autre , & changea a chacun homme la femme qu'il devoit avoir comme vous oyrez cy-après.

31

L'heure du Berger.

54. Nouvelle dite & racontée par Mahiot , d'une Damoiselle de Maubeuge , qui s'abandonna a vng Chareton & refusa plusieurs gens de bien , & de la reponse qu'elle fit a vng noble Cheualier pource qu'il lui reprochoit plusieurs choses comme vous oyrez cy-après.

36

L'Antidote de la perte.

55. Nouvelle racontée par Monseigneur de Villiers , d'une jeune fille qui auoit l'Epidémie qui fit mourir trois hommes pour auoir la compaignie

T A B L E.

d'elle , & comment le quatriesme fut fauvé & elle
aussi. 40

La Femme , le Curé , la Servante , le Loup.

56. Nouuelle racontée par Monseigneur de Villiers , d'vng Gentilhomme qui attrapa en vng piege qu'il fit le Curé , sa Femme , & sa Chamberiere & vng Loup avec eux , & brula tout la dedans , pource que le Curé maintenoit sa Femme. 45

Le Frere traitable.

57. Nouuelle par Monseigneur de Villiers , d'vne Damoiselle qui espousa vng Berger de la maniere du traité du mariage , & des parolles qu'en disoit vng Gentilhomme frere de ladite Damoiselle. 49

Fier contre Fier.

58. Nouuelle par Monseigneur le Duc , de deux Compaignons qui cuidoient trouver leurs Dames plus courtoises vers eux , & jouerent tant du bas metier que plus n'en pouuoient , & puis dirent pource quelle ne pouuoient tenir compte d'eux , qu'elles auoient comme eux joué du Cimier comme vous oyrez. 54

Le Malade amoureux.

59. Nouuelle par Poncelet , d'vng Seigneur qui contrefit le malade pour coucher avec sa chambe-

Z ij

T A B L E.

riere avec laquelle sa femme le trouua.

57

Les nouveaux Freres mineurs.

60. Nouvelle racontée par Poncelet , de trois Damoiselles de Malinnes qui accointées s'étoient de trois Cordeliers qui leur firent faire couronnes & vestir l'habit de religion , afin qu'elles ne fussent aperceues , & comme il fut sceu.

64

Le Cocu dupé.

61. Nouvelle racontée par Poncelet , d'vng marchand qui enferma en sa huche l'amoureux de sa femme , & elle y mit vng asne secrettement , dont le mary eut depuis bien a souffrir & se trouua confus.

69

L'Anneau perdu.

62. Nouvelle racontée par Monseigneur de Commessuram , de deux Compaignons , dont l'vng deux laissa vng diamant au lit de son hostesse , & l'autre le trouua dont il sourdit entre eux vng moult grand debat que le mary de ladite hostesse appaisa par de très-bonnes façons.

76

Montbleru , ou le Larron.

63. Nouvelle d'vng nommé Montbleru , lequel a vne foire d'Anuers déroba a ses Compaignons

T A B L E.

leurs chemises , & leur couurechief qu'il auoit baillé a blanchir a la chamberiere de leur hostefse , & comment depuis ils pardonnerent au Larron , & puis Montbleru leur conta le cas tout au long.

88

Le Curé rasé.

84. Nouvelle racontée par Messire Michault de Changy , d'vng Curé qui se vouloit railler d'vng châtreux nommé tranche c. mais il eu ses genitoires coupées par le consentement de l'hoste.

94

L'Indiscretion mortifiée & non punie.

65. Nouvelle racontée par Monseigneur le Preuost de Wastenes , de la femme que ouit conter a son mary qu'vng hostellier du Mont saint Michel faisoit rage de rondiner , si alla cuidant l'éprouuer , mais son mary l'en garda trop bien , dont elle fut trop mal contente , comme vous oyrez cy-après.

99

La Femme au Bain.

66. Nouvelle racontée par Phelippes de Laon , d'vng Tauernier de saint Omer , qui fit vne question a son petit fils , dont il se repentit après qu'il eut oui la reponse de laquelle sa femme en fut très-honteuse , comme vous oyrez plus a plain cy-après.

104

Z iij

T A B L E.

La Dame a trois Maris.

67. Nouuelle dite & racontée par Phelippes de Laon , d'vng Chaperon fouré de Paris qui vne cordonniere cuida tromper , mais il se trompa lui-même bien loupement , car il la maria a vng barbier , & cuidant d'elle estre dépêchée se voulut marier ailleurs , mais elle l'en garda mieux , comme vous pourrez voir cy-dessus plus en plain.

106

La Garce déponillée.

68. Nouuelle racontée par Chrestien Digoine , d'vng homme marié que sa femme trouua avec vng autre & puis trouua maniere d'auoir d'elle son argent , ses bagues , ses joyaux a tout jusqu'à la chemise & puis l'enuoya paistre en ce point , comme cy-après vous sera recordé.

110

L'honneste Femme a deux Maris

69. Nouuelle dite & racontée par Monseigneur , d'vng Gentilhomme Cheualier de la Comté de Flandres , marié a vne moult belle & gente Damoiselle , lequel fut prisonnier en Turquie par très-longue espace , durant laquelle sa bonne & loyalle femme par l'admonestement de ses amis se remaria a vng autre Cheualier & tantost après

T A B L E.

qu'elle fut remariée elle ouit nouuelles certaines que son premier mary reuenoit de Turquie, donc par déplaisance se laissa mourir pource qu'elle auoit fait nouuelle alliance.

113

La Corne du Diable.

70. Nouuelle racontée par Monseigneur, d'vng gentil Cheualier d'Allemagne moult grand voyager en son temps, lequel après vng certain voyage par lui fait, fit vœu de ne jamais faire le signe de la croix par très-ferme foy & credence qu'il auoit au saint sacrement de baptême, en laquelle credence il combattoit le diable, comme vous oyrez cy-après.

117

Le Cornard débonnaire.

71. Nouuelle racontée par Monseigneur, d'vng Cheualier de Picardie qui en la ville de saint Omer se logea en vne hostellerie ou il fut amoureux de l'hostesse de leans, avec laquelle il fut très-amoureusement, mais en faisant ce que vous sçaez, le mary de ladite hostesse les trouua lequel tint maniere telle que cy-après pourrez ouir.

122

La nécessité est ingénieuse.

72. Nouuelle par Monseigneur de Commessuram, d'vng Gentilhomme de Picardie, qui fut

Z iij

T A B L E.

amoureux de la femme d'vng Cheualier son voisin, lequel Gentilhomme trouua façon par bons moyens d'auoir la grace de sa Dame avec laquelle il fut assigné, dont a grand peine trouua maniere d'en jouir, comme vous oyrez cy-après. 125

Loiseau en la Cage.

73. Nouuelle par maître Jehan Lambin, d'vng Curé qui fut amoureux d'vne sienne paroissienne avec laquelle ledit Curé fut trouué par l'auertissement de ses voisins, & de la maniere comment ledit Curé échappa comme vous oyrez cy-après.

130

Le Curé trop respectueux.

74. Nouuelle racontée par Phelippes de Laon, d'vng Prêtre Boulyennois, qui leua deux fois le corps de notre Seigneur J. C. en chantant vne Messe pource qu'il cuidoit que Monseigneur le Senechal de Boulongne fut venu tard a la Messe, & aussi comment il refusa de prendre la paix deuant Monseigneur le Senechal, comme vous pourrez ouir cy-après.

137

La Musette.

75. Nouuelle racontée par Monseigneur de Thalemas, d'vng gentil galant demi follet, non gueres saige, qui en grand auanture se mit de mou-

T A B L E.

rit & être pendu au gibet pour nuire & faire déplaisir au Bailly & a la Justice & autres plusieurs de la ville de Troyes en Champaigne , desquels il étoit hay mortellement , comme plus a plain pourrez ouir cy-après.

139

Le Laqs d'Amour.

76. Nouvelle racontée par Phelippes de Laon , d'vng Prêtre Chapelain a vng Cheualier de Bourgongne , lequel fut amoureux de la gouge dudit Cheualier & de l'auanture qui lui aduint a cause desdites amours , comme cy - dessous vous oyrez.

143

La Robbe sans manches.

77. Nouvelle racontée par Allardin , d'vng Gntilhomme des marches de Flandres , lequel faisoit sa residence en France , mais durant le temps que en France residoit , sa mere fut malade esdites marches de Flandres , lequel la venoit très - souvent visiter cuidant qu'elle mourut & des paroles qu'il disoit & de la maniere qu'il tenoit , comme vous oyrez cy - dessous.

147

Le Mary Confesseur.

78. Nouvelle par Jehan Martin , d'vng Gentilhomme marié , lequel sa voulanté fut de faire plusieurs & lointains voyages , durant lesquels

T A B L E.

la bonne & loyalle preude femme de trois gentils compaignons s'accointa , comme cy-après pourrez ouir , comment elle confessa son cas a son mary quant desdits voyages fut retourné , cuidant le confesser a son Curé , & de la maniere comment elle se sauua , comme vous oyrez cy-après. 150

L'Asne retrouvé.

79. Nouuelle par Messire Michault de Changy , d'vng bon homme de Bourgongne , lequel alla au conseil a vng saige homme dudit lieu pour son asne qu'il auoit perdu , & comment il croyoit que miraculeusement il trouua fondit asne , comme cy-après pourrez ouir. 155

La bonne mesure.

80. Nouuelle par Messire Michault de Changy , d'vne fille d'Allemagne qui de l'aage de quinze a seize ans ou enuiron , se maria a vng gentil galant , laquelle se complaignit de ce que son mary auoit trop petit instrument a son gré pource qu'elle veoit vng petit asne qui n'auoit que demi an , & auoit plus grand outil que son mary qui auoit vingt-quatre ans , ou vingt-six ans. 158

Le Malheureux.

81. Nouuelle racontée par Monseigneur de

T A B L E.

Vaulurain , d'vng gentil Cheualier qui fut amoureux d'une très-belle jeune Dame mariée , lequel cuida bien paruenir a la grace d'icelle & aussi d'une autre sienne voisine , mais il faillit a tous deux , comme cy-après vous oyrez. 161

La marque.

82. Nouuelle par Monseigneur de l'Annoy ; d'vng Bergier qui fit marché avec vne Bergiere qu'il monteroit sur elle afin qu'il vit plus loing par tel si qu'il ne l'embrocheroit non plus auant que le signe qu'elle-même fit de la main sur l'instrument du susdit Berger , comme cy - après plus a plain pourrez ouir. 170

Le Carme glouton.

83. Nouuelle par Monseigneur de Vaulurain ; d'vng Carme qui en vng villaige prescha , & comment après son preschement il fut prié de disner avec vne Damoiselle , & comment en disnant il mit grand peine de fournir & emplir son pourpoint comme vous oyrez s'il vous plaist. 172

La part au Diable.

84. Nouuelle par Monseigneur le Marquis de Rotelin , d'vng sien Marechal qui se maria a la plus douce & amoureuse femme qui fut en tout

T A B L E.

le pays d'Allemagne , s'il est vrai ce que je dis
sans en faire grand serment , afin que par mon
écrit menteur ne soye réputé , vous le pourrez veoir
cy-dessous plus a plain. 173

Le Curé cloué.

85. Nouvelle d'vng Orseure marié a vne très-
belle , doulce & gracieuse femme , avec ce , amou-
reuse par espéciale de son Curé leur prochain voi-
sin , avec lequel son mary la trouua couchée par
l'auertissement d'vng sien seruiteur , & ce , par la
jalousie , comme vous pourrez ouir. 177

La Terreur panique , ou l'Official Juge.

86. Nouvelle racontée & parle d'vng jeune
homme de Rouen , qui print en mariage vne
gente & jeune fille de l'aage de quinze ans ou
enuiron , lesquels la mere de laditte fille cuida
bien faire démarier par Monseigneur l'Official de
Rouen , & de la Sentence que ledit Official en
donna après les parties par lui ouyes , comme
vous pourrez veoir cy-après. 181

Le Curé des deux.

87. Nouvelle racontée & parle d'vng gentil
Cheualier , lequel s'enamoura d'vne très-belle

T A B L E.

jeune , & gente fille , & aussi comment il lui print vne très-grande maladie en un œil pour laquelle cause lui conuint auoir vng Médecin , lequel pareillement deuint amoureux de laditte fille , comme vous oyrez , & des paroles qui en furent entre le Cheualier & le Médecin pour l'emplâtre qu'il lui mit sur son œil. 187.

Le Cocu sauvé.

88. Nouvelle d'vng bon simple homme payfant , marié a vne plaisante & gente femme , laquelle laissoit bien le boire & le manger pour aimer par amours , & de fait pour être assurément avec son amoureux enferma son mary au coulombier , par la maniere que vous oyrez. 191.

Les Perdrix changées en Poisson.

89. Nouvelle d'vng Curé qui oublia par négligence ou faute de sens , a annoncer le Carême a ses Paroissiens jusqu'a la vigile de Pâques fleuries , comme cy-après vous pourrez ouïr , & de la maniere comment il s'excusa envers ses Paroissiens. 195.

La bonne Malade.

90. Nouvelle est d'vng bon marchand de Brebant qui avoit sa femme très-fort malade , doutant qu'elle ne mourut après plusieurs remon-

T A B L E.

frances & exortations qui lui fit pour le salut de son ame , lui cria merci , laquelle lui pardonne tout ce qu'il pouuoit lui auoir mefait , excepté tant seulement ce qu'il auoit si peu besongné en son ouuroïer , comme en ladicte nouuelle pourrez oüir plus a plain.

198

La Femme obéissante.

91. Nouuelle parle d'vng homme qui fut marié a vne jeune femme , laquelle étoit tant luxurieuse & tant chaude sur le potage , que je cuide qu'elle fut née en estuues ou a demi lieuë du soleil de midy , car il n'étoit nul tant bon ouurier fut-il qui la put refroidir , & comment il la cuida chastier & de la reponse que lui bailla.

201

Le Charivari.

92. Nouuelle racontée par Monseigneur de Launoy , parle d'vne bourgeoise mariée , qui étoit amoureuse d'vng Chanoine , laquelle pour plus couuertement aller deuers ledit Chanoine , se accointa d'vne sienne voisine & de la noïse & debat qui entre elle fourdit pour l'amour du mestier dont elles étoient comme vous oyrez cy - après.

203

La Postillonne sur le dos.

93. Nouuelle racontée d'vne gente femme

T A B L E.

marlée , qui feignoit a son mary d'aller en pelerinage pour soy trouuer avec le Clerc de la ville son amoureux avec lequel son mary la trouua , & de la maniere qu'il tint quant ensemble le vit faire le metier que vous sçaez , comme vous oyrez.

208

Le Curé double.

94. Nouuelle racontée d'vng Curé qui portoit courte robbe comme ces galans a marier , pour laquelle cause il fut cité deuant son juge ordinaire , & de la sentence qui en fut donnée , aussi la deffense qui lui fut faite & des autres tromperies qu'il fit après , comme vous oyrez plus a plain.

211

Le doigt du Moine guéri.

95. Nouuelle racontée par Monseigneur de Villiers , d'vng Moine qui feignit être très-fort malade & en danger de mort pour paruenir a l'amour d'vne femme sienne voisine , par la maniere qui s'ensuit.

215

Le Testament Cynique.

96. Nouuelle d'vng simple & riche Curé de village , qui par sa simplessse auoit enterré son chien au Cimetiere , pour laquelle chose il fut cité pardeuant son Euêque , & comme il bailla la somme de cinquante Ecus d'or audit Euê-

T A B L E.

que , & de ce que l'Euêque lui dit , comme
pourrez ouïr cy-dessus. 219

Le Hausseur.

97. Nouuelle d'une assemblée de bons Compaignons faisans bonne chiere a la tauerne , beuans d'autant & d'autel , dont l'vng d'iceux se combattit a sa femme quand a son hostel il fut retourné , comme vous oyrez cy-dessous. 222

Les Amans infortunés.

98. Nouuelle racontée par Lebreton , d'vng Cheualier de ce Royaume , lequel auoit fait de a femme vne belle & gente Damoiselle aagée de quinze a seize ans ou enuiron , mais pource que son pere la vouloit marier a vng riche Cheualier ancien , lequel étoit son voisin , elle s'en alla avec vng autre jeune Cheualier son seruiteur en amours , en tout bien , & tout honneur , & comment par merueilleuse fortune ils finirent leurs jours tous deux piteusement sans jamais en nulle maniere auoir habitation l'vng avec l'autre , comme vous oyrez cy-après. 224

La Métamorphose.

99. Nouuelle racontée d'vng Euêque d'Espagne , que par faute de poisson mangea deux Perdrix 224


T A B L E.

dix a vng vendredy , & comment il dit a ses gens
qu'il les auoient conuerties par paroles de chair
en poissons , comme cy en près plus a plain vous
fera recordé. 233

Le sage Nicaise , ou l'Amant vertueux.

100. & derniere de ces présentes Nouuelles
d'vng riche Marchand de la Cité de Gennes , qui
se maria a vne belle & gente fille. Laquelle par
longue absence de son mary , & par son même
auertissement manda querir vng faige Clerc , jeune
& roide pour la bien seruir & secourir de ce dont
elle auoit metier , & de la jeûne qu'il lui fit faire ,
comme vous oyrez cy-après plus a plain. 237

Fin de la Table du second Tome.



Tome II.

A a

1





